

P.11151

RATIO

ATQVE

INSTITUTIO STUDIORUM
SOCIETATIS

J E S U.



ROMÆ MDCCCV.

Typis Junchi. apud Garolum Mordacchini.
Superiorum Facultate.

OLTAIA
AEREA
INSTITUTUS STUDIORUM
SOCIETATIS
U. S. E. I.

MODERATIONE
(indecibilem ratione) INSTITUTI SOCIETATIS
SOCIETATIS

REGULÆ SCHOLASTICORUM

NOSTRÆ SOCIETATIS.

In ^a primis animi puritatem custo-
dire , & rectam in studiis intentionem
habere Scholastici nostri conentur : nihil & intentio .
aliud in his , nisi Divinam Gloriam , &
animatorum fructum quærentes ; & in suis
orationibus gratiam , ut in doctrina pro-
ficiant , crebro petant , ut tandem ^b ido-
nei , sicut ab iis sperat Societas , ad vi-
neam Christi Domini nostri exemplo ,
ac doctrina excolendam evadant .

2. ^c Serio , & constanter ad studia ani-
mum applicare deliberent , utque ^d caven-
dum sibi putent , ne fervore studiorum
intepescat solidarum virtutum , ac reli-
giosæ vitæ amor , ita sibi vicissim per-
suadeant , nihil gratius se Deo facturos
in Collegiis , quam si ea intentione , de
qua dictum est , studiis se diligenter im-
pendant ; & licet nunquam ad exercenda
ea , quæ didicerint , perveniant ; illūm
tamen studendi laborem ex obedientia ,
& caritate , ut par est , susceptum , opus
esse magni meriti in conspectu Divinæ ,
& Summæ Majestatis apud se statuant .

a 2

3. Iis

a P. 4. cap. 5. §. 2. & c. 6. §. 6. Ex superioris præscripto stu- 3. a Iis facultatibus singuli operam da- bunt, eosque audient Præceptores, quos Superior assignabit: præscriptam vero a dendum. Præfecto, vel a Magistro divisionem temporis, ac rationem studendi servent diligenter universi; nec aliis, quam ab eodem Præfecto sibi traditis, utantur libris.

b P. 4. cap. 6. §. 8. Diligentia. 4. b In audiendis lectionibus sint as- sidui, & in eis prævidendis diligentes, & postquam eas audierint, repetendis: iis, quæ non intellexerint, interro- gandis: aliis vero, quæ oportuerit, ad- notandis, quo in posterum memoriæ de- fectui consulatur.

c P. 4. cap. 6. §. 10. Disputationes publicæ. 5. c Intersint ordinariis scholarum, ad quas accedunt, disputationibus; & sin- gulare sui specimen in doctrina præ- bere, modeste tamen, current.

d P. 4. cap. 6. §. 11. Privatae. 6. d Privatis præterea, & quotidianis disputationibus, ac repetitionibus omnes intersint, & qui disputant, ei, qui præ- est, religiose obedient.

e P. 4. cap. 6. §. 6. Modestia. 7. e Cum ad publicas scholas eundum erit, eant, & redeant invicem associati cum ea modestia interiore, & exteriore, quæ ad sui, & aliorum ædificationem conveniat.

f Ibidem. Colloquia cum externis. 8. f Eorum colloquia, qui cum scho- lasticis externis loquendi habuerint facul- tatem, sint solum de rebus ad litteras, vel

NOSTRÆ SOCIETATIS.

5

vel ad profectum spiritus pertinentibus,
prout ad Majorem Dei Gloriam omnibus
utilius fore judicabitur.

9. ^a Omnes quidem, sed præcipue hu- ^{a P. 4. cap. 6.}
maniorum litterarum studiosi, latinè ^{§. 13. & c. 13.}
loquantur: atque hi memoriæ, quod a ^{§. 3.} Latinæ linguae
suis Magistris præscriptum fuerit, com- ^{usus.}
mendent, ac stilum in compositionibus
diligenter exerceant.

10. ^b Ultra duas horas nemo aut legen- ^{b P. 4. cap. 4.}
do, aut scribendo ad laborem incumbat, ^{§. 1.} Studii tempus.
quin studium intermittat aliquantulo tem-
poris intervallo.

11. ^c Horis privato studio attributis, ^{c P. 4. cap. 6.}
qui superioribus facultatibus dant operam, ^{§. 14. M.}
domi relegant, quæ scripserunt in scholis, ^{Privati studii}
eaque current intelligere: & intellecta sic
examinent, ut ipsi sibi objiciant, & quæ
objecerint, solvant; quæ nequeant, ad-
notent ad interrogandum, vel disputan-
dum.

a 3

IN-

INSTITUTIO EORUM^a

QUI PER BIENNIVM

Privato studio Theologiam repetunt.

Quæ schola-
sticorum régula-
læ illis com-
munes.

Scholasticorum regulas, præter eas, quæ ad lectiones in scholis audiendas, earumque repetitiones pertinent, non secus ac coeteri discipuli observent: præsertim vero ne studiorum fervore solidarum virtutum amor intepescat, omni diligentia current.

Collationi ca-
suum, & dis-
putationibus
intersint.

2. Similiter ut alii Theologiæ auditores collationi casuum, omnibus actibus, & menstruis etiam eorum disputationibus intersint.

Argumenta,
quando resu-
ment.

3. In Philosophorum autem disputationibus menstruis non solum interesse debebunt; sed poterunt etiam argumenta resumere, itemque in hebdomadariis Theologorum, si Magistri non adsint.

Quæstiones
omissæ, vel
compendio
tractatæ.

4. Pro ratione studendi, & distribuzione horarum a Præfecto præscripta diligens, & accuratum studium instituant earum materiarum, quas vel nullo modo, vel compendio audierunt, adhibitis commentariis eorum, qui eas diligentius pertractarunt.

5. De-

QUI THEOL. REPETUNT. 7

5. Deinde studeant præcipuis disputationibus totius Theologiæ, v. g. Ex prima parte de Visione, de Scientia, de Prædestinatione, de Trinitate; itemque ex aliis partibus, tum ea, quæ ab aliis scripta sunt, diligenter perpendendo, tum proprio etiam ingenio capita quædam, & principia Theologiæ, unde præcipuarum quæstionum series pendeat, disponendo, servatis tamen quamdiligentissime iis ^a, quæ de doctrina Sancti Thomæ sequenda a Societate constituta sunt.

6. Scribant ex instituto quæstiones aliquas cum suis fundamentis, & conclusionibus, & objectorum solutionibus more scholastico, perinde ac si eas præleggere in schola deberent, easque singulis, vel alternis saltem mensibus Præfecto studiorum ostendant, ut ab eo dirigantur.

7. Habere etiam interdum poterunt ^{privatae lectio-} ejusmodi lectiones, vel privatim ^{nes.} coram nostris doctoribus, vel in ipsis repetitionibus Theologorum per tres circiter horæ quadrantes, ut ad extremum Patres, qui adsunt, argumentari possint, vel denique, si videatur, in Refectorio.

8. Consimiles quæstiones habere etiam ^{publicæ} poterunt de præclara aliqua materia, quæ denis ad summum prælectionibus absol-

Studium præcipuarum quæstionum.

<sup>a P. 4. c. 14.
§. 1. & 5. Con.
greg. can. 9. &
decr. 55. & 72.</sup>

Scribendæ ex professo quæstiones.

8 INSTITUTIO EORUM

vatur, in ea schola, eoque tempore, ut qui voluerint Theologi, convenire possint.

Actus .

9. Distribuatur illis tempus ad quatuor actus particulares, & unum generalem habendum: & primus quidem particularis sub initium fere primi semestris, alter in fine, & sic deinceps singulis semestribus reliqui celebrentur, ita ut generalis ultimum semestre claudat.

Suas opinio-
nes qua ratio-
ne liceat de-
fendere .

10. Liberum eis sit in actibus a Magistrorum suorum sententiis discedere, suasque, si libeat, tueri, dummodo nulla ratione alienæ sint a S. Thomæ doctrina ex quintæ Congregationis decretis: ita tamen, ut non solum de sententiis ipsis, sed etiam de fundamentis, ac principiis, quibus eas tueri volunt, tempestive cum Præfecto, eoque, qui præsidere debet, consentiant. Immo quo melius sui ingenii specimen dent, sinet Præses eos libere respondere, nec, nisi cum maxime necesse sit, interpellabit.

Eruditio .

11. Intelligent denique biennio hoc curandum sibi esse, ut non solum in Theologia docti ac prompti, sed in omni etiam ecclesiastica eruditione, quæ Theologum maxime decet, evadant.

a P. 4. c. 5. B.
Concilia, con-
troversia, Ca-
non .

12. Itaque singulis diebus a certum tempus habeant ad accuratam sacræ Scripturæ, Conciliorum, Controversiarum, & Ga-

QUI THEOL. REPETUNT. 9

& Canonum lectionem , & semper aliquo ordine notent , quæ notatu digna videbuntur : nihil tamen parent ad Con- ciones ex professo : & ex hoc studio ali- quid interdum prælegant , vel in triclinio , vel alibi , prout Superiori videbitur .

13. In Canonum studio partem judi- Canonum stu- ciariam omittant , in Ecclesiastica toti dium . versentur .

14. Speciatim in id maxime studium Naturæ pro- incubant , ad quod se magis propensos pensio atten- senserint , re diligenter cum Superiore denda . communicata : ita tamen , ut ex aliis , quæ præscribuntur , nullum omittant .



RE-

REGULÆ
COMMUNES PROFESSORIBUS
CLASSIUM INFERIORUM.

Finis.

- I.** A dolescentes, qui in Societatis disciplinam traditi sunt, sic Magister in-
 a *P. 4. cap. 7.* stituat, ut una ^a cum litteris mores etiam
 §. 2. Christianis dignos in primis hauriant.
- b** *P. 4. c. 16.* Feratur autem ejus peculiaris inten-
 §. 4. tio, tam in lectionibus, cum se occasio obtulerit, quam extra eas, ad teneras adolescentium mentes obsequio, & a- mori Dei, ac virtutum, quibus ei placere oportet, præparandas; sed præcipue ea, quæ sequuntur, observet.
- c Ibid. &c.** 2. c Orationem brevem ante scholæ Oratio ante initium dicat aliquis ad id institutam: lectionem. quam Præceptor, & discipuli omnes a- perto capite, & flexis genibus attentè audient: ante lectionis vero initium ipse Præceptor signo Crucis se muniat aper- to capite, & incipiat.
- d Ibid. §. .** 3. d Missæ, & concioni curet, ut in- Missa, & Con- tersint omnes; missæ quidem quotidie, cito.
- e P. 4. cap. 7.** concioni vero diebus festis: ad quam præterea bis saltem singulis hebdomadis eos in Quadragesima mittat, aut etiam pro regionis consuetudine ducat.

4. Do-

4. ^a Doctrina Christiana in classibus ^{a P. 4. cap. 7.}
præsertim Grammaticæ , vel etiam in ^{§. 2. & c. 16.}
aliis , si opus sit , feria sexta , aut Sab- ^{§. 2.}
bato ediscatur , ac memoriter recitetur ,
nisi forte alicubi , & a novis discipulis
etiam sæpius recitanda videretur .

5. Piam cohortationem , vel doctrinæ ^{Adhortatio}.
explicationem feria item sexta , aut Sab-
bato habeat per semihoram : hortetur au-
tem potissimum ad orandum Deum quoti-
die , præcipue vero ad Coronam Beatæ
Virginis , aut Officium quotidie recitan-
dum , ad excutiendam conscientiam ves-
peri ^b , ad Sacra menta Poenitentiæ , & ^{b P. 4. c. 7. §. 2.}
Eucharistiæ frequenter , ac rite obeunda ,
ad vitandas noxias consuetudines , ad vi-
tiorum detestationem , ad virtutes deni-
que colendas Christiano homine dignas .

6. Privatis etiam ^c colloquiis eadem ad
pietatem pertinentia inculcabit , ita ta-
men , ut nullum ad Religionem nostram
videatur allicere ; sed si quid hujusmodi
cognoverit , ad Confessarium rejiciat .

7. Litanias Bñæ Virginis Sabbato ^{Litanix , &}
sub Vesperum in sua classe recitari ju- ^{devotio B. Vir-}
beat , vel , si moris sit , in templum ad
easdem cum coeteris audiendas ducat : pie-
tatem vero in eamdem Virginem & An-
gelum etiam Custodem discipulis diligen-
ter suadeat .

8. Le-

Lectio Spiritu-
tualis.

8. Lectionem spiritualem , præsertim de Sanctorum vitis vehementer commen-
a P. 4. c. 5. E. det : contra vero non solum ipse ^a ab im-
puris scriptoribus , & omnino , in quibus
sit aliquid , quod bonis moribus nocere
queat , juventuti prælegendis abstineat ;
sed ab iisdem etiam extra scholam legen-
dis discipulos quam maxime potest , deter-
reat .

b P. 4. c. 16.
§. 1.
Confessio .

9. Confessiones ^b singulis mensibus ,
ut a nemine omittantur , efficiat : jubebit
autem eos tradere suum in schedula de-
scriptum nomen , cognomen , & classem
Confessariis ; ut schedulas postea reco-
gnoscens , quinam defuerint , intelligant .

Orandum pro
discipulis .

10. Oret Deum sæpe pro suis discipu-
lis , eosque religiosæ vitæ suæ exemplis
ædificet .

Præfecto ob
temperandum .

11. Præfecto horum studiorum obtem-
perabit in iis , quæ ad hæc studia , &
scholæ disciplinam pertinent : quo incon-
sulto , neque ullum in scholam admittet ,
aut dimittet , nec librum ullum suscipiet
explicandum , nec ullam cuivis a commu-
nibus scholæ exercitationibus immunita-
tem dabit .

Gradus cuius-
que scholæ .
c P. 4. c. 13. B.

12. Scholæ omnes in suo se gradu con-
tineant . Et de Rethorica quidem , & Hu-
manitate dicetur seorsim ; ^c Grammaticæ
vero tres scholæ esse debent , quibus
eius-

ejusdem quidam quasi cursus absolvatur. Omnia proinde Emanuelis præcepta tres in partes dividenda sunt, quarum singulariæ singularum scholarum sint propriæ, ita tamen, ut in unaquaque classe ea semper, quæ in schola proxime inferiore tradita sunt, recurrentur, prout in cuiusque Magistri regulis indicabitur.

13. In Græca etiam grammatica hæc fere divisio erit. Prima pars a primis elementis ordiendo simplicia nomina, verbum substantivum, & verba item simplicia complectitur pro infima classe. Secunda nomina contracta, verba circumflexa, verba in Mi, & faciliores formationes pro Media classe. Tertia reliquas partes orationis, seu quæcumque Rudimentorum nomine continentur, exceptis dialectis, ac difficilioribus annotationibus pro suprema classe. Quarta, quæ Humanitati tribuitur, omnem syntaxim. Quinta denique pars, quæ est Rethoricae, artem metricam.

14. Divisio temporis, quod in Rethorica binis minimum horis; in Humanitate vero, & cœteris scholis duabus & di-miata mane, totidemque a prandio, binis item minimum die vacationis definitur, eadem semper esse debebit; ut certum sit, quæ horæ quibus exercitationibus impendantur.

15. Ha-

Græca grammaticæ divisionis

nopolitana

Divisio temporis.

Quatenus
commutanda.
a P. 4. c. 13.
§. 2.

15. Harum tamen exercitationum ordinum ad Provincialis præscriptum a pro loci consuetudine immutari potest: dummodo eadem omnino, eademque spatia temporis illis in cujusque magistri regulis assignata retineantur, & in semel cœpto constantia servetur.

Dies festus in
Sabbatum in-
cidens.

16. Si festus dies inciderit in Sabbathum, ejus diei exercitationes in antecedentem diem revocentur, vel omittantur.

Die vacationis
quæ divisio.

17. Eadem divisio die vacationis erit, ubi non assignantur propriæ exercitationes: singulæ enim, quæ aliis diebus fiunt, pro portione contrahendæ, aut earum aliqua in orbem prætermittenda, tempusque aliquod concertationi relinquendum.

Latine loquen-
di usus.

18. Latine loquendi usus severe in primis custodiatur, iis scholis exceptis, in quibus discipuli latine nesciunt, ita ut in omnibus, quæ ad scholam pertinent, numquam liceat uti patro sermone, notis etiam adscriptis, si qui neglexerint: eamque ob rem latine perpetuo Magister loquatur.

Memoriæ
exercitatio.

19. Memoriæ traditas prælectiones discipuli Decurionibus recitent, de quorum officio infra regula 36. dicetur, nisi forte alius placeat mos in Rethorica: ipsi vero decuriones Decurioni maximo vel

Ma-

Magistro persolvent. Qui magister aliquot quotidie ex desidiosis fere, quique serius ad ludum venerint, recitare jubeat, ad explorandam curionum fidem, omnesque in officio continendos. Sabato audita per unam vel etiam plures hebdomadas publice memoriter reddantur. Libro autem absoluto deligi poterunt interdum, qui illum e suggestu ab initio pronuncient non sine proemio.

20. Scriptiones afferendæ in classibus Scriptiones af-
ferendæ.
Gramaticæ quotidie præter diem Sabbati, in cœteris solutæ quidem orationis quotidie præter diem vacationis, & Sabbati; carminis vero bis tantum, proximo scilicet post dominicum, & vacationis diem; græci demum Thematis saltem semel, quo die Magistro libuerit, a prandio.

21. Scriptiones corrigendæ ferme pri- Corrigendæ.
vatim, & submissa voce cum unoquoque discipulorum, ut iis interim stilum exercendi tempus detur: Expedit tamen quotidie aliquot exempla, modo ex optimis, modo ex deterrimis, tum initio, tum in fine publicè recitare, atque perpendere.

22. Modus corrigendæ scriptionis in Corrigendi
ratio.
universum est indicare, si quid contra præcepta peccatum sit; interrogare, quomodo emendari possit; jubere, ut æmuli, statim ut aliquid deprehenderint, publi-

ce

ce corrigant, prœceptumque, contra quod peccatum est, proferant; laudare denique, si quid apte perfectum sit. Hoc autem dum publicè peragitur, primum discipuli scriptionis exemplum (quod semper præter id, quod magistro describitur, afferendum est) secum ipsi legant, & emendent.

Corrigenda 23. Quotidie scriptiones singulorum a quamplurimæ magistro corrigi oportet, cum præcipius, & maximus inde fructus existat: si tamen multitudo non patiatur, corrigat quainplurimos, ita ut quos uno die discipulos præteriit, altero vocet. Eam ob causam diebus præsertim, quibus carmina afferuntur, scriptiones aliquas æmulis emendandas disperiat, (quod quo commodius fiat, unusquisque non suum tantum, sed etiam æmuli nomen a tergo scriptionis inscribat) aliquas ipse Magister pomeridiano tempore, dum memoriter recitatur, aliquas, si libuerit, domi corrigat.

Exercitatio- 24. Exercitationes varias, dum scri-
nes inter cor- pta corrigit, pro scholæ gradu, modo
rigendum. hanc, modo illam imperet. Nulla enim
re magis adolescentium industria, quam
satietate languescit.

Repetitio : 25. Repetitio prælectionis tum hester-
næ, tum præsentis eodem se habeat mo-
do,

do, fiatque vel ab uno tota, vel potius a pluribus per partes, ut omnes exerceantur: repetantur autem præcipua, & ultima, primum fere a provectionibus, deinde etiam ab aliis; idque vel continenti oratione, vel ad singulas Magistri interrogationes interrupta, æmulo inter repetendum corrigente, si alter erret; vel, si cunctetur, antevertente.

26. Die Sabbati, omnia, quæ per Repe^titioⁿ di Sabbathi.
hebdomadam prælecta sunt, recolantur. Quod si qui interdum profiteantur de iis omnibus, vel de toto libro se responsuros, ex iis aliquot delectos reliqui binis, ternisve lacessant interrogationibus non sine proemio.

27. In prælectionibus veteres solum Prælectio.
auctores, nullo modo recentiores expli- centur: multum autem proderit, si Magister non tumultuarie, ac subito dicat; sed quæ domi cogitate scripserit; totumque librum, vel orationem, quam præ manibus habet, ante perlegerit: forma autem prælectionis hæc ferme erit.

Primum totam continenter pronun- ciet, nisi aliquando in Rethorica, & Hu- manitate longior esse debeat.

Secundo brevissime argumentum ex- ponat, & connexionem, ubi erit opus, cum iis, quæ antecesserant.

b

Ter-

Tertio unamquamque periodum prælegens, si quidem latine interpretetur, obscuriores explanet, unam alteri nectat, ac sententiam non quidem inepta metaphrasi unicuique verbo latino alterum verbum latinum reddendo, sed eamdem sententiam, si quidem sit obscurior, aperitoribus phrasibus declarando aperiat: si vero vulgi sermone, servet, quoad fieri potest, collocationem verborum. Sic enim numero assuescunt aures. Quod si sermo patrius non patitur, prius ad verbum fere omnia, postea ad vulgi consuetudinem explicit.

Quarto, a capite recurrens, nisi malit ipsi explicationi inserere observationes, tradat cuique scholæ accommodatas; quas vero excipiendas censuerit, quæ multæ esse non deberent, vel interrupte inter explicandum, vel seorsim, prælectione jam habita, dictet: utile autem solet esse, ut grammatici nihil scribant, nisi jussi.

*Prælectio historici, &
Poetæ.*

28. Historici & Poetæ prælectio illud habet peculiare, quod historicus celerius fere excurrentus; in poeta sæpe oratoria paraphrasis accurate facta plurimum decet: faciendumque, ut discipuli poetæ, oratoris que stilum internoscere consuescant.

Prælectio præceptorum.

29. In prælegenda tum Cypriani Rethorica, tum Arte metrica, tum latina, græ-

græcave Grammatica, & horum similibus ad præcepta spectantibus, res ipsæ potius, quam verba perpendenda sunt. Locutiones vero brevissimæ ab optimis scriptoribus proponendæ, & statim reddendæ. In Grammaticæ vero, præsertim inferioribus classibus, cum incidit aliquid difficultius, illud ipsum uno, aut pluribus diebus recolatur, aut faciliora quædam ex aliis Grammaticæ partibus interponantur, repeatanturve.

30. Scribendi argumentum non dictandum ex tempore, sed meditato, & fere descripto, quod ad imitationem Ciceronis, quantum fieri potest, & ad normam cuiusdam narrationis, suasionis, gratulationis, admonitionis, aliarumque id genus rerum dirigatur: & quidem tum latina lingua, tum patria scribendum esset, ubi dictatur ad verbum. Dictatum porro statim Magister jubeat recitari; explicet, si quid forte difficultius; vocabula, phrases, aliaque præsidia subministrat; semperque, excepto Rethore, inter dictandum admoneat, quomodo quævis pars conscribenda sit, & interpungenda. Aliquid vero extraordinarium solito amplius præscribendum est, cum plures dies festi incident, vel cum vacaciones, tum majores, tum minores indicuntur.

Concertatio.

31. Concertatio, quæ vel Magistro interrogante, æmulisque corrigentibus, vel ipsis invicem inter se æmulis percontantibus fieri solet, magnificienda, &, quoties tempus patitur, usurpanda, ut honesta æmulatio, quæ magnum ad studia incitamentum est, foveatur. Poterunt autem vel singuli, vel plures ex utraque parte committi, præcipue ex magistratibus; vel unus etiam plures lacessere. Privatus fere privatum petet, magistratus magistratum; privatus etiam interdum magistratum, ejusque dignitatem, si vicerit, sive aliud proemium, aut victoriæ signum consequi poterit, prout scholæ dignitas, & locorum ratio postulabit.

Extraordinariae exercitationes.

32. Extraordinariæ exercitationes utilitatem magnam habent: in quibus illud universè dicendum est, ea, quæ publice pronunciabuntur, ut non memoria solum discipulorum, sed ingenium etiam excolatur, a Magistro expolienda quidem diligenter, numquam tamen de integro facienda; eademque de versibus, qui in publico proponuntur, ratio est. Laborandum etiam, ut vocem, gestus, & actionem omnem discipuli cum dignitate moderentur.

Prælectio, seu declamatio in Oratio, aut Carmen in Rethorica quidem, schola.

33. Prælectio vel græca, latinaque declamatio in Oratio, aut Carmen in Rethorica quidem, & Hu-

& Humanitate alternis fere Sabbatis, una schola alteram invitante, habeatur; in reliquis sola prælectio non tam habeatur, quam audita ex cathedra repetatur, nullis fere invitatis; nec nisi singulis mensibus.

34. ^a Concertatio cum proxima classe a P. 4. c. 13. erit aliquoties in anno, quo die Præfecto ^{§. 3.} studiorum inferiorum visum fuerit, per ho- ^{Concertatio cum proxima classe.} ram fere, de iis tantum rebus, quæ utri- que classi communes sunt, utroque moderante Præceptore. Bini, ternique, aut plures disputabunt ex optimis utriusque classis discipulis, vel ex condicto ad singulas interrogationes, responsionesque antea instructi, vel ex ingenio, quicquid libeat, percontantes, vel dubitationes ab uno propositas, præsertim de Rethorica, oppugnantes.

35. Magistratus eligendi, præmiisque ^{Magistratus.} etiam, si videbitur, afficiendi, nisi id alii cubi in Rethorica minus necessarium vi- deretur, singulis fere, aut alternis men- sibus: ad eam rem semel soluta oratione, semel etiam, si videatur in superiori- bus classibus, carmine, græceque scribant; in schola toto scholæ tempore, nisi in Inferioribus melius videatur, semihoram concertationi relinquere. Qui omnium optime scripserint, summo magistratu; qui proxime accesserint, aliis honorum

b 3 gra-

gradibus potentur: quorum nomina, quo plus eruditionis res habeat, ex Græca, Romanaque Republica, militiaque sumuntur. Duas autem fere in partes ad æmulationem fovendam schola dividi poterit, quārum utraque suos habeat magistratus alteri parti adversarios, unicuique discipulorum suo attributo æmulo. Summi autem utriusque partis magistratus primum in sedendo locum obtineant.

Decuriones. 36. Decuriones etiam a Proœceptore statuantur, qui memoriter recitantes audiunt, scriptaque Proœceptoris colligant, & in libello punctis notent, quoties memoria quemque fecellerit, qui scriptiōnem omiserint, aut duplex exemplum non tulerint, aliaque, si jusserit Proœceptor, obseruent.

Ad examen 37. Ad promotionem generalem uno ferme ante examen mense strenue discipuli in præcipuis quibusque rebus in omnibus classibus, excepta fortasse Rethorica, exerceantur. Quod si quis longe in ipso anni decursu excelleret; de eo Magister referat ad Præfectum, ut privatim examinatus gradum ad superiorem schoolam facere possit.

Catalogus. 38. Catalogum discipulorum alphabeti ordine conscriptum Præfecto tradat sub anni initium, quem Catalogum interdum in

in anno recognoscat, ut, si quid sit opus, immutari queat; accuratissime vero cum generale discipulorum examen impendet. In eo autem Catalogo quamplurimos discipulorum gradus distinguat, videlicet Optimos, Bonos, Mediocres, Dubios, Retinendos, Rejiciendos, quæ notæ numeris significari possent. 1. 2. 3. 4. 5. 6.

39. Disciplinam omnem nihil æque continet, atque observatio regularum. Hæc 39.
igitur præcipua sit magistri cura, ut discipuli tum ea, quæ in eorum regulis habentur, observent, tum ea, quæ de studiis dicta sunt, exequantur. Quod spe honoris, ac præmii, metuque dedecoris facilius, quam verberibus consequetur.

40. Nec in puniendo sit præceps, nec in inquirendo nimius; dissimulet potius, cum potest, sine cuiusquam damno; neque solum ^a ullum ipse plectat (id enim ^a P. 4. cap. 7. per correctorem præstandum), sed omnino a contumelia dicto, factoque inferenda abstineat; nec alio quempiam, quam suo nomine, vel cognomine appelle: pœnæ etiam loco aliquid litterarium addere ultra quotidianum pensum utile interdum erit. Inusitatas autem & majores pœnas ob ea præsertim, quæ extra scholam deliquerint, sicut eos, qui plagas recusant, præsertim si grandiores sint, ad Præfectum rejiciat.

b 4 41. As-

Assiduitas .

41. Assiduitatem maxime a discipulis requirat: nec proinde ad publica spectacula, sive ludos eos dimittat: si quis abfuerit, aliquem ex condiscipulis, vel alium ad ejus domum mittat; &, nisi idoneæ afferantur excusationes, absentiae pœnam sumat. Qui plures dies sine causa abfuerint, ad Præfectum remitti, nec sine ejus consensu recipi debent.

Confessionum
dies .

42. Ne Confessionum causa quidquam remittatur ex iis, quæ scholarum propria sunt, terni, vel plures, ubi sit opus, initio mittantur ad confitendum: deinde, ut singuli redeunt, ita ex cœteris singuli, binique submittantur; nisi forte alicubi ad confessionem simul omnes ire consueverint.

Silentium, &
modestia .

43. Silentium & modestiam servandam in primis curet, ut nemo per scholam vagetur, nemo locum mutet, nemo ultro citroque munera, schedasve mittat; ut a schola non egrediantur, præsertim duo, vel plures simul.

Egressus è
schola .

44. Cavendum est, ne facile, præsertim prælectionis tempore, a quopiam discipuli evocentur: ut confusio etiam, & clamor in egressu præcipue vitetur, Magistro, sive e suggestu, sive ad januam spectante, proximi quique valvis primi exeant; vel alia ratione curetur, ut mo-

de-

deste omnes , & silentio egrediantur .

45. Academias instituat , si Rectori Academie.
videbitur , ex regulis , quæ propterea se-
orsim conscriptæ sunt , ad quas disci-
puli maxime festis diebus vitandi otii ,
& malarum consuetudinum causa con-
veniant .

46. Si necesse videretur discipulorum Agere cum di-
causa cum eorum parentibus interdum lo-
sciipulorum pa-
qui , Rectori proponat , an ii per Præfe-
rentibus .
rentibus .
ctum , vel alium accersendi sint , vel
etiam , si personæ dignitas postulet ,
conveniendi .

47. Familiarem non se uni magis , Familiaritas ,
quam alteri ostendat ; cum iisque extra & colloquia .
scholæ tempus non nisi breviter , ac de
rebus seriis , loco etiam patenti , hoc est
non intra scholam , sed pro scholæ fori-
bus , aut in atrio , aut ad januam Colle-
gii , quo magis ædificationi consulat ,
colloquatur .

48. Nemini pædagogum , inconsulto Pedagogi .
Rectore , proponat , nec a pædagogis per-
mittat aliis domi præelectionibus onerari
discipulos , sed tantum auditas exigi .

49. Nullius opera utatur in describen- Nullus pro
do , aut in aliquo , quod ad usitatas scho- schola sum-
læ exercitationes non pertineat , nulla- ptus .
que in re pro schola sumptum facere pa-
tiatur .

50. Sit

26 REG. COMM. PROF. &c.

Profectus stu-
dentium .
a P. 4. c. 6. §. 6.

50. Sit denique in omnibus , divina
aspirante gratia , ^a diligens , & assiduus
profectus studentum, tum in lectionibus,
tum in aliis litterariis exercitationibus
studiosus . Contemnat neminem , pau-
perum studiis æque, ac divitum bene pro-
b P. 4. c. 13. §. 3. spiciat , ^b profectumque uniuscujusque e
suis scholasticis speciatim procuret .



RE-

REGULÆ

PROFESSORIS RETHORICÆ.

1. **G**radus hujus scholæ non facile Gradus.
certis quibusdam terminis definiri potest:
ad perfectam enim eloquentiam informat,
quæ duas facultates maximas, Oratoriam,
& Poeticam comprehendit (ex his autem
duabus primæ semper partes Oratoriæ
tribuantur), nec utilitati solum servit ,
sed etiam ornatui indulget .

Illud tamen in universum dici potest,
tribus maxime rebus , præceptis dicendi ,
stilo , & eruditione contineri .

Prœcepta etsi undique peti , & obser-
vari possunt ; explicandi tamen non sunt
in quotidiana prælectione , nisi Rethori-
ci Giceronis libri , & Aristotelis tum Re-
thorica , si videbitur , tum Poetica .

Stilus (quamquam probatissimi etiam
historici , & poetæ delibantur) ex uno
fere Cicerone sumendus est : & omnes
quidem ejus libri ad stylum aptissimi ;
Orationes tamen solæ prælegendæ , ut
artis prœcepta in orationibus expressa
cernantur .

Eruditio denique ex historia , & mori-
bus gentium , ex auctoritate scriptorum ,
& ex

& ex omni doctrina ; sed parcius ad captum discipulorum accersenda .

Ex Græcis ad Rethoricam pertinet syllabarum maxime dimensio , & plenior auctorum , & dialectorum cognitio . Summam logicæ in fine anni Rethoricæ Magister non explicet .

Divisio tem-
poris .

2. Divisio temporis hæc erit . Prima hora antemeridiana memoria exerceatur , scripta a Decurionibus collecta Præceptor corrigat , varias interim , de quibus infra regula quinta , discipulis exercitationes injungens , denique externa prælectio recolatur .

Secunda hora antemeridiana prælectio- ni detur , vel proœceptorum , si a prandio explicetur Oratio , vel orationis , si proœcta : dummodo in eo , quod anni initio cœptum est , constantia servetur . Suc- cedat repetitio , & , quando opus est , ar- gumentum detur scribendæ orationis , vel Carminis ; reliquum si quid est tempo- ris , vel concertationi , vel iis , quæ pri- ma hora scripserint , recognoscendis tri- buatur .

Prima hora pomeridiana habeatur post repetitionem postremæ nova prælectio , vel Orationis , si mane proœcta exposita , vel proœceptorum , si Oratio . Huic repetitio de more succedat .

Se-

Secunda hora pomeridiana, græci auctoris postrema prælectione repetita, nova explicetur, atque exigatur. Reliquum tempus, modo corrigendis græcis scriptiōibus, modo græcæ syntaxi, & arti metricæ, modo græcæ concertationi reservetur.

Die vacationis explicetur historicus, vel poeta, vel aliquid ad eruditionem pertinens, & recolatur.

Die Sabbati post brevem totius hebdomadæ repetitionem, mane prima hora explanetur historicus, vel poeta. Ultima hora aut habeatur ab aliquo discipulorum declamatio, vel prælectio, aut ad Humanistas audiendos eatur, aut concertetur. A prandio explicetur poeta, vel historicus; Græca recolantur.

Sicubi vero præter duas horas tum mane, tum vesperi semihora additur, ea historicō, vel poetæ tribuenda: quod si fiat, Sabbati prælectiones vel non different ab aliis diebus, vel, iis omissis, repetitio plenior instituatur, & concertatio.

3. Quoniam memoriæ quotidiana exercitatio Rethori necessaria est, atque in hac classe sœpe longius prælectiones excurrunt, quam ut tradi commode memoriæ possint, Proceptor statuet ipse quid, quantumque ediscendum, & quomodo,

Memoriæ
exercitatio.

si

si exigere velit, recitandum. Immo ex usu esset, ut subinde aliquis e suggestu recitaret, quæ ex optimis auctoribus dicisset, ad memoriæ exercitationem simul cum actione jungendam.

Scriptoris
corrigendæ
ratio.

4. In scriptione corrigenda indicet, si quid in artificio oratorio, aut poetico, in elegantia, cultuque sermonis, in connectenda oratione, in numeris concinnandis, in orthographia, aut aliter peccatum fuerit, si quis locus perperam, si obscure, si humiliter tractatus, si decorum minime servatum, si qua digressio longior fuerit, & alia generis ejusdem. Denique, oratione absoluta, suam quisque, quam antea per partes attulerat, totam simul descriptam, aut saltem correctam Proceptoris offerat, ut eas esse ab omnibus perfectas appareat.

Exercitationes
inter corri-
gen-
dum.

5. Exercitationes discipulorum, dum scripta magister corrigit, erunt, exempli gratia, locum aliquem poetæ, vel oratoris imitari; descriptionem aliquam, ut hortorum, templorum, tempestatis, & similiū efficere; phrasim eamdem modis pluribus variare; græcam orationem latine vertere, aut contra; poetæ versus tum latine, tum græce soluto stilo complecti; carminis genus aliud in aliud commutare; Epigrammata, Inscriptiones, Epi-

Epitaphia condere ; Phrases ex bonis oratoribus ; & poetis , seu græcas , seu latinas excerpere ; figuræ Rethoricas ad certas materias accommodare ; ex locis rhetoricis , & topicis plurima ad rem quampiam argumenta depromere , & alia generis ejusdem .

6. Prælectio duplex est. Altera ad artem pertinet , in qua præcepta ; altera ad stilum , in qua orationes explicantur : In utraque autem duo animadvertiscendi teneri possit . De primo satis dictum est regula prima : unus enim Cicerone ad orationes , ad prœcepta præter Ciceronem Aristoteles adhibendus est . Oratio numquam prætermittenda , prœceptorum etiam explicatio toto fere anno continua hæc es- set ; Ingens enim est vis oratoriorum prœceptorum ; hujus tamen loco , ubi mos ferat , inclinante jam anno , aliqui auctoris usus , qui majorem eruditio- nem , aut varietatem contineat , non interdicitur . Poetæ vero aliqua prælectio poterit interdum æstivo tempore vel prœceptorum , vel orationis prælectionibus interponi .

7. Quod autem ad interpretandi ratio- nem attinet , si explicentur prœcepta .

Prælectio .

Auctores .

Prœceptorum
interpretatio .

Pri-

Primo prœcepti sensus aperiendus interpretum collatis sententiis, si obscurior sit, nec inter eos conveniat. Secundo alii Rethores, qui idem præcipiant, vel idem auctor, si alibi idem præcipit, affrendus. Tertio ipsius prœcepti ratio aliqua excogitanda. Quarto Oratorum, ac poetarum loci aliquot similes, maxime illustres, in quibus eo prœcepto usi sint, adducendi. Quinto si quid ex varia eruditio, & historia ad rem facit, addendum. Ad extremum, quomodo ad res nostras accommodari possit, indicandum; idque quanto maximo fieri potest delectu, ornatuque verborum.

Oratorio in-
terpretatio.

8. Si vero explicetur oratio, vel poemà. Primo exponenda sententia, si obscura sit, & variæ interpretationes dijudicandæ. Secundo tota artificii ratio, inventionis scilicet, dispositionis, & elocutionis exploranda, quam apte se orator insinuet, quam apposite dicat, vel quibus ex locis argumenta sumat ad persuadendum, ad ornandum, ad movendum, quam multa sæpe prœcepta uno eodemque loco permisceat, quo pacto rationem ad faciendam fidem figuris sententiarum includat, rursusque figuræ sententiarum figuris verborum intexat. Tertio loci aliquot tum re, tum verbis similes afferendi,

di, aliique oratores, vel poetæ, qui eodem prœcepto ad aliquid simile persuadendum, vel narrandum usi sint, producendi. Quarto res ipsæ Sapientum sententiis, si res ferat, confirmandæ. Quinto ex historia, ex fabulis, ex omni eruditio[n]e, quæ ad locum exornandum faciant, conquirenda. Ad extremum verba perpendenda, eorum proprietas, ornatus, copia, numerus observandus. Hæc autem non ideo allata sunt, ut semper omnia consecetur Magister; sed ut ex iis seligat, quæ oportuniora videbuntur.

9. Dictandum argumentum Orationis, vel initio cujusque mensis totum, vel singulis hebdomadis per partes (singulis enim mensibus ad summum singulæ absolvendæ orationes), sit autem breve, quod per omnes eat orationis partes, locos confirmationis, & amplificationis, figuræ præcipuas, quæ adhiberi possent, locos etiam aliquos bonorum auctorum ad imitandum, si videbitur, indicet. Interdum demonstrato scriptore aliquo, ad cuius imitationem orationem informent, verbo tenuis res proponatur.

10. Carminis etiam argumentum, aut scripto, aut verbo, vel solam significando rem, vel certa adjecta sententia tradi potest: idque aut breve, ut Epigramma-

Argumentum
scribendæ orationis.

Carminis.

tis, Odæ, Elegiæ, Epistolæ, quod singulis vicibus expediatur; aut longius, ut pluribus vicibus quemadmodum orationem, sic poema contexant.

Græci Thematis ratio.

11. Græci Thematis eadem fere ratio erit, nisi per aliquod tempus verbatim omnia dictanda semel saltem in singulas hebdomadas, vel soluta oratione, vel carmine censeantur.

Concertatio.

12. Concertatio, seu exercitatio sita erit, tum in corrigendis iis, quæ alter æmulus in alterius oratione deprehenderit; tum in iis, in quibus prima hora se exercuerint, invicem proponendis; tum in figuris dignoscendis, aut conficiendis; tum in Rethoricæ, aut Epistolarum, aut Garminum, aut Historiæ præceptis reddendis, applicandisque; tum in expoundendis Auctorum locis difficilioribus, & difficultatibus explanandis; tum in moribus antiquorum, rebusque ad erudititionem pertinentibus exquirendis; tum in hieroglyphicis, symbolis Pithagoreis, apophtegmatibus, adagiis, emblematis, ænigmatibusque interpretandis; tum in declamando, & similibus ad Præceptoris arbitrium.

Græca prælectio.

13. Græca prælectio sive oratorum, sive historicorum, sive poetarum non nisi antiquorum sit, & classicorum, Demo-

mosthenis, Platonis, Thucydidis, Homeri, Hesiodi, Pindari, & aliorum hujusmodi (modo sint expurgati), inter quos jure optimo SS. Nazianzenus, Basilus, & Chrysostomus reponendi. Ac priore quidem semestri oratores, aut historici interpretandi; interponi autem poterunt semel in hebdomada aliqua epigrammata, vel brevia poemata: postiore vicissim explicetur poeta, interjecto semel oratore, aut historico. Interpretandi ratio, quamquam, quæ eruditionis, artisque sunt, respuere omnino non debeat; proprietatem tamen potius, usumque linguae spectabit. Quamobrem locutiones aliquæ singulis prælectionibus dictandæ.

14. Græca syntaxis, & syllabarum ^{Græca grammatica.} dimensio ineunte anno alternis diebus, si sit opus, explicanda; syntaxis quidem breviter, præcipua quædam capita recolendo.

15. Eruditionis causa die vacationis ^{Prælectio die vacationis.} pro historico, & poeta liceat interdum alia magis recondita proferre, ut hieroglyphica, ut Emblemata, ut quæstiones ad artificium poeticum spectantes; de Epigrammate, Epitaphio, Ode, Elegia, Epopœja, Tragædia; ut de Senatu Romano, de Atheniensi, de utriusque

gentis militia ; ut de re hortensi , vestiaria , de Triclinio , de Triumpho , de Sibyllis , & aliis generis ejusdem , modice tamen .

Privata decla-
matio .

16. Declamatio , vel prælectio , vel carmen , vel græca oratio , vel carmen simul , & oratio , Humanistis convenientibus , postrema semihora antemeridiana ab uno , aut altero discipulorum e suggestu alternis sabbatis habeatur .

Publica decla-
matio .

17. In Aula , Temploque gravior Orationio , aut Carmen , vel utruinque , nunc latine , nunc græcè , vel declamatoria actio , expositis utrinque rationibus , lataque sententia , singulis fere mensibus habeatur ; non tamen , nisi recognita , & approbata a Præfecto studiorum superiorum .

Carmina affi-
genda .

18. Affigantur carmina scholæ partibus alternis fere mensibus ad aliquem celebriorem diem exornandum , vel Magistratus promulgandos , vel alia quapiam occasione , selectissima quæque a discipulis descripta . Immo etiam pro regionum more aliquid prosæ brevioris ; quales sunt Inscriptiones , ut clypeorum , templorum , sepulcrorum , hortorum , statuarum ; quales Descriptiones , ut urbis , portus , exercitus : quales Narrationes , ut rei gestæ ab aliquo Divorum ; qualia denique Paradoxa , additis interdum ,

dum, non tamen sine Rectoris permisso, picturis, quæ Emblemati, vel argumento proposito respondeant.

19. Poterit interdum Magister brevem aliquam actionem, Elogæ scilicet, Scenæ, Dialogique discipulis argumenti loco proponere: ut illa deinde in schola, distributis inter ipsos partibus, sine ullo tamen scenico ornatu, exhibeatur, quæ omnium optime conscripta sit.

20. Nostris exercendis sicuti omnia, quæ de ratione docendi diximus, communia sunt, ita illa peculiaria, ut domi ter, aut quater in hebdomada per horam, quo tempore commodissimum Rectori videbitur, repetitiones coram Magistro, aut alio, quem Rector ipse statuerit, habeant, in quibus prælectiones latinæ, græcæque recolantur, solutaque oratio, & carmen latinè, græcèque corrigantur, jubeanturque quotidie aliquid ediscendo memoriam excolare, multumque, & attente legere; nihil enim æque fœcundat ingenium, quam ut ad Aulæ, Templi, Scholæque suggestum, quæ illis cum externis condiscipulis commune est, addito etiam Refectorio, frequentius singuli se dicendo exerceant. Ut denique publice semper in loco quopiam idoneo sua carmina Præceptorri probata, suo adscripto nomine, prononant.

*Privatae scæ-
næ.*

*Nostrorum e-
xercitatio.*

c. 3 RE-

R E G U L Æ

PROFESSORIS HUMANITATIS.

Gradus.

I. **G**radus hujus scholæ est, postquam ex grammaticis excesserint, præparare veluti solum eloquentiæ: quod tripliciter accidit, cognitione linguæ, aliqua eruditione, & brevi informatione prœceptorum ad Rethoricam spectantium. Ad cognitionem linguæ, quæ in proprietate maxime, & copia consistit, in quotidianis prælectionibus explicetur ex Oratoribus unus Cicero iis fere libris, qui philosophiam de moribus continent; ex Historicis Cæsar, Sallustius, Livius, Curtius, & si qui sunt similes; ex Poetis præcipue Virgilius, exceptis Eclogis, & quarto Æneïdos, præterea Odæ Horatii selectæ, item Elegiæ, Epigrammata, & alia poemata illustrium poetarum antiquorum, modo sint ab omni obscoenitate expurgati. Eruditio modice usurpetur, ut ingenium excitet interdum, ac recreet, non ut linguæ observationem impedit.

Præceptorum Rethoricae brevis summa ex Cypriano, secundo scilicet semestri, tradetur: quo tempore, omissa philosophia

HUMANITATIS. 39

phia Ciceronis , faciliores aliquæ ejusdem orationes , ut pro Lege Manilia, pro Archia , pro Marcello , cœteræque ad Gæsarem habitæ sumi poterunt . Græcæ linguæ pars illa pertinet ad hanc scholam , quæ syntaxis proprie dicitur : curandum præterea , ut mediocriter Scriptores intelligent , & scribere aliquid græcè norint .

2. Divisio temporis hæc erit . Prima hora matutina memoriter recitetur M. Tullius , & ars metrica apud Decuriones: scripta a Decurionibus accepta Præceptor corrigat , varias interim , de quibus infra regula quarta , discipulis exercitaciones injungens: ad extremum publice non nulli recitent , & Decurionum notæ a Magistro cognoscantur .

Secunda hora matutina repetatur postrema breviter prælectio , novaque per semihoram , vel paulo amplius explicetur : mox exigatur , & , si quid supersit temporis , in mutua discipulorum concertatione ponatur .

Ultima semihora initio primi semestris historicus , & ars metrica alternis diebus ; arte vero metrica absoluta , historicus quotidie percurratur : altero deinde semestri Cypriani Rethorica quotidie modo explicetur , modo recolatur , aut disputeatur .

c 4

Pri-

Prima hora pomeridiana memoriter poeta , græcusque auctor recitetur , recognoscente Magistro Decurionum notas , scriptaque , vel quæ mane imperata sunt , vel , quæ ex Domo allatis superfuerint , corrigente . Ad extremum thema dicetur .

Sesquihora consequens poetæ tum re- colendo , tum explicando , & græcæ tum prælectioni , tum scriptioni ex æquo di- dividatur .

Die vacationis prima hora recitetur me- moriter , quod proxima vacatione prælectum est , & scriptiones , quæ supersunt , de more corriganter .

Secunda hora aliquid Epigrammatum , aut Odarum , aut Elegiarum ; sive aliquid ex libro tertio Cypriani de Tropis , de Fi- guris , & præcipue de numero , ac pedi- bus Oratoriis , ut iis initio anni assue- scant ; sive Chria aliqua , aut progymnas- ma explicetur , recolaturque ; sive deni- que concertetur .

Die Sabbati mane prima hora publice recitentur memoriter totius hebdomadæ prælectiones ; hora secunda recolantur . Ultima semihora aut habeatur ab aliquo discipulorum declamatio , vel prælectio , aut ad Rethores audiendos eatur , aut concertetur .

A pran-

A prandio prima semihora reddatur memoriter poeta, & Catechismus, Magistro scripta, si quæ per hebdomadam superfuerint, & Decurionum notas recognoscente.

Sesquihora consequens poetæ recolendo, vel alicui brevi poemati explicando, exigendoque, & græcis eodem modo ex æquo dividatur.

Ultima semihora in explicatione Catechismi, vel pia cohortatione, nisi feria sexta habita sit, ponetur; sin autem, in ea re ferme, in cuius locum tum Catechismus successerat.

3. In scriptione corrigenda indicet, si quid minus proprium, aut elegans, aut numerosum sit; si minus recte locus ad imitandum propositus expressus; si quid in orthographia, aliterque peccatum sit: variis modis idem efferti jubeat, ut dicendi copiam ex hac exercitatione nanciscantur.

4. Exercitationes, dum scripta corrigit, erunt, exempli gratia, ex præelectiōnibus phrases excerptere, easque pluribus modis variare, Ciceronis periodum dissolutam componere, versus condere, carmen unius generis alio permutare, locum aliquem imitari, græcè scribere, & alia generis ejusdem.

*Scriptionis
corrigendæ
ratio.*

*Exercitatio-
nes inter cor-
rigendum.*

5. Præ-

Prælectio .

5. Prælectio eruditionis ornamenti leviter interdum aspersa sit, quantum loci explicatio postulat: se totum potius Magister effundat in latinæ linguae observationes; in vim, etymologiamque verborum, quam ex probatis petet Auctori bus, maxime ex antiquis; in locutionum usum ac varietatem; in Auctoris imitationem; nec alienum putet aliquid patrio interdum sermone efferre, si vel ad interpretandum in primis valeat, vel aliquid habeat eximii. Quando autem orationem explicat, præcepta artis exploret. Ad extremum licebit, si videatur, omnia patrio sermone, sed quamelegantissimo, vertere.

Argumentum
scribendi .

6. Dictandum argumentum scribendi. Primo quidem semestri ad Epistolæ fere formam vulgi sermone ad verbum: quod sœpe proderit ita componere, ut totum ex prælectionibus jam explicatis hinc inde decerptum sit. Semel autem fere in hebdomada suo marte consribant, aliquo prius epistolarum genere explicato, indicatisque Ciceronis, aut Plinii epistolis ad illud pertinentibus. Altero deinde semestri excitetur ingenium; & Chriæ primo, tum proœmia, narrationes, & exornationes, facili, ac fuso arguento proposito, confiantur. Carminis argu men-

mentum latinè dictet multa locutionum varietate.

Græci Thematis eadem, ac latinæ prosæ ratio erit, nisi quod fere ex ipso Auctore depromendum, & ratio syntaxeos præmonstranda.

7. Concertatio, seu exercitatio sita erit *Concertatio*. tum in iis, quæ alter æmulus in alterius scriptione deprehenderit, tum in iis, in quibus prima hora se exercuerint, proponendis, tum in phrasibus a Præceptore habitis memoriter dicendis, aut variandis, tum in epistolarum, ac Rethoricæ præceptis reddendis, aut applicandis, tum in exquirenda quantitate syllabarum, allata memoriter regula, vel poetæ exemplo, tum in proprietate, aut etymologia aliqua investiganda, tum in aliquo græci, latinique Auctoris loco interpretando, tum in græcis difficilioribus, & anomalis verbis inflectendis, formandisque, & aliis generis ejusdem ad Præceptoris arbitrium.

8. Ars Metrica celeriter recurretur in *Ars Metrica*, iis solum inhærendo, quibus magis egerre videbuntur, & exercendo potius, quam explicando. Rethoricæ item Cypriani non tam verba, quam procepta breviter illustrentur, additis ex eodem libello exemplis, &, si res ferat, ex quotidianis prælectionibus.

9. Græ-

Græca prælectio. 9. Græca prælectione alternis diebus grammatica, & auctor explanabitur. Grammaticæ quidem, breviter decursis iis, quæ in prima classe tradita fuerant, syntaxim, & rationem accentuum persequatur.

Auctor vero primo semestri solutæ orationis sumetur ex facilioribus, ut aliquæ orationes Isocratis, & Sanctorum Chrysostomi, & Basilii, ut ex epistolis Platonis, & Synesii, ut aliquid selectum ex Plutarcho: altero semestri carmen aliquod explicabitur, exempli gratia, ex Phocylide, Theognide, Sancto Gregorio Nazianzeno, Synesio, & horum similibus.

Explicatio autem, ut hujus scholæ fert gradus, linguæ potius cognitioni, quam eruditioni serviat.

Inclinante autem anno græcarum syllabarum ratio tradi poterit cum auctore alternis diebus. Poterunt etiam interdum dissoluta carmina concinnari.

Carmina affigenda. 10. Affigantur Carmina scholæ parietibus alternis fere mensibus ad aliquem celebriorem diem exornandum, vel magistratus promulgandos, vel alia quapiam occasione, selectissima quæque a discipulis descripta: immo etiam pro regionum more aliquid prosæ brevioris, quales sunt inscriptiones, ut clypeorum,

Tem-

Templorum , sepulcrorum , hortorum , statuarum ; quales descriptiones , ut urbis , portus , exercitus ; quales narrationes , ut rei gestæ ab aliquo Divorum ; qualia denique paradoxa : additis interdum , non tamen sine Rectoris permisso , picturis , quæ emblemati , vel argumen-
to proposito respondeant .



RE-

R E G U L Æ

PROFESSORIS SUPREMÆ CLASSIS GRAMMATICÆ.

Gradus.

I. Gradus hujus scholæ est absolute grammaticæ cognitio : ita enim recolit ab initio syntaxim , ut addat omnes appendices , deinde explicet constructionem figuratam , & de Arte metrica : in Græcis autem octo partes orationis , seu quæcumque Rudimentorum nomine continentur , dialectis , ac difficilioribus exceptionibus , & appendicibus exceptis . Quod ad lectiones pertinet , ex oratoribus quidem explicari poterunt primo semestri gravissimæ quæque Ciceronis ad Familiares , ad Atticum , ad Quintum fratrem Epistolæ ; altero vero liber de Amicitia , de Senectute , Paradoxa , & alia hujusmodi : ex poetis vero primo semestri selectæ aliquæ , ac purgatae Ovidii tum Elegiæ , tum Epistolæ ; altero quædam item selecta , & purgata ex Catullo , Tibullo , Propertio , & Virgilii Eclogis ; vel etiam libri ejusdem Virgilii faciliores , ut quartus Georgicorum , quintus , & septimus Æneidos , ex Græcis S. Chrysostomus , Æsopus , Agapetus , & horum similes .

2. Di-

2. Divisio temporis hæc erit. Prima hora matutina memoriter recitetur M. Tullius, & Grammatica Decurionibus :

scripta a Decurionibus collecta Præceptor corrigat, varias interim, de quibus infra regula quarta, discipulis exercitationes injungens.

Secunda hora matutina repetatur postrema breviter Ciceronis prælectio, novaque per semihoram explicetur, atque exigatur; postremo Thæma dictetur.

Ultima semihora matutina, grammaticæ prælectione repetita, nova explicetur, & exigatur, admixta interdum concertatione. Ac primo quidem semestri præcepta constructionis in inferiore schola tradita decurrantur, propria deinceps ex professso explicitur; alternis vero diebus artis metricæ præcepta generalia, omissis exceptionibus: posteriore autem semestri recolatur per duos minimum menses pars illa grammaticæ, quæ est propria primæ classis, & alternis diebus ars metrica, regulas jam explicatas breviter percurrendo, in aliis, quantum necesse est, hærendo; absoluta vero repetitione grammaticæ, quotidie deinceps ars metrica explicetur, adjectis exceptionibus, carminum generibus, & quæ de patronymicis, atque accentu traduntur. Prima semihora

ra

ra pomeridiana memoriter poeta, græcusque auctor recitetur, recognoscente Magistro Decurionum notas, scriptaque, vel quæ mane imperata sunt, vel, quæ ex Domo allatis superfuerint, corrigente.

Sesquihora consequens poetæ tum re-colendo, tum explicando, & græcæ tum prælectioni, tum scriptioni ita dividatur, ut græcis paulo plus detur, quam semihora.

Ultima semihora, vel, quod illius reliquum fuerit, in concertationibus collo-candum.

Die Sabbati mane publice recitentur memoriter totius hebdomadæ, vel totius libri præselectiones. Secunda hora reco-lantur. Ultima semihora concertetur. Idem fiat a prandio, nisi quod prima hora etiam memoriter recitatur Gatechismus.

Ultima semihora in explicatione Gatechismi, vel pia cohortatione, nisi feria sexta habita sit, ponetur: sin autem, in ea re ferme, in cuius locum tum Gatechismus successerat.

Scriptionis
corrigendæ
ratio.

3. In scriptione corrigenda indicet, si quid contra procepta grammaticæ, orthographiæ, interpunctionis peccatum sit: si declinatæ difficultates: si non habita elegantiæ, aut imitationis ratio.

Exercitationes 4. Exercitationes tradendæ discipulis, inter corrigendam dum scripta corrigit, erunt, exempli gra-tia,

tia, vernacula dictata, tum ad Auctoris imitationem, tum ad syntaxis præcepta latina facere, lectionem Ciceronianam ex latino in patrum sermonem transferre, eamdem latine transcribere, inde phrases elegantiores excerpere, ex grammaticæ præceptis recens explicatis dubitaciones æmulis, & locutiones proponendas depromere, dissolutos versus concinna-re, aut conficere, græca describere, & alia generis ejusdem.

5. Prælectionis forma hæc erit. Pri-mum quidem argumentum tum latino, tum patro sermone perstringat. Deinde unamquamque periodum ita interpre-tetur, ut vernacula expositio latinæ subin-de subjiciatur. Tertio a capite recurrens (nisi malit ipsi explicationi inserere) binas, aut ternas seligat voces, quarum vim, aut originem expendat, unoquo-que, aut altero, ejusdem præsertim Au-ctoris, exemplo confirmet. Translationes etiam evolvat, ac demonstret fabulas cum historiis, & quæ ad eruditionem per-tinent, si quæ incident, brevi expediat, binas etiam, ternasque phrases elegan-tiores excerpat. Postremo scriptoris verba vulgi sermone decurrat. Licebit au-tem latinum argumentum, observatio-nes, proprietates, & phrases quambre-vissime dictare.

d

6. Di-

Argumentum
scribendi .

6. Dictandum argumentum scribendi ad Epistolæ fere formam vulgi sermone ad verbum, quod ad præcepta syntaxeos, & ad Ciceronis imitationem referatur. Semel autem fere singulis mensibus, aut domi loco quotidianæ scriptionis, aut in schola ad Magistratus creandos, ubi aliquantum profecerint, suo marte conscribant, aliquo prius epistolarum genere explicato, indicatisque Ciceronis epistolis ad illud pertinentibus, & aliquot ab ipso Præceptore ejusdem generis dictatis exemplis.

7. Carmina poterunt initio quidem soluto solum verborum ordine; mox etiam verbis aliquibus immutatis; ad extremum facillimo argumento cum multa locutionum varietate dictari.

Græcum the-
ma .

8. Græci Thematis eadem, ac latinæ prosæ ratio erit, nisi quod fere ex ipso auctore depromendum, & ratio syntaxeos præmonstranda.

Græca præ-
ctio .

9. Græcæ prælectionis, quæ quadram horæ vix excedet, eadem ratio sit, nisi quod cum græcus auctor sumitur (sumi autem poterit, quando Præfectus censuerit, alternis cum grammatica diebus) verba singula tractanda sunt, facilimis etiam in universum, si videatur, syntaxeos regulis indicatis.

10. Con-

10. Concertatio, seu exercitatio sita ^{Concertatio.}
 erit, tum in iis quæ alter æmulus in alterius scriptione deprehenderit, tum in iis, in quibus prima hora se exercuerint, proponendis, tum in phrasibus a Præceptore habitis memoriter dicendis, tum in vernaculis locutionibus mutuo ex præscripto syntaxeos, aut ad Ciceronis imitationem exigendis, aut variandis (faciendumque, ut locutionem propositam statim, qui interrogatur, iisdem reddat verbis, eamque paulisper me litatus non verbatim, sed totam simul latinè efferat), tum in epistolarum præceptis reddendis, tum in exquirenda quantitate syllabarum, allata memoriter regula, vel poetæ exemplo, tum in proprietate, aut etymologia aliqua investiganda, tum in aliquo græci, latinique Auctoris loco interpretando, tum in græcis nominibus, aut verbis inflectendis, formandisque, & aliis id genus ad Præceptoris arbitrium.

R E G U L Æ

PROFESSORIS MEDIÆ GLASSIS GRAMMATICÆ.

Gradus.

I. **C**gradus hujus scholæ est, totius quidem Grammaticæ, minus tamen plena cognitio: explicat enim ab initio libri secundi usque ad figuratam constructiōnem, facillimis solum adjunctis appendicibus; seu juxta Romanam methodum a communi verborum constructione usque ad figuratam, additis facilioribus appendicibus.

Ex Græcis ad hanc scholam pertinent nomina contracta, verba circumflexa, verba in Mi, & faciliores formationes.

Ad prælectiones vero nonnisi Familiares Ciceronis Epistolæ, & facillima quæque Ovidii carmina; & secundo semestri, si Præfectus censeat, græcus Gatechismus, aut Gebetis tabula.

Divisio temporis.

2. Divisio temporis hæc erit.

Prima hora matutina memoriter recitetur M. Tullius, & grammatica apud Decuriones; scripta a Decurionibus collecta Præceptor corrigat, varias interim, de quibus infra regula quarta, discipulis exercitationes injungens.

Se-

Secunda hora matutina repetatur postrema breviter Ciceronis prælectio, non vaque per semihoram explicetur, atque exigatur: postremo Thema dictetur.

Ultima semihora matutina aliquid ex primo Grammaticæ libro, ut de declinatione nominum, ac deinceps de præteritis, ac supinis, quod concertando etiam exerceatur, recolendum.

Prima hora pomeridiana memoriter Grammatica tum latina, tum græca, & suis diebus poeta recitetur, recognoscente Magistro Decurionum notas, scriptaque, vel quæ mane imperata sunt, vel, quæ ex Domo allatis superfuerint, corridente: ad extremum Grammaticæ, & alternis diebus poetæ postrema prælectio recolatur.

Secunda hora pomeridiana per semihoram syntaxis explicetur, & repetatur: posteriore tamen semestri syntaxis item, & alternis diebus poeta explicetur. Per alteram semihoram græca tradantur.

Ultima semihora concertationi, seu Exercitationi tribuatur.

Die Sabbati mane prima hora publice recitentur memoriter totius hebdomadæ, vel totius libri prælectiones. Secunda hora recolantur. Ultima semihora concertetur. Idem fiat a prandio, nisi quod

d 3 pri-

prima hora cum grammatica , & poeta
recitatur etiam Gatechismus . Ultima se-
mihora in explicatione Gatechismi , vel
nonnunquam pia cohortatione , nisi feria
sexta habita fuerit , ponetur ; sin autem ,
in ea re ferme , in cuius locum tum Ga-
techismus successerat .

*Scriptionis
corrigendæ ra-
tio .*

3. In scriptione corrigenda indicet , si
quid contra præcepta grammaticæ , ortho-
graphiæ , interpunctionis peccatum sit ;
si declinatæ difficultates : omnia ad gram-
maticarum præceptionum normam expen-
dat , conjugationesque ipsas , & rudi-
menta , sumpta occasione , in memo-
riam revocet .

*Exercitationes
inter corri-
gen-
dum .*

4. Exercitationes , dum scripta corri-
git , erunt , exempli gratia , vernacula di-
ctata tum ad auctoris imitationem , tum
præcipue ad syntaxis præcepta latina fa-
cere : lectionem Ciceronis vulgi sermo-
ne convertere , eamdem latine transcribe-
re , ex grammaticæ præceptis recens præ-
sertim explicatis dubia æmulis , & locu-
tiones proponendas depromere , græca
describere , & alia generis ejusdem .

*Grammatica
exigenda .*

5. In repetitione prælectionis capiat
interdum occasionem difficilliora decli-
nandi , conjugandi , & grammaticæ quo-
modocumque exigendæ .

6. Præ-

6. Prælectionis Ciceronianæ , quæ se-
ptenos fere versus non excedet , hæc for-
ma sit .

Primo totam continenter pronunciet ,
ejusque argumentum brevissime patrio
sermone perstringat .

Secundo periodum ad verbum vulgi ser-
mone interpretetur .

Tertio a capite recurrens structuram
indicit , & periodum retexens , quæ ver-
ba , quos casus regant , ostendat , ple-
raque ad explicatas grammaticæ leges per-
pendat , latinæ linguæ observationem
unam , aut alteram , sed quamfacillimam
afferat ; metaphoras exemplis rerum no-
tissimarum demonstret ; unam denique ,
aut alteram phrasim excerptat , quas solas
cum arguento dictabit .

Quarto scriptoris iterum verba verna-
culo sermone decurrat .

7. Dictandum argumentum scribendi Argumentum
vulgi sermone ad verbum , perspicuum , scribendi .
nec fere versibus septenis longius , quod
ad præcepta syntaxis , & Ciceronis imi-
tationem referatur . Interdum discipuli
aliquam Ciceronis brevem versionem ,
aut aliquod græcum tempus , seu nomen
subscribere jubeantur .

8. Grammaticæ prælectio non nisi sin- Grammaticæ
gula præcepta ad summum cum brevi ali- prælectio .

qua appendice , aut exceptione contineat.

Græca præle-
ctio .

9. In Græcis tradendis eadem propor-
tio servetur , & fere ex usu videtur
esse vernaculae voces casibus , ac perso-
nis addere , omniaque plerumque voce
patria declarare .

Concertatio .

10. Concertatio , seu exercitatio sita
erit, tum in iis , quæ alter æmulus in al-
terius scriptione deprehenderit , tum in
iis , in quibus prima hora se exercuerint ,
proponendis , tum in phrasibus a Præce-
ptore habitis memoriter dicendis , tum
in vernaculis locutionibus mutuo ex præ-
scripto syntaxeos , aut ad Ciceronis imi-
tationem exigendis (faciendum que ut lo-
cationem propositam statim , qui inter-
rogatur , iisdem repetat verbis , eamque
paulisper meditatus non verbatim , sed
totam simul latine efferat), tum in diffici-
lioribus nominibus , ac verbis , quæ præ-
sertim in prælectione occurrerint , vel
continenti , vel interrupto casuum , ac
temporum ordine , vel singulis per se ,
vel conjuncto simul adjectivo , substan-
tivoque , & pronomine inflectendis , tum
in præteritis , & supinis quamcelerrime
reddendis , in græcis exigendis , & aliis
id genus , arbitrio Præceptoris .

RE-

REGULÆ

PROFESSORIS INFIMÆ CLASSIS GRAMMATICÆ.

1. **G**radus hujus scholæ est rudi-
mentorum perfecta , syntaxis inchoata
cognitio ; incipit enim a declinationibus
usque ad communem verborum construc-
tionem . Et quidem ubi duo erunt or-
dines , inferiori ex primo libro nomina ,
verba , rudimenta , præcepta quatuorde-
cim de constructione , genera nominum
tribuentur : superiori vero , ex primo li-
bro , de nominum declinatione sine ap-
pendicibus , & de præteritis , ac supinis ;
e secundo autem introductio syntaxis
sine appendicibus usque ad Impersona-
lia . Græce vero inferior quidem ordo
legere , & scribere ; superior vero no-
mina simplicia , verbum substantivum ,
& barytonum ediscet . Ad prælectiones
nonnisi facillimæ quæque , atque ad hanc
rem selectæ , & si fieri potest , separatim
excusæ Ciceronis epistolæ adhibeantur .

2. Divisio temporis hæc erit . Prima hora matutina memoriter M. Tullius , & Grammatica apud Decuriones recitetur , scripta a Decurionibus collecta Præceptor cor-

corrigat, varias interim, de quibus infra regula quarta, discipulis exercitaciones injungens.

Secunda hora matutina repetatur postrema breviter Ciceronis prælectio, novaque per semihoram explicetur, atque exigatur, postremo thema dictetur.

Ultima semihora matutina utriusque ordinis aliquid ex primo grammaticæ libro juxta partem cuique descriptam explicetur, aut recolatur, vel alterno quoque die singulis ordinibus, vel quotidie utriusque; postea vero omnia vel a Magistro, vel invicem per concertationem reposcantur.

Quibus autem diebus novum a prandio præceptum constructionis non erit proponendum (pluribus enim diebus fere singula inculcanda sunt), tum prælectio hæc matutina in locum pomeridianæ succedat: ultima autem semihora matutina tota concertationi, seu exercitationi concedatur.

Prima hora pomeridiana memoriter grammatica tum latina, tum græca recitetur, recognoscente Magistro Decurionum notas, scriptaque, vel quæ mane imperata sunt, vel, quæ ex domo allatis superfuerint, ad summum per semihoram corrigente. Ad extremum postrema grammaticæ prælectio recolatur.

Se-

Secunda hora pomeridiana superiori quidem ordini syntaxis; inferiori vero rudimenta de generibus nominum, ac deinceps quatuordecim præcepta explonentur: græcis vero paulo plus quadrate tribuatur.

Ultima semihora concertetur, vel aliquod dictatum ex grammaticæ legibus expendatur.

Die Sabbati mane prima hora publice recitentur memoriter totius hebdomadæ prælectiones. Secunda hora recolantur, ultima semihora concertetur.

Idem fiat a prandio, nisi quod prima hora simul cum grammatica recitatur etiam Catechismus.

Ultima semihora in explicatione Catechismi, vel pia cohortatione, nisi feria sexta habita fuerit, ponetur: sin autem, in ea re ferme, in cuius locum tum Catechismus successerat.

3. In scriptione corrigenda indicet, si quid contra præcepta grammaticæ, orthographiæ, interpunctionis peccatum; si declinatæ difficultates; omnia ad grammaticarum præceptionum normam expendat; conjugationes, & declinationes ex occasione repetere non omittat.

Scriptionis
corrigendæ
ratio.

4. Exercitationes discipulorum, dum scripta Magister corrigit, erunt, exempli Exercitationes
inter corri-
gen-
dum.

gra-

gratia, vernacula dictata e syntaxis præscripto latina facere, lectionem Ciceronianam ex latino in vulgi sermonem transferre, eamdem latinè transcribere; ex grammaticæ præceptis recens præser-tim explicatis dubia æmulis, & locu-tions proponendas depromere, concordan-tias concinnare, aut componere, græca describere, & alia generis ejusdem.

Grammatica
exigenda.

5. In repetitione prælectionis capiat sæpe occasionem declinandi, conjugan-di, & grammaticæ quomodocumque exi-gendæ.

Prælectio Ci-
ceronis.

6. Prælectionis Ciceronianæ, quæ quaternos fere versus non excedet, hæc forma sit.

Primum totam continenter pronunciet, ejusque argumentum brevissime vulgi sermone perstringat.

Secundo periodum ad verbum vulgari sermone interpretetur.

Tertio a capite recurrens structuram indicet, & periodum retexens, quæ verba, quos casus regant, ostendat; plera-que ad explicatas grammaticæ leges per-pendat, latinæ linguæ observationem unam, aut alteram, sed quamfacillimam afferat, metaphoras exemplis rerum notissimarum demonstret, nec quicquam, nisi forte argumentum, dictet.

Quar-

Quarto scriptoris iterum verba vulgi
sermone decurrat.

7. Dictandum argumentum scribendi
vulgi sermone ad verbum, perspicuum,
nec fere versibus quaternis longius, quod
ad præcepta grammaticæ potissimum re-
feratur; eique interdum discipuli aliquam
Ciceronis brevem versionem, aut locu-
tionem ex præscripto syntaxis, aut ea
ipsa, quæ sunt ex græcis rudimentis edi-
scenda, aut alia id genus subscribere ju-
beantur.

8. Grammaticæ prælectio non nisi sin-
gula ad summum præcepta contineat,
quæ nisi bene percepta sint, ad alia non
veniatur.

9. Concertatio, seu exercitatio sita erit
tum in iis, quæ alter æmulus in alterius
scriptione deprehenderit, tum in iis, in
quibus prima hora se exercuerint, pro-
ponendis, tum vernaculis locutionibus
invicem ad syntaxis præscriptum exigen-
dis (faciendumque, ut locutionem pro-
positam statim, qui interrogatur, iisdem
reddat verbis, eamque paulisper medita-
tus non verbatim, sed, quoad ejus fieri
potest, totam simul latinè efferat), tum
in difficilioribus nominibus, ac verbis,
quæ præsertim in prælectione occurre-
rint, vel continent, vel interrupto ca-
suum,

suum, ac temporum ordine, vel singulis per se, vel conjuncto simul adjectivo, substantivoque, & pronomine inflectendis, tum in rudimentorum definitionibus, & exemplis proferendis, tum in verborum flexionibus ex latino in patrum, ex patro sermone in latinum celeriter vertendis, tum in iis, quæ activa voce dicta sunt, passive efferendis, tum in præteritis, & supinis, tum in nominum generibus, & casibus, quæcumque proposita fuerunt, indicandis, & horum similibus, ad Praeceptoris arbitrium.



RE-

R E G U L Æ

EXTERNORUM AUDITORUM SOCIETATIS.

1. **Q**ui discendi causa Societatis Je- Doctrina pie-
su gymnasia frequentant, in- tati jungenda.
telligent, Deo juvante, non minus cu-
ratum iri pro viribus, ^a ut pietate, ce- ^{a P. 4. c. 7.}
terisque virtutibus, quam ut ingenuis ^{§. 1. & c. 16.}
artibus imbuantur. ^{§. 4.}

2. Eam quisque classem frequentabit, Quæ cujusque
quæ illi ^b post examen a Præfecto fuerit schola.
assignata. ^{b P. 4. c. 13.}
^{§. 4.}

3. ^c Singulis saltem mensibus omnes ^{c P. 4. c. 7.}
peccata confiteantur, ac Missæ Sacrificio ^{§. 2. & c. 16.}
quotidie constituta hora, Goncioni vero ^{§. 1.}
diebus festis decenter intersint. Confessio, &
Missa.

4. ^d Explicationi Gatechismi singulis ^{d P. 4. c. 7.}
hebdomadis omnes intersint, ejusque ^{§. 2. & c. 16.}
compendium ediscant, ut a Magistris ^{Doctrina}
fuerit constitutum. Christiana.

5. Nemo ex nostris discipulis gymna- Arma in scho-
sium cum armis, gladiolis, cultris, aut lam non infe-
aliis ejusmodi, quæ pro locis, aut tem- renda.
poribus interdicta fuerint, ingrediatur.

6. ^e Abstineant omnino a jurejuran- ^{e P. 4. c. 16.}
do, a contumeliis, injuriis, detractio- ^{§. 4.}
nibus, mendaciis, a ludis vetitis, a lo- A quibus ab-
cis stinendum.

64 REGULÆ EXTERN.

cis etiam noxiis, vel a Præfecto schola-
rum interdictis, denique a rebus omni-
bus, quæ morum honestati adversentur.

*a P. 4. c. 7.
§. 2. & c. 16.
§. 5.* 7. ^{Corrector ut adhibendus.} *a* Intelligent in iis, quæ ad mores,
ac studia bonarum artium spectant, cum
præcepta, sive admonitiones minus pro-
derunt, Magistros Correctoris opera in
ipsis puniendis usuros: qui aut poenas
recusarint, aut spem emendationis non
ostenderint, aut ceteris molesti, sive
exemplo suo perniciosi fuerint, sciant se
ex nostris scholis esse dimittendos.

Obedientia. 8. Omnes suis quisque Magistris ob-
temperent; rationem vero studendi ab
illis præscriptam, tum in scholis, tum
domi, quamdiligentissime servent.

*b P. 4. c. 6.
§. 2.* ^{Diligentia, &} 9. ^b Serio animum ad studia, & con-
stanter adjiciant, sint in scholis mature
frequentandis assidui, ^c in audiendis, &
recolendis prælectionibus, ceterisque ob-
eundis exercitationibus diligentes. Quod,
si quid minus assequantur, aut si quid
dubitent, Magistrum consulant.

**Quies, silen-
tium.** 10. In scholis ne hac illac divagentur;
sed in suis quisque subselliis, locisque
modeste, ac silentio sibi, ac suis rebus
intenti sint; neque schola egrediantur,
nisi facta a Magistro exeundi potestate.
Nec scamna, cathedram, sellas, parie-
tes, januas, fenestras, neque aliud
quid-

quidpiam pingendo, scribendo, scalpel-
lo, aliaque ratione deturpent, seu notent.

11. Pravas, aut etiam suspectas aliorum
consuetudines fugiant; cum iis tantum-
modo versentur, quorum exemplo, &
consuetudine in litterarum studio, virtu-
tumque proficiant.

12. A libris perniciosis, & inutilibus
legendis prorsus abstineant. a P. 4. c. 5. E.
& c. 14. §. 2.

13. Neque ad publica spectacula, Co-
mædias, ludos, neque ad supplicia reo-
rum, nisi forte hæreticorum, eant; ne-
que personam ullam in externorum sce-
nis agant, nisi data prius a Magistris,
vel a Præfecto gymnasii potestate. A quibus li-
bris abstinen-
dum. Spectacula,
& scenas vi-
tent.

14. Sincerum animum, purumque Pietas.
conservare, ac divinis legibus summa
diligentia obtemperare nitantur: Deo ve-
ro, ac Sanctissimæ Virgini Deiparæ, ce-
terisque Sanctis persæpe, atque ex ani-
mo se commendent: Angelorum opem
assidue, præcipue vero Angeli Custodis
implorent. Modestiam tum alibi semper,
tum in Templo, atque in Schola potissi-
mum servent.

15. In rebus denique, atque actioni-
bus omnibus ita se gerant, ut facile qui-
vis intelligat, eos non minus virtutum,
vitæque integritatis esse, quam litera-
rum, doctrinæque studiosos. Vitæ exem-
plum.

e

RE-

REGULÆ

ADJUTORIS MAGISTRI SIVE BIDELLI.

Magistro ob-
temperet.

Agenda circa
scholam.

Discipuli op-
portuae mo-
nendi.

De Conclu-
sionibus.

Hujus munus erit omnia, quæ a Magistro de scholarum potissimum exercitationibus injuncta fuerint, diligenter exequi.

2. Curet, ut & Classis, & Cathedra munda sit, ut in ea pie depicta aliqua tabella pendeat, ut subselliorum sit satis, ut munda eadem sint, ac recte disposita, ut quassata, vel fracta reficiantur; ut certa nostris scamina, itemque aliis Religiosis separata ab externis assignentur, ut scholæ tempestivè aperiantur.

3. Eos opportune moneant, ad quos deinceps per vices disputare, repetere, theses defendere, aliaque hujusmodi præstare, ut constitutum a Magistro fuerit, pertinebit.

4. Præmoneat septem fere ante diebus eos, qui hebdomadarias theses sunt defensuri. Gurabit autem, ut eæ propositiones in tempore conscriptæ sint: eas vero primum ad Magistrum perferet corrigendas, tum ad Præfectum recognoscendas: quibus denique correctis, atque re-

recognitis, eum, qui defensurus est, admonebit, ut, quot erunt opus, exempla descripta afferat: eorum autem unum bene descriptum, ^{a P. 4. cap. 6.} a pridie quam sit disputandum, mane publice affiget, reliqua ^{§. 10.} disceptantibus deinde distribuet.

5. Horologium tum in lectionibus, ^{Horologium.} tum in disputationibus semper habeat, ac tum Præfectum, tum Præceptorem tempestive temporis elapsi admoneat, quo spatia ad disputandum singulis præstituta serventur; & ex præscripto Præfecti signum det disputantibus tum inchoandi, tum finiendi.

6. Classem, vel Aulam ad publicos ^{Publici actus.} actus juxta Academiārum consuetudinem ornandam curet; iisque, qui ad hujusmodi actus, aut ad quascumque disputationes invitati fuerint, sive argumentandi, sive eas cohonestandi causa, loca distribuat.

7. ^b Si quem nostrorum abesse a præ- ^{b P. 4. cap. 6.} lectionibus, repetitionibus, disputatio- ^{§. 10.} nibus, aut aliquid eorum omittere, quæ ^{Quid ad Su-} ad studiorum rationem, vel morum di- ^{periorem de-} sciplinam pertinent, notaverit, ad Su- ^{ferendum.} periorem deferet.

REGULÆ PRÆFEGTI STUDIORUM INFERIORUM.

Finis •

1. **I**ntelligat se ad id esse delectum , ut omni ope , atque opera Rectorem adjuvet in scholis nostris ita regendis , ac moderandis , ut , qui eas frequentant , a P. 4. cap. 7. §. 1. & c. 16. §. 4. non minus ^a in bonis artibus , quam in vitæ probitate proficiant .

Subordinatio generali Præfecto . 2. In rebus , quæ ad morum disciplinam in scholis nostris pertinent , Rectorem tantum ; in iis vero , quæ ad studia , generalem studiorum Præfectum consulat ; ab eorum præscripto non recedat ; nullam consuetudinem , aut receptam tollat , aut novam introducat .

Declamatio- nes a quo pre- bandæ . 3. Eidem Præfecto quicquid auditoribus Rethoricæ , & inferiorum facultatum publice domi , forisque declamabitur , tradi curet recognoscendum . Emblemata vero , & carmina , quæ celeberrimis aliquot diebus propalam collocantur , a duobus per Rectorem designandis legantur omnia , atque optima seligantur .

Magistri ob- servandi , & juvandi . 4. Regulas Magistrorum inferiorum , & auditorum habeat , & perinde ac suas sedulo curet observandas . Magistros ipsos

ju-

jūvet, ac dirigat, maximèque caveat, ne quid apud alios, præsertim vero discipulos, de eorum existimatione, atque auctoritate detrahatur.

5. Magnopere caveat, ut novi Præceptores decessorum suorum docendi modum, & alias consuetudines, a nostra tamen ratione non alienas, sedulo retineant: quominus externi frequentem Magistrorum mutationem incusent.

6. Quinto decimo quoque die ad minimum singulos docentes audiat; observet, an Doctrinæ Christianæ debitum tempus, atque operam tribuant, an quantum satis est, in suo penso tum persolvendo, tum recolendo progrediantur, an denique cum discipulis decorè, ac laudabiliter se in rebus omnibus gerant.

Una docendi
ratio.

Scholæ vise-
dæ.

7. Tum festos dies, & vacationes, sive Provinciis omnibus communes, sive suæ proprias, præsertim hebdomadarias, tum horas, quibus quoque anni tempore inchoandæ scholæ sint, ac finiendæ, mature cognoscat, Magistrisque significet: quando item discipuli ad publicas suppli- cationes, aliaque id genus dimittendi; aut aliquid extra ordinem agere jubendi, seu vetandi.

Feriati dies,
& horarum
mutatio.

8. §. I. Gaveat, ne gradus, quibus quinque scho- larum gradus.

thorica, Humanitas, & tres Grammaticæ constant, ulla ratione permisceantur, ut, si quando classis aliqua ob multitudinem discipulorum ex Provincialis præscripto geminetur, eumdem utraque gradum retineat; & si quando plures in una classe ordines statuantur, iis gradibus respondeant, qui in regulis Professorum describuntur.

Divisio grammaticæ in tres libros.

§. 2. Quæ distinctio quo melius, faciliusque servetur, omnia Emmanuelis præcepta tres in libros dividenda sunt, quorum singuli singularum scholarum sint proprii.

Primus liber pro insima classe continebit primum Emmanuelis librum, & brevem introductionem syntaxeos e secundo depromptam.

Secundus liber pro media classe continebit secundum librum Emmanuelis de octo partium constructione usque ad figuratam, additis facilioribus appendicibus.

Tertius liber pro suprema classe continebit e secundo libro appendices secundi generis, & a figurata constructione usque ad extremum, ac librum tertium, qui est de syllabarum dimensione.

Similis autem huic in tres partes, quæ tribus classibus respondeant divisio ab iis etiam Provinciis facienda esset, quæ aliam me-

methodum, quam Romanam sequuntur.

§. 3. Cujusque classis librum Magister primo fere semestri absolvet, altero a capite repetet. Quoniam vero infimæ classis liber major est, quam explanari uno anno, ac recoli totus possit, ideo bifariam dividitur. Et expediret quidem pueros non admittere, nisi in prima parte bene instructos, ut omnibus secunda pars, sicut ceteris classibus, uno anno explicaretur, & repeteretur. Verum ubi id fieri non poterit, hæc infima classis divisa erit in duos ordines, quorum una prima pars libri, alteri secunda primo fere semestri prælegatur; secundo vero semestri utraque ab initio repetatur; quæ si cubi geminetur, cum in ea duplex sit ordo, unus poterit Magister inferiorem ordinem docere, alter superiorem.

*Infimæ classis
geminus ordo.*

§. 4. Hujus repetitionis duplex erit utilitas, prima, quod altius inhærebunt, quæ saepius fuerint iterata; altera, ut si qui sint præstanti ingenio celerius, quam ceteri cursum confiant, cum singulis semestribus possint ascendere.

*Repetitionis
utilitas.*

§. 5. Ubi igitur quinque scholæ sunt, serventur in singulis singuli gradus eomodo, quo descripti sunt in Regulis Magistrorum, nec in ulla earum plusquam unus ordo, excepta infima, permittatur.

*Collegium
quinque clas-
sium.*

e 4 §. 6. Ubi

Quatuor.

§. 6. Ubi sunt quatuor scholæ, vel, sublata Rethorica, ceteræ quatuor nihil differant ab iis, quas modo diximus; vel, quod magis placet, suprema sit Rethoricæ, servetque prorsus gradum in regulis Professoris Rethoricæ descriptum; altera sit Humanitatis, itemque servet gradum in regulis Professoris expressum; tertia in duos secetur ordines, quorum superior supremæ classis grammaticæ respondeat, inferior mediæ, quarta denique respondebit infimæ classi, duosque in ordines, ut in ejus regulis dicitur, tribui poterit: si superior tantum ordo admittatur, tertia unum tantum gradum teneat, sitque suprema grammaticæ; quarta vero duos, sitque media, & infima.

Trium.

§. 7. Ubi sunt tres scholæ, duæ inferiores retineant gradum modo præscriptum duabus ultimis in Collegio quatuor classium; suprema vero, vel sit pura Humanitas, vel in duos dividatur ordines, quorum superior Rethoricæ, inferior Humanitati respondeat. Atqui ordo superior non introducetur, nisi consulto Rectore, cum bonus numerus discipulorum erit, qui ejus ordinis sint capaces, atque ita, ut Magister studio & curæ inferiori ordini debitæ nullo modo desit.

§. 8. Ubi

§. 8. Ubi sunt duæ scholæ , inferior duos habeat ordines , quorum alter supremo ordini infimæ classis , alter mediæ classi ; superior item duos , quorum alter supremæ classi grammaticæ , alter Humanitati respondeat .

§. 9. In his etiam scholis , ubi est ordo geminus , eadem erit pro utroque ordine , quæ dicta est §. 3. , annui pensi repetitio . Et quidem , ubi fieri posset , ut utriusque sua cuique pars primo semestri explicaretur , secundo iteraretur ; discipuli per biennium in eadem classe æque progredereintur , atque in duabus , quæ singulis constarent ordinibus : verum , ubi id difficilius videatur , plus etiam erit temporis tribuendum .

§. 10. Hoc ut obtineri possit , in his scholis , in quibus ordo erit geminus , omnia , præter grammaticæ prælectionem , erunt omnibus communia . Ac primum quidem Ciceroniana prælectio communis erit , ita ut faciliora ab inferiore , difficultiora a superiore ordine reposcantur . Deinde thema etiam unicum dari poterit , ita ut totum ordo superior excipiat , inferior primam solum , vel ultimam partem , quæ sit præceptis illi explicatis accommodata . Denique exercitationes , & concertationes plerumque omnibus communis

Quæ ibidem
communia ,
quæ propria .

nes esse possunt. Sola ergo grammaticæ præelectio distincta cum sit; aut alternis diebus singulis ordinibus, aut tempore bifariam diviso, sua utriusque quotidie explicabitur, recoleturque.

Novi discipu-
li.

9. Nullum, quoad ejus fieri potest, in discipulorum numerum referat, qui non adducatur a parentibus, aliisque, quibus curæ sit; aut quem ipse non novedit; aut de quo facile non possit ab aliis sibi jam notis edoceri. Neminem vero, eo quod ignobilis sit, aut pauper, excludat.

Eorum exa-
men.

10. Eos, qui de novo adveniunt, in hunc fere modum examinet: roget, quænam studia coluerint, quatenus; deinde seorsim aliquid scribere, certo arguento proposito, jubeat: nonnulla item præcepta facultatum, quibus studuerint, exigat; breves aliquas sententias, sive latine convertendas, sive, si sit opus, e scriptore quopiam interpretandas proponat.

Admissio.

11. Quos probe instructos, & bonorum morum, aut indolis esse cognoverit, admittat; iisque regulas auditorum nostrorum ostendat, ut, quales se esse oporteat, norint. Eorum nomen, cognomen, patriam, ætatem, parentes, aut eos, in quorum cura sunt; ecquis discipulorum noverit eorum domos, in libro scribat; diemque, & annum, quo quis-

quisque admissus est, adnotet. Demum unumquemque in ea classe, & cum eo præceptore collocet, qui ipsi conveniat, ut Superiore dignus potius, quam suo indignus videri possit.

12. In ultimam classem fere neque admittat juvenes ætate proiectos, neque puerulos nimium teneros, nisi admodum idoneos; etiam si probæ tantum educationis gratia mitterentur.

13. Generalis, solemnisque promotoio semel in anno post anniversarias vacaciones facienda est. Si qui tamen longe excellant, atque in superiore schola magis, quam in sua profecturi videantur (quod inspiciendis Catalogis, rogandisque Magistris cognoscet), nequaquam detineantur, sed quocumque anni tempore post examen ascendant. Quamquam a prima classe ad Humanitatem, tum ob alias causas, tum propter artem metricam, quæ secundo semestri explicatur, & ab Humanitate ad Rethoricam propter Cypriani compendium, vix patet ascensus.

14. Ad examen semel, aut, si opus sit, iterum ab omnibus classibus soluta oratione; a supra vero Grammaticæ, & Humanitate semel etiam carmine, &, si videatur, semel græcè aliquo dierum intervallo in schola scribendum est.

15. Ef-

*Qui non ad-
mittendi.*

Promotio.

*Ad examen
scribendum.*

Examinis le-
ges recitandæ,

15. Efficiat, ut biduo, vel triduo ante examen Magistri scribendum examinis causa denuncient, scribendique ad examen leges in fine harum regularum positæ singulis in classibus recitentur.

Præfectus
præsit.

16. Scribentibus præsit ipse Præfectus, aut alius, quem ipse sibi substituerit: qui, quo die scribendum est, signo dato, argumentum breve potius, quam longum tradat.

Compositio-
nes tribuendæ
examinatori-
bus.

17. Compositiones in fasciculum ordine alphabeti conjectas apud se habeat; &, si nihil impediat, dividat examinatoribus, ut, si videatur, legere, & errata in margine notare possint.

Examinatores.

18. Examinatores tres esse oportet. Unus erit ut plurimum ipse Præfectus; alios duos rerum Humaniorum bene peritos, qui, si fieri potest, Magistri non sint, Rector cum Præfecto constituet. In decernendo autem plura horum trium suffragia spectabuntur. Ubi vero ingens est numerus, duo aut plura examinatorum ternaria constitui nihil vetat.

Examinando-
rum numerus.

19. Terni ad examen, aut etiam plures, ex classibus præsertim inferioribus, evocentur; totidemque deinceps a Magistro, servato alphabeti ordine, aut alio commodiore, submittantur.

20. Exa-

20. Examinatores in primis perlegant Catalogi co-
Magistri Catalogum, & in eo recogno-gnoscendi.
scant adscriptas cuique notas, dum ad
examen accedit, conferendo, si opus sit,
cum superioribus ejusdem anni Catalogis,
ut, quid quisque profecerit, aut profe-
cturus sit, facilius appareat.

21. Examinis ratio hæc erit. Primum Examinis ra-
suæ quisque compositionis partem, si tio.
videatur, recitet: deinde errata corrige-
re, & eorum rationem reddere jubeatur,
præcepto, contra quod peccatum sit, in-
dicato. Postea grammaticis vernaculum
aliquid statim latinè vertendum propo-
natur, omnesque de præceptis, & re-
bus, quæ in quacumque schola tradita
sunt, interrogentur. Denique brevis,
si sit opus, loci cujuspiam ex libris in
schola explicatis interpretatio exigatur.

22. Post cujusque ternarii examen, Quando se-
recentibus adhuc Examinatorum judiciis, renda senten-
sententiæ de interrogatis feranrur, habi-tia.
ta compositionis, notæ a Magistro addi-
tæ, & interrogationis ratione.

23. Ad constituendum de dubiis Præ- De dubiis.
fectus quotidianas eorum scriptiones per
intervalla exigat; cum iisdem judicibus
conferat, ut eos, si videatur, rursus
scribere jubeant, & examinent. Porro
in dubiis ratio ætatis, temporis in ea-
dem

dem classe positi , ingenii , ac diligentiae
habenda erit .

Silentio sen-
tentia suppri-
menda .

24. Peracto demum examine , quid de
unoquoque statuendum sit , silentio sup-
primatur , nisi quod , antequam publice
recitetur , suus cuique Magistro Catalogus
ostendendus erit .

Non apti , &
rudes .

25. Si quis nulla ratione ad gradum
faciendum videatur idoneus , nullus de-
precationi sit locus . Si quis ægre quidem
aptus ; sed tamen propter ætatem , tem-
pus in eadem classe positum , aut aliam
rationem promovendus videatur ; id ea
conditione , nisi quid obstiterit , fiat ,
ut , si minus suam Magistro probarit in-
dustriam , ad inferiorem scholam remit-
tatur , nec in Catalogo ejus ratio habeat-
ur . Si qui denique ita sint rudes , ut
nec eos promoveri deceat , nec ullus in
propria classe fructus speretur , agatur
cum Rectore , ut , eorum parentibus , aut
curatoribus perhumaniter admonitis , lo-
cum non occupent .

Promulgatio .

26. Publice promovendorum Catalo-
gus , vel ad singulas seorsim classes , vel
in Aula simul ad omnes recitetur . Si qui
longe inter ceteros emineant , primi ho-
noris causa nominentur , in ceteris al-
phabeti , vel doctrinæ ordo servabitur .

27. An-

27. Ante instaurationem studiorum de Librorum Catalogo librorum, qui eo anno expli-
candi sunt in scholis nostris, conficien-
do mature referat ad Rectorem, ut res
cum Præfecto generali, & cum Magistris
communicetur: eodemque modo statua-
tur, si qui forte in anno libri, sive scri-
ptores commutandi sint.

28. Efficiat, ut tempestive cum publi- Librorum co-
cis Bibliopolis agatur, ne librorum, qui- pia.
bus aut in dies utimur, aut sequentem in
annum usuri sumus tum nos, tum exter-
ni, copia desideretur.

29. Gujuslibet anni initio sua singulis Locorum as-
auditoribus scamna, & consessores, vel signatio.
per se, vel per Magistros aluinnis etiam,
& convictoribus per eorum moderatores
assignet (nisi forte alicubi ex doctrinæ
ordine sedendi ordo statuatur); Nobilibus
quidem commodiora, nostris vero, &
aliis item Religiosis, si adsint, ab exter-
nis separata subsellia; neque committat, ut
magna aliqua commutatio, se inscio, fiat.

30. Permagni interest, ut auditoribus Privati studii
non modo nostris, sed alumnis etiam, tempus.
vel convictoribus, &, si nihil obstiterit,
externis quoque Præfectus per Magistros,
vel per alios illorum Collegiorum Præfe-
ctos tempus ita distribuat, ut privati stu-
dii horas bene collocent.

31. Nul-

Immunitas
nulla.

31. Nullam det cuiquam , præsertim diuturnam , nisi gravi de causa , a versibus , & græcis discendis immunitatem .

Declamatio-
nes menstruæ.

32. Curet, ut declamationes menstruæ, quæ publice in Aula a Rethoribus habentur , superiorum etiam classium frequen- tia , non modo Rethorum & Humanista- rum , cohonestentur . Ideoque Magistri admoneantur , ut suos quisque auditores invitent . Ex nostris vero nemini abesse liceat , nisi a Rectore potestatem impe- trarit .

Scholarum
disputationes.

33. Consideret, quando , qua ratione , & quo convenire debeant Scholæ ad di- sputandum inter se : nec solum dispu- tan- di rationem antea præscribat , sed etiam , dum certatur , præsens ipse sedulo curet , ut fructuose , modeste , pacate gerantur omnia . Eodemque modo Rethorum , & Humanistarum declamationibus , seu præ- lectionibus , quas in Gymnasio habere solent , intersit .

Academiaz.

34. Ad litterarias exercitationes altius imprimendas det operam , ut , si Recto- ri videbitur , in classibus non modo Re- thoricæ , & Humanitatis , sed etiam Grammaticæ Academiæ instituantur : in quibus statis diebus , certisque legibus , quæ in fine libri habentur , vicissim præ- legatur , disputetur , aliæque boni audi- toris partes agantur .

35. De

35. De præmiis distribuendis, ac de- Præmia publi-
clamatione, dialogoque tum fortasse ha- ^{ca.}
bendo, tempestive Superiori in memo-
riam revocet. In qua distributione leges,
quæ in fine harum Regularum collocantur,
servandæ erunt, & in singulis classibus
ante scriptionem promulgandæ.

36. Det quoque operam, ut, præter publica præmia, privatis etiam, quæ Re- Privata.
ctor Collegii suppeditabit, præmiolis, vel signo aliquo victoriæ Magistri, in sua quis-
que schola, discipulos excitent, cum vel adversarium vincendo, vel totum ali-
quem librum repetendo, memoriterque reddendo, vel illustre aliquid ejusmodi
agendo in dies commeruisse videbuntur.

37. Suum in unaquaque classe pro Re- Censor, seu
gionum consuetudine publicum Genso- Prætor.
rem, vel, si Censoris nomen minus pla-
ceat, Decurionem maximum, aut Præ-
torem constituat: qui, ut in honore sit
apud condiscipulos, privilegio aliquo co-
honestandus erit; jusque habebit, Magi-
stro approbante, leviores poenas a condi-
scipulis deprecandi. Is observet, si quis,
aut ante signum datum ex condiscipulis
vagetur in atrio, aut scholam alienam in-
grediatur, aut a propria, seu a suo loco
discedat; deferat etiam ad Præfectum, qui
nam quotidie desiderentur, si quis non

f di-

discipulus scholam intrarit , demum si quid , absente , seu præsente Magistro , peccetur in schola .

<sup>a P. 4. cap. 7.
§. 1. & c. 16.
§. 5.</sup> ^b 38. ^a Propter eos, qui tum in diligenter tia , tum in iis , quæ ad bonos mores pertinent , peccaverint , & cum quibus sola verba bona , & exhortationes non sufficiunt , Corrector , qui de Societate non sit , constituatur ; ubi haberi non poterit , excogitetur modus , quo castigentur , vel per aliquem ex ipsis scholasticis , vel alia convenienti ratione : propter domestica vero delicta non plectantur in schoala , nisi raro , & magna de causa .

^c Correctionem ^d 39. Qui autem plagas recusant , aut recusantes . cogantur , si tuto possint ; aut , si quando id indecorè fiat , cum grandioribus vide licet , iis gymnasium nostrum interdicatur , Rectore tamen antea consulto ; sicut & iis , qui frequenter absunt a schola .

<sup>b P. 4. c. 16.
§. 5.</sup> ^b 40. ^b Cum nec verba , nec Correctoris officium satis esset ; & in aliquo emendatio non speraretur , aliisque esse offendiculo videretur , præstat a scholis eum removere , quam , ubi parum ipse proficit , & aliis nocet , retinere . Hoc autem judicium Rectori , ut omnia ad Gloriam , & Servitium Dei , ut par est , procedant , relinquetur .

<sup>A scholis re-
movendi .</sup>

41. Si

41. ^a Si casus aliquis acciderit, ubi in remedium offendiculi præstiti satis non esset a scholis expellere; ad Rectorem referat, ut is videat, quid præterea conveniat providere. Quamvis, quoad ejus fieri poterit, in spiritu lenitatis, pace, & caritate cum omnibus conservata sit agendum.

42. Reditus ad scholas nostras nemini pateat eorum, qui, vel semel ejecti sunt, vel ultro sine legitima causa discesserunt; quin prius Rector admoneatur, cujus erit, quid expedit, judicare.

^a Ibid. litt. D.
Coercendi.

43. Nihil neque in Atrio, neque in Atrii quies. Scholis, etiam superioribus, patiatur armorum, nihil ociosorum, nihil concursationum, atque clamorum; ^b nec jura- ^b P. 4. c. 16. menta, nec injurias verbo, aut facto illatas, nec dishonestum, aut dissolutum quid in eis permittat; si quid acciderit, componat statim, & cum Rectore agat, si quid est, quod Atrii quietem ullo modo perturbet.

44. Non modo toto scholarum tempore in Atrio, sive in conclavi, unde Atrii prospectus pateat, sit assiduus; verum etiam scholas ante datum signum ad ingrediendum interdum lustret, semperque ad Atrii januam cunctis exeuntibus præsto sit.

Atrium, &
scholas lustri-
dx.

Templum , & Missa . 45. Curet , ut scholarum ingressus in

Templum , egressusque strepitu careat ; & nunquam , nisi præsente aliquo Magistrorum , aut etiam pluribus , Missam audiant ; cui non modo omnes quotidie religiosè intersint , sed etiam rectè , atque ordine distributi .

Confessio .

46. Diebus , & horis ad excipiendas discipulorum Confessiones constitutis , videat , ut Confessarii tempestive adsint : Templum ipse per id tempus ingrediatur identidem , curetque , ut modeste , ac pie se pueri gerant .

Schola non evocandi .

47. Ne ipse quidem Præfectus , nisi parce , præsertim prælectionum tempore , e scholis discipulos evocet : si quid in ea re peccetur ab aliis , Rectorem edoceat .

Discipulorum opera non uitendum .

48. Nullo autem tempore discipulorum opera , aut ad scribendum , aut ad ullam rem aliam utatur , aut alios uti sinat .

Regulæ palam collocandæ .

49. Regulæ omnium externorum discipulorum communes in loco , ubi publice legi possint , & in quavis præterea classe propalam sunt affigendæ , & cuncte fere mensis initio in Rethorica , ceterisque inferioribus recitandæ .

Vices præfecti generalis .

50. Ubi non erit Præfectus studiorum superiorum , curam subeat ipse , Rectore probante , recognoscendi ea , quæ publice declamantur , & libros nostris scholasti-

lasticis, eodem concio Rectore, distri-
buendi.

S C R I B E N D I A D E X A M E N L E G E S.

T1. Intelligent omnes, ipso scriptio- Scriptioni in-
nis die, si qui, nisi gravibus distenti tersint.
causis, desiderentur, eorum in examine
nullam habitum iri rationem.

2. Mature veniendum ad scholam, ut Scribendi
scribendi argumentum, & ea, quæ tum tempus.
Præfectus per se, vel per alium traditu-
rus est, fideliter excipient, absolvantque
omnia intra finem scholarum. Nam post
indictum silentium, nemini cum aliis,
ne cum Præfecto quidem ipso, sive cum
eo, quem ipse sibi substituerit, loqui li-
citum foret.

3. Accedere oportet instructos libris, Apparatus.
ceterisque rebus ad scribendum necessa-
riis, ne ab ullo quidquam petere inter
scribendum necesse sit.

4. Apposite ad uniuscujusque classis Forma.
gradum, dilucideque scribendum, & ex

thematis verbis , modisque præscriptis . Ambiguè scripta in deteriorem partem acceptum iri ; verba etiam omissa , vel temere immutata difficultatis evitandæ causa pro erratis fore .

Cavendum a consessoribus. 5. Cavendum a consessoribus : nam , si duæ forte compositiones similes , ac geminæ reperiantur , utramque habitum iri pro suspecta ; cum uter ab utro furtus sit , exploratum esse non possit .

Egressus è schola . 6. Ad fraudes evitandas , si cui forte potestatem exeundi , postquam scribi coeptum sit , dare necessitas cogat ; is , & argumentum scriptionis , & quidquid scripsерit , apud Præfectum relinquat , sive apud eum , qui tum scholæ præest .

Scriptionis traditio . 7. Compositione absoluta , suo quisque loco , quæ scripsit , diligenter recolat , castiget , expoliat , quantum velit : nam simul atque compositio tradita Præfecto sit , si quid deinde correctum oporteat , haudquaquam redditum iri .

Adscriben- dum nomen . 8. Rite complicanda , ut Præfectus juss erit , sua unicuique compositio , atque in tergo nomen tantum scriptoris cum cognomine latine adscribendum , quo facilius compositiones omnium in Alphabeti , si libeat , ordinem redigi possint .

Scriptionis absolutio . 9. Cum suam quisque compositionem redditurus accedit ad Præfectum , secum suos

suos habeat libros, ut, ea tradita, statim silentio exeat e schola: ceteri vero, aliis discedentibus, loca non mutent; sed compositionem, quo coeperint loco, perficiant.

10. Si quis tempore ad scribendum attributo non absolverit; eam ipsam partem, quam scripserit, tradet. Idcirco probbe intelligi ab omnibus oportebit, quantum temporis ad scribendum concedatur, quantum ad describendum, & recognoscendum.

11. Denique cum ad examen accedunt, Accessus ad libros, qui explicati sint eo anno, de quibus interrogandi sunt, afferant: dumque unus interrogatur, ceteri, qui adsunt, diligenter attendant; verum neque annuant aliis, neque corrigant, nisi rogati.

LEGES PRÆMIORUM.

1. Rethoricæ octo præmia proponentur, duo solutæ orationis latinæ, duo carminis; duo solutæ orationis græcæ,

f 4 toti-

Præmiorum
numerus.

totidem græci carminis . Sex item , sed eodem plane ordine , in Humanitate , & in prima classe Grammaticæ , relicto scilicet græco carmine , cuius infra Rethoricam fere non est usus . Quatuor deinceps in omnibus aliis inferioribus , relicto etiam latino carmine . Unus præterea , aut alter in singulis classibus , qui optime omnium Christianam Doctrinam recitaverit , præmio donetur . Poterunt tamen , ubi ingens , aut parvus est numerus discipulorum , plura vel pauciora dari , dummodo potior semper solutæ orationis latinæ ratio habeatur .

*Scriptionum
dies .*

2. Scribendi certamen in distinctos dies dividatur , ita ut alius dies orationi latinæ , alius scribendis versibus ; alii item duo dies græcæ orationi , ac versibus tribuantur .

*Constitutæ
horæ .*

3. Omnes in suam quisque scholam diebus , & horis ad scribendum constitutis , convenient .

*Egressus , &
colloquium
interdicitur .*

4. Accepero scribendi argumento , ante absolutam scriptionem , ac traditam nemmo e sua schola egrediatur ; neque cum alio intra , sive extra gymnasium colloquatur : si egredi , facta tamen potestate , necesse sit , argumentum , & quidquid scripserit , apud eum , qui tum scholæ præest , relinquatur .

5. Si

5. Si quis longius spatium ad rem accuratius perficiendam expetit : is, modo ne pedem e schola efferat, neque ultra occasum solis tempus proroget, quamdiu voluerit, maneat.

6. Suam quisque scriptionem accurate descriptam, aliquo addito, quo maluerit, signo, sine nomine tamen, cum descendere volet, gymnasii Præfecto, vel alteri, quem ipse sibi substituerit, reddat: aliam item chartam, in qua cum nomine, & cognomine sit idem signum expressum, diligenter obseratam, ne nomen inspici possit, eidem tradat.

7. Gymnasii Præfectus omnia sedulo, & fideliter asservet: neque chartas nomina continentes, priusquam factum sit judicium, resignet.

8. Judices tres, & docti, & graves, quorum aliquis externus esse poterit, si loci postulet consuetudo, qui nesciant, cuius quæque sit scriptio, deligantur. Hi, perfectis omnibus scriptis, & re diligenter inspecta, plurium suffragio omnes ordine victores, & eorum quoque, qui ad victores proxime accesserunt, unum, aut alterum in unoquoque genere declarant.

9. In Judicio, cuius melior erit orationis forma, is ceteris omnibus, etiam si

si plura scripserint, anteferatur. Si qui genere ipso, & stilo pares in scribendo erunt, plura paucioribus anteponantur. Si in hoc etiam sint pares, qui ortographia præstiterit, victor sit. Si ortographia, & ceteris rebus pares fuerint, ei, qui elegantius expresserit litterarum notas, præmium adjudicetur. Si pares omnino sint, vel dividatur præmium, vel geminetur, vel sorte ducatur. Si quis in omnibus generibus scribendi ceteros vicerit, is etiam omnium generum præmia consequatur.

Nomina resi-
gnanda.

Præmiorum
apparatus.

10. Judicio perfecto, Præfectus cum Rectore, & Præfecto generali chartas, in quibus nomina certantium cum signis adscripta erunt, resignet: nomina victorum e signis diligenter, ne erret, investiget; cognita nemini, præterquam Magistris, enunciet.

11. Constituto deinde die, quanto maximo fieri poterit apparatu, & hominum frequentia, nomina Victorum publice pronuntientur, & in medium procedentibus præmia cuique sua honorifice dividantur. Si quis non aderit, nisi potestatem justis de causis, quæ Rectori probentur, acceperit a Præfecto, præmium vel optimo jure sibi debitum amittat.

12. Unum-

12. Unumquemque Victorem præco Distributio evocabit hoc fere modo : Quod felix faustumque sit rei litterariæ , omnibusque nostri Gymnasii alumnis primum , secundum , tertium , &c. præmium solutæ Orationis latinæ , græcæ , carminis latini , græci , &c. meritus , & consecutus est . N. Tum victori tradat præmium , nec fere sine aliquo ad rem maxime apposito carmine brevissimo , quod statim , si commode fieri possit , a cantoribus repetatur . Ad extremum addat idem præco , si qui proxime accesserint , quibus aliquid etiam præmii loco dari licebit .

13. Contra has leges si quis peccarit , Fraudum pœna. aut fraudem ullam commiserit , ejus scriptio nulla ratio habeatur .



RE-

REGULÆ

ACADEMIÆ RHETHORUM,
ET HUMANISTARUM.

Academiae
dies.

Quæ exerce-
tationes Mode-
ratori haben-
dæ.

Quæ Acade-
mici.

1. **D**iebus Dominicis, vel, ubi com-
modius erit, die vacationis convenient
loco a Rectore Collegii designato.

2. Exercitationes hujus Academiæ hæ-
fere erunt; Moderator, prout opportu-
num judicaverit, nunc lectiones, seu
quæstiones habebit de selecta aliqua ma-
teria, vel Auctore; nunc præcepta aliqua
dicendi magis recondita ex Aristotele,
Cicerone, aliisque Rethoribus tradet;
nunc aliquem Auctorem percurret, & ab
Academicis exiget; nunc iisdem proble-
mata solvenda proponet, & alia hujus-
modi.

3. Sæpe etiam, his omissis, Academicci
ipsi nunc orationes, nunc carmina, nunc
declamationes habeant, vel memoriter,
vel ex tempore; nunc invicem accusa-
tiones, & defensiones, ipso probante, in-
stituant; nunc lectiones habeant duobus
minimum adversus lectorem disputanti-
bus; nunc Theses defendant, oppu-
gnentque oratorio magis more, quam
dialectico; nunc emblemata, & insignia
de

de certa aliqua materia componant; nunc inscriptiones, aut descriptiones; nunc ænigmata faciant, aut dissolvant; nunc in inventione se exerceant singuli, ad propositam materiam confirmationis locos excogitantes, sive improviso, seu meditato; nunc in elocutione figuræ verborum, ac sententiarum inventæ rei accommodantes; nunc dialogorum, poematum, tragœdiarum argumenta conscribant; nunc integrum præclari Oratotoris Orationem, aut Poetæ Carmen imitantur; nunc symbola quædam faciant, ut scilicet de una re proposita singuli suam sententiam afferant; nunc, distributis alicujus Auctoris libris, singuli ex eo sententias, vel phrases decerptas proferrant. Denique in iis se exerceant, quæ eloquentiam gignere, & ab ea enasci solent.

4. Harum exercitationum aliquæ splendidiores, ut prælectiones, declamationes, thesum defensiones operæ pretium est, præsertim a Rectore Academiæ, fieri, cum apparatu interdum aliquo, & honorariorum auditorum corona.

5. Privata interdum præmia melius aliquid scribentibus, aut recitantibus, aut ænigmata, problemataque solventibus dari poterunt.

6. Prae-

Publicæ exercitationes.

Præmia privata.


94 REGULÆ RETHOR. &c.

Præmia pu-
blica .

6. Præmia item solemniora omnibus simul Academicis semel in anno distribui poterunt , sive ex contributione , sive qua magis ratione Rectori Collegii placebit .

Festus B. Vir-
ginis dies .

7. Semel saltem in anno festus aliquis Beatæ Virginis dies , quem Collegii Rector constituet , celebri pompa orationis , poematis , versuum ad parietes affixorum , emblematum item , & insignium variorum exornabitur .



RE-

REGULÆ

ACADEMIÆ GRAMMATICORUM.

Plerumque Moderator aliquid selectum ex Grammatica quasi præcurrrens, quod in schola sunt habituri, vel ex Auctore eleganti, & jucundo præleget, vel etiam repetitionem instituet, exercitationemque eorum, quæ in schola exposita sunt.

2. Initio Academiæ semper unus paratus veniet ad respondendum de iis, quæ proxima Academia dicta fuerint; adversus quem terni, aut plures dubitationes, aut vernaculae locutiones latine vertendas proponere poterunt, eodemque modo prælectionem à Moderatore habitam statim recolent.

3. Frequenter, & acriter disputabitur; exercebitur interdum stilus, interdum memoria; variabuntur phrases; aliquid etiam ex versibus, & græca grammatica proponetur, & alia fient hujusmodi ex præscripto Moderatoris.

4. Aliqui interdum, aut etiam omnes parati venient ad aliquod apophthegma breve, vel factum aliquod memoriter enarrandum.

5. Præ-

Grammaticæ
exercitatio.

Repetitio.

Disputatio.

Memoria.

- Prælectiones
privatae. 5. Prælectiones ipsas in schola habitas
a Præceptore, addita præfati uncula, &
aliqua, si videbitur, adnotazione è sug-
gestu interdum dicent.
- Publicæ. 6. Operæ pretium erit haberi inter-
dum aliquas prælectiones ab Academicis,
præsertim a Rectore, apparatu, invita-
tuque majore, addita concertatione duo-
rum, aut trium, privatis etiam præmiis,
si libeat, distributis.
- Pœnæ littera-
riæ. 7. Poterit à Moderatore pœnæ loco
aliquid litterariorum exigi, juberique, ut
eorum nomina, qui minus bene, aut di-
ligentes se gesserint, publice recitentur.
- Exercitatio-
num varietas. 8. Eæ denique exercitationes proponi,
& variari debent, quæ ita utilitatem ha-
beant adjunctam, ut gratæ etiam, & de-
coræ sint, quo magis ea voluptate Aca-
demicorum animi ad studia incitentur.



RE-

REGULÆ
COMMUNES
OMNIBUS PROFESSORIBUS

Superiorum Facultatum.

1. Feratur Præceptoris peculiaris intentio, tum a in lectionibus, cum se occasio obtulerit, tum extra eas, ad Auditores suos ad obsequium, & amorem Dei, ac virtutum, quibus ei placere oportet, movendos, & ut omnia sua studia ad hunc finem referant.

2. b Quod ut ad memoriam eis reducatur, ante lectionis initium dicat aliquis brevem orationem ad id institutam, quam Præceptor, & discipuli omnes aperto capite attente audient; vel saltem ipse Præceptor signo Crucis se muniat aperto capite, & incipiat

3. Discipulos præterea juvet crebris apud Deum precibus, ac religiosis vitæ suæ exemplis. Exhortationes par erit non omittere, saltem pridie solemniorum dierum, & cum paulò longiores vacaciones conceduntur. Hortetur potissimum ad orandum Deum, ad excutiendam

g

Con-

a P. 4. cap. 7. Conscientiam vesperi , ^a ad Sacra menta
§. 2. & c. 16. Pœnitentiæ , & Eucharistiæ frequenter ,
§. 1. & A. ac rite obeunda ; ad Missam quotidie ,
 Concionem singulis diebus festis audiendam ; ad vitandas noxias consuetudines ;
 ad vitiorum detestationem ; ad virtutes colendas Christiano homine dignas .

*Præfecto ob-
temperandum*

4. Præfecto studiorum in rebus , quæ ad studia , & scholarum disciplinam spectant, obtemperet : Conclusiones omnes , antequam proponantur , eidem tradat recognoscendas ; neque librum ullum , aut Scriptorem extraordinarium explicandum suscipiat ; neque novam ullam docendi , aut disputandi consuetudinem introducat .

*b 5. Congreg.
decr. 55.*
*In refellendo
modestia.*

5. ^b In iis quæstionibus , in quibus liberum est quamcumque partem sequi , ita defendatur una pars , ut alterius etiam partis , ac multo magis prioris Professoris , si contrarium docuerat , existimatio ni modeste , ac benevole consulatur . Quin etiam si conciliari possunt Auctores , id , ne negligatur , optandum est . Denique in nominandis , aut confutandis Auctoribus modeste se gerat .

*c 5. Congreg.
decr. 55.*
*Novitas opini-
tionum fu-
gienda.*

6. ^c In iis etiam , in quibus nullum fidei , pietatisque periculum subest , nemo in rebus alicujus momenti novas introducat quæstiones ; nec opinionem ullam , quæ idonei nullius Auctoris sit , iis , qui

qui præsunt, inconsultis; nec aliquid contra Doctorum axiomata, communemque scholarum sensum doceat: sequantur potius universi probatos maxime Doctores, & quæ, prout temporum usus tulerit, recepta potissimum fuerint in Catholicis Academiis.

7. Opiniones inutiles, obsoletas, absurdas, manifestò falsas non adducat; nec in aliis referendis, ac refutandis nimis immoretur. Conclusiones non tam probare studeat argumentorum numero, quam pondere. Ad alienas materias non digrediatur; aut è suis alias fusius, quam res postulat; alias alieno loco pertractet. Ne coacervet, quæ objici possent; sed ex iis potissima breviter referat, nisi ex jactis fundamentis facile pateat eorum confutatio.

8. In afferendis Doctorum auctoritatibus non sit nimius: si tamen habeat insigniorum Auctorum testimonia ad sententiam suam confirmandam, verba ipsa, quoad fieri potest, pauca tamen, & fideliter recitet; multo magis Sacrarum Scripturarum, Conciliorum, Sanctorum Patrum. E dignitate autem Magistri est, nullum fere Auctorem proferre, quem ipse non legerit.

g. 2

9. Si

De dictando. 9. Si quis citra dictationem ita docere potest, ut quæcumque scribenda sunt, commode valeant ab auditoribus excipi; is ne dictet, optandum: certe ita omnino dictent, ut non verbatim interposita mora, sed uno fere spiritu pronuncient; &, si oportuerit, repetant totidem verbis: nec totam quæstionem dictent, mox explicent; sed identidem dictent, atque explicent vicissim.

Discipuli
quando ad
Auctores rejiciendi.

10. Ea, quæ in Auctoribus in promptu positis habentur, si afferenda sint, explicet potius, quam dictet: quin etiam auditores ad eos Auctores, qui copiose, & accuratè materiam aliquam pertractarunt, rejiciat.

Repetitiones
in schola.

a P. 4. c. 13.
§. 3.

11. Post lectionem in schola, vel prope scholam maneat saltem per quadrantem, ut possint ad eum interrogandum auditores accedere, & lectionum rationem interdum exigat, ^a curetque, ut eæ repetantur.

Repetitiones
domi.

b P. 4. cap. 6.
§. 8. & H. &
c. 13. §. 3. & D.

12. Domi quoque quotidie præter sabbata, vacationes, & dies festos hora una designanda, qua ^b repetatur à nostris, & disputetur; ut ea ratione, & ingenia magis exerceantur, & difficilia, quæ occurrent, magis elucidentur. Præmoneatur itaque unus, aut alter ad repetendum memoriter non plus, quam per qua-

quadrantem : postea argumentetur unus item , aut alter , totidem respondentibus ; si quid verò temporis supersit , dubia proponantur ; ut autem supersit , Magister argumentandi formam severe tueatur , & cum novi nihil affertur , præcidat argumentum .

13. Sub finem anni ita instituendæ erunt ^a præteritarum lectionum repetitio- Repetitiones generales . nes , ut , nisi quid obstet , mensis integer ^a P. 4. c. 13. §. 3. & D. vacuus ab illis etiam , non solum à lectionibus , relinquatur .

14. ^b In sabbato , aliove , quem Academiæ consuetudo exigit , die habeant in scholis disputationes per duas horas ; longiores etiam , ubi sint magni extenuorum concursus . Quod si quam in hebdomadam duo festi dies , vel cum festo uno hebdomadaria vacatio incidat , non disputetur , sed legatur sabbato : id vero si tribus continuaretur hebdomadis , una interponatur disputatio .

15. Ubi receptus Academiæ mos nihil obstat , singulis , præter tres menses aestivos ultimos , aut (si pauci sint auditores) alternis mensibus ^c communes certo aliquo die disputationes , tum ante , tum post meridiem habeantur : quot fuerint Magistri , totidem auditores de-

g 3 fen-

fendant, singuli singulorum Magistrorum quæstiones.

*Argumenta,
qui resumant*

16. Intersint disputationibus, quoad ejus fieri potest, alii quoque Doctores nostri, Professoresque, licet diversarum facultatum: qui, quo magis concertatio fermeat, argumentorum, quæ agitantur, vim urgeant: modo ne prosequendum suscipiant argumentum, cui utiliter, ac strenue adhuc argumentans insistit. In ipsum præstare liceat externis etiam Doctoribus, atque adeo ad argumentandum ex instituto, nisi ea consuetudo alicubi minus probetur, invitari possunt.

*Non dispu-
tent, nisi do-
ctiores.*

17. Ex auditoribus publicè non disputent, nisi doctiores; ceteri privatim exerceantur, quoad ita instructi sint, ut eo loco non putentur indigni.

*Disputationis
cura.*

18. Existimet disputationis diem non minus esse laboriosum, fructuosumque, quam lectionis, omnemque disputationis utilitatem, ac fervorem à se penderet: cui ita præsit, ut ipse videatur esse, qui in utroque concertatore concertet: collaudet, si quid afferatur boni, & attendere omnes jubeat: cum gravior aliqua proposita fuerit difficultas, suggerat subinde breve aliquid, quo vel fulciat respondentem, vel argumentantem dirigat: neque diu taceat, neque semper loquatur,

ut

ut ipsi etiam discipuli promant, quod sciunt; ipse vero, quod de promptum fuerit, emendet, aut expoliat: disputantem progredi jubeat, dum difficultas vim obtinet; immo augeat ipse difficultatem; nec dissimulet, si is, qui argumentatur, prorepserit ad aliud argumentum: non patiatur, vel argumentum pene solutum longius urgeri, vel responsionem non bene constantem diu sustineri; sed post aliquam concertationem rem totam breviter definiat, & explanet. Si quid denique aliud uspiam in usu est, quo disputationes reddi soleant frequentiores, ac ferventiores, id sedulo retinendum.

19. Cum Adjutore, seu Bidello a Re-
ctore constituto agat interdum, eumque
de totius classis statu, & de externorum
etiam auditorum diligentia, ac profectu
percontetur; detque operam, ut idem suo
munere fideliter, & accurate fungatur.

20. Sit denique in omnibus, Divina Profectus stu-
aspirante Gratia, ^a diligens, & assiduus; ^{dentium.}
& profectus studentium tum in lectioni- ^{a P. 4. cap. 6.} §. 6.
bus, tum in aliis litterariis exercitatio-
nibus studiosus: non uni se magis, quam
alteri familiarem ostendat: contemnat
neminem; pauperum studiis æque, ac
divitum prospiciat; ^b profectumque unius- ^{b P. 4. c. 13.} §. 3.
cujusque e suis scholasticis speciatim pro-
curet.

REGULÆ

PROFESSORIS

SAGRÆ SCRIPTURÆ.

Præcipua sensus litteralis cura.

a P. 4. cap. 6.
§. 5.

Et Vulgatæ
Editionis.

Phrases Sacræ
Scripturæ ob-
servandæ , &
inter se con-
ferendæ .

Hebræus Græ-
cæ usve textus

I. Intelligat suas præcipue partes esse, Divinas Litteras juxta germanum, litteralemque sensum, qui rectam in Deum fidem, bonorumque morum instituta confirmet, pie, docte, graviter explicare.

2. Inter cetera, ad quæ ejus intentione feratur, illud præcipuum sit, ut Versionem ab Ecclesia approbatam defendat.

3. Eum sensum ut assequatur, locutiones, ac figuræ Sacrarum Scripturarum proprias observet: nec modo loci, quem in manibus habet, antecedentia, & consequentia; sed alia quoque loca, in quibus eadem phrasis idem, aut non idem valeat, solerter inter se conferat.

4. Ex Hebræis, Græcisque exemplaribus, quod usui fuerit, in eam rem proferat, breviter tamen; nec, nisi cum vel ipsorum, Latinæque Editionis Vulgatae aliqua diversitas conciliationis indiget, vel aliarum linguarum idiotismi ad maiorem conferunt sive perspicuitatem, sive significationem.

5. Alia-

5. Aliarum Versionum sive Latinarum recentiorum, sive Chaldaicæ, Syriacæ, Theodotionis, Aquilæ, Symmachi, nec errores, nisi & insignes, & in speciem probabiles suscipiat retellendos; nec ea vicissim prætereat, quæ Latinæ Editioni Vulgatæ, Fideique nostræ misteriis valde faveant, præsertim si fuerint apud Septuaginta Interpretes, de quibus honorifice semper loquendum est.

6. Si quem litteralem cujuspiam loci sensum esse significant Pontificum, seu Conciliorum, præsertim Generalium, Canones; eum omnino litteralem esse defendat, nec alios præterea litterales addat, nisi eximiis adductus conjecturis. Si quem etiam ad aliquod Fidei Dogma confirmandum ex instituto proferunt: eum quoque sensum, aut litteralem, aut mysticum, certum tamen esse doceat.

7. Sanctorum Patrum vestigiis reverenter insistat; inter quos si de uno aliquo sensu litterali, vel allegorico conveniat, præsertim dum disertis verbis loquuntur, & ex proposito de Scripturis, aut de Dogmatibus disputant, ab eo non recedat; si non conveniat, ex eorum variis expositionibus eam præferat, in quam a multis jam annis Ecclesia magno consensu videtur propensior.

8. Quin

Fidei dogmata
sacris litteris
confirmanda.

8. Quin etiam, si quod est Fidei Dogma,
quod fere quamplurimi Patres, aut Theo-
logi è Scripturis probare contendunt, id
ipse probari inde posse non neget.

Rabbinis au-
ctoritas non
concilianda.

9. Si quid sit in Hebræorum Rabbinis,
quod vel pro Latina Editione Vulgata, vel
pro Catholicis Dogmatibus utiliter possit
afferri: id ita afferat, ut illis propterea
non conciliet auctoritatem, ne ad eos ali-
qui afficiantur, præsertim si fuerint ex
iis, qui post Christi Domini tempora
scripserunt.

In rebus, aut
erroribus Rab-
binorum non
laborandum.

10. In ceteris Rabbinorum rebus con-
quirendis, aut etiam erroribus exagitan-
dis, nisi valde celebres sint, non labo-
ret: idemque servet in legendis quibus-
dam Christianis Interpretibus, qui plus
nimio Rabbinos secuti sunt.

Non admo-
dum punctis
binorum inventum est
edendum.

11. Immo neque punctis (quod Rab-
binorum inventum est) confidat admo-
dum; sed diligenter expendat, quomodo
noster, vel Septuaginta, vel antiqui In-
terpretes alii legerint, cum puncta non
essent.

Brevitatis stu-
dium.

12. In quolibet Scripturæ loco, nisi
magnum sit & moræ, & operæ pretium,
non hæreat nimium, ne lenti fiant pro-
gressus: quod maximè consequetur, si
faciliora percurrat, vel etiam omittat.

13. Quæ-

13. Quæstiones Sacrarum Scriptura-
rum proprias scholastico more non tra-
ctet.

Quæstiones
scholastico
more non tra-
ctandæ.

14. In varia temporum ratione perve-
stiganda, in perscrutandis terræ sanctæ
locis, aut in hujusmodi aliis parum utili-
bus rebus, nisi locus ipse id exigat neces-
sario, non multum temporis ponat; Au-
ctores, qui de his copiose disserunt, sa-
tis erit indicare.

Chronologię,
& his simili-
bus non im-
morandum.

15. Allegorias, & moralia, si pervul-
gata non sint, & in sensu ipso literali
quodammodo nata videantur, atque in-
geniosum, ac perspicax aliquid præsefe-
rant, ne prætermittat: quæ ejusmodi
non fuerint, significet tantum, quibus
ex Patribus deponi possint.

Nec allego-
riis, & mora-
libus.

16. Si quem incidat in locum, vel no-
bis cum Hæreticis controversum, vel in
Theologicis concertationibus in utram-
que partem jactari solitum: exponat tan-
tum, graviter tamen, & strenue, præ-
sertim si adversus Hæreticos agat, quan-
tum is locus ponderis habeat ad eam quæ-
stionem definiendam; omittat cetera:
ut instituti sui memor, nihil aliud, quam
Sacras Litteras docere videatur.

Nec contro-
versiis.

17. Novum, & Vetus Testamentum, Novum, &
nisi aliud interdum satius esse judicetur, Vetus Testa-
mentum al-
ternis annis explicet.

mentum al-
ternis.

18. In-

108 REG. PROF. SAC. SCRIPT.

Quotannis
novus liber
prælegendus.

Repetit., &
lect. dome-
sticæ.

Prælectiones
publicæ.

18. Inchoatum uno anno librum non
extrahat in alterum, nisi gravem ob cau-
sam : immo ad eundem librum interpre-
tandum ne recurrat, nisi post explicatam
majorem partem præcipuorum librorum.

19. Præter repetitiones domi semel in
hebdomada, lectiones etiam in Refecto-
rio interdum, ut Rector præscripserit,
habeantur.

20. Loco ordinariæ lectionis designe-
tur interdum ex discipulis aliquis, qui
ornate, & copiose locum aliquem è Sa-
cris Litteris celebriorem explicet : contra
quem, ubi absolverit, ex condiscipulis
unus, aut alter argumentetur, non aliun-
de tamen, quam ex variis sive Sacræ
Scripturæ locis, sive linguarum Idiotis-
mis, sive Patrum interpretationibus.



RE-

REGULÆ

PROFESSORIS

LINGUÆ HÆBREÆ.

1. Nihil antiquius habeat, quam ut Interpretandi prima ipsa Sanctæ Scripturæ verba per fidelitas. quam integra fide interpretetur.

2. Inter cetera, ad quæ ejus intentio Vulgatæ defensio. deferatur, illud sit, ut Versionem ab Eccllesia approbatam defendat.

3. Initio anni prima Grammaticæ rudimenta explicet: deinde, dum reliquas Grammatica sacro textui prosequitur institutiones, aliquem Sacrae Scripturæ Librum ex facilioribus ex-jungenda. planet.

4. Dum Sacros Libros interpretatur, Præcipua cura non tam in rebus, ac sententiis expendendis labore, quam in vi, ac potestate verborum, ac propriis ejus linguæ idiotismis, & in Grammaticæ præceptis juxta germanum Auctorum usum observandis.

5. Ita denique se gerat in docendo, Linguæ peregrinitas, & asperitas ea, qua non nullis linguæ hujus studium laborare videa, gricitas industria molleia, detur, sua industria leniatur.

RE-

R E G U L Æ
P R O F E S S O R I S
S C H O L A S T I C Æ T H E O L O G I Æ .

Finis.

I. **S**ui muneris esse intelligat solidam disputandi subtilitatem ita cum orthodoxa fide , ac pietate conjungere , ut huic in primis illa deserviat .

a P. 4. c. 14. 2. a Sequantur Nostri omnino in Scholastica Theologia doctrinam Sancti Tho-
grec. can. 9. & dect. 55. & mæ , eumque ut Doctorem proprium ha-
72° beant , ponantque in eo omnem operam ,
S. Thomas sequendus . ut auditores erga illum quamoptime affi-
ciantur . Non sic tamen S.Thomæ adstri-
cti esse debere intelligantur , ut nulla
prorsus in re ab eo recedere liceat : cum
illi ipsi , qui se Thomistas maxime pro-
fitentur , aliquando ab eo recedant , nec
arctius Nostros Sancto Thomæ alligari
par sit , quam Thomistas ipsos .

b 5. Congreg. 3. b Ergo de Conceptione B. Mariæ ,
decr. 55. ac de solemnitate Votorum sequantur sen-
Cum qua ex- tentiam , quæ magis hoc tempore com-
cēptione . munis est , magisque recepta apud Theo-
c Ibo dect. 72. logos : & in c quæstionibus mere philo-
sophicis , aut etiam in iis , quæ ad Scri-
pturas , & Canones pertinent , licebit

se-

PROF. SCHOL. THEOL. III

sequi etiam alios , qui eas facultates magis ex professo tractaverunt .

4. ^a Si quando , vel ambigua fuerit ^{a Ib. dec. 55.}
S. Thomæ sententia , vel in iis quæstionibus , ^{In dubiis utramvis partem sequi licet.} quas Sanctus Thomas forte non attigit , Doctores Catholici inter se non consenserint , licebit quamcumque partem sequi , ut dictum est in Regulis Communibus Regula quinta .

5. ^b In docendo corroborandæ primum ^{b Ib. dec. 55.}
Fidei , alendæque Pietatis cura habeatur . ^{Fidei , & pie- tatis cura .}
Quare in iis quæstionibus , quas Sanctus Thomas ex professo non tractat , nemo quidquam doceat , quod cum Ecclesiæ sensu , receptisque traditionibus non bene conveniat , quodque aliquo modo solidæ pietatis firmitatem minuat . Quo pertinet , ut nec receptas jam , quamvis congruentes tantum rationes , quibus Fidei res probari solent , refellant ; nec temere novas excogitent , nisi ex constantibus , solidisque principiis .

6. ^c Quæ opiniones , cujuscumque Authoris sint , in aliqua Provincia , aut Academia Catholicos graviter offendere scientur , eas ibi non doceat , aut defendat . Ubi enim nec Fidei doctrina , nec morum integritas in discrimen adducitur , prudens caritas exigit , ut nostri se illis accommodent , cum quibus versantur .

7. Qua-

Quadriennio
cursus absolu-
vendus.

Quæstionum
divisio.

7. Quadriennio totus Theologiæ cur-
sus absolvendus. Si ergo duo fuerint Scho-
lasticæ Theologiæ Professores,

§. 1. Primus 43. quæstiones ex prima
parte explicet primo anno : Secundo an-
no materiam de Angelis : atque unam,
& viginti quæstiones ex prima secundæ :
Tertio anno a quæstione 55. vel 71. ad
finem primæ secundæ ; Quarto anno ex
secunda secundæ materiam de Fide, Spe,
& Caritate .

§. 2. Alter Professor primo anno ex-
planet ex secunda secundæ quæstiones
de Justitia, & Jure, & præcipua quæ-
dam de Religione : Secundo ex tertia par-
te quæstiones de Incarnatione, &, si po-
test, graviora saltem quædam explicet de
Sacramentis in genere : Tertio de Baptis-
mo, & Eucharistia, &, si quid potest,
de Ordine, Confirmatione, Extrema Un-
ctione : Quarto de Poenitentia, & Ma-
trimonio .

§. 3. Ubi vero tres erunt Theologiæ
Professores, primus primo anno expo-
nat 26. quæstiones ex prima parte : Se-
cundo reliquas ejusdem partis quæstiones
quascumque poterit : Tertio ex prima
secundæ quidquid poterit ante quæstio-
nem 81. Quarto anno reliquum primæ
secundæ .

§. 4. Al-

§. 4. Alter primo anno ex secunda secundæ controversias de Scriptura , de Traditionibus , de Ecclesia , de Concilio , de Romano Pontifice : Secundo quæstiones de Fide , Spe , & Caritate : Tertio quæstiones de Justitia , & Jure , de Restitutione , & Usura , de Contractibus , quantum potest : Quarto si quæ de Contractibus superfuerant , & quæ de Religione , ac Statibus disputat S. Thomas .

§. 5. Tertius primo anno quæstiones de Incarnatione : Secundo de Sacramentis in genere , de Baptismo , & Eucaristia : Tertio de Poenitentia , ac Matrimonio : Quarto de Censuris Ecclesiasticis , & de reliquis Sacramentis .

8. Ex quæstionibus autem, quæ sibi Cujusque anni
explanandæ fuerint, singulas intra annum, cui adscriptæ sunt, absolvat: si
quas non poterit, prætermittat omnino, nec alium in annum rejiciat; sed auditores ad certum aliquem Auctorem remittat.

9. Ut autem facilius in Theologia scholastica hujusmodi progressus faciant, par est, ut a quibusdam rerum generibus abstineant, quoad ejus fieri poterit: sunt autem in primis haec quatuor.

§. i. Unum genus quæstiones , aut A sacrae sci-
commentationes Divinarum Scriptura- ptutæ propriis.

rum proprias complectitur. Has concedant Interpreti Scripturarum.

A controversiis.

§. 2. Alterum genus in Controversiis adversus Hæreticos positum est : in quibus pertractandis, quoties in Sancti Thomæ partibus occurrerint, servent scholasticam potius, quam historicam rationem ; & satis esse putent conclusionem quamlibet duobus, aut tribus firmis munire fundamentis ; diluere etiam totidem fere præcipuas Hæreticorum calumnias : in singulis tamen indicent Auctorem aliquem, ex quo cetera promere possit, qui velit.

A philosophicis.

§. 3. In tertio genere sunt philosophicæ res, quas haudquaquam ex instituto tractent, nec tam disputent, quam vel ab aliis, vel a se explicatas indicent.

A casibus conscientiæ.

§. 4. Ad quartum genus pertinent Conscientiæ Casus. In quo generalibus quibusdam rerum moralium principiis, de quibus disputari Theologico more solet, contenti subtiliorem illam, ac minutiorum prætereant Casuum explicationem.

Eadem non interanda.

10. Si quando S.Thomas eamdem difficultatem in plures distrahit articulos, præsertim diversarum quæstionum : ne idem duobus repetatur locis, poterunt vel in unam disputationem, vel etiam, si res ipsa longiorem non exigat explicationem,

nem, in compendium articulos illos redigere; modo nihil prætereant, quod in articulis singulis observatione dignum sit.

11. Faciles percurrent articulos. Ita que prælecto titulo, mox vel indicent breviter conclusionem S. Thomæ, vel dicant, S. Thomas respondet negando, vel affirmando. In difficilioribus vero progrediantur hoc fere modo, atque ordine. Explicetur primum articuli titulus, si quid habet obscuritatis: tum exponatur distinctio, si qua est, ex cujus membris Conclusiones nascuntur: mox Conclusio primaria S. Thomæ, atque aliæ deinceps ponantur; singulisque Conclusionibus, nisi perspicuæ sint, adjiciatur aliqua ejusdem ratio: quæ etiam ita explicetur, ut intelligent auditores in distinctionibus, ac rationibus S. Thomæ majorem inesse vim, quam prima fronte aliquando videatur.

Art. S. Thomæ
quomodo ex-
plicandi.

12. Explicato quolibet articulo, si res exigat, quæstionem instituat: non tamen longiorem ullum tractatum, nisi in iis materiis, quæ vel in S. Thoma non habentur, vel habentur quidem, sed utilius explicantur compendio.

Longiores tra-
ctatus non in-
stituendi.

13. Non satis est Doctorum senten-
tias referre, & suam reticere: sed de-

Aut defenden-
dus S. Thom.
aut qu. omis-
fen-tenda.

116 REGULÆ PROFESS. &c.

fendat opinionem Sancti Thomæ , ut dictum est, vel quæstionem ipsam omittat .

Dissertationes
disputationes
dictationes
dictiostrue .

14. In disputationibus menstruis, quibus totidem defendant, quot fuerint Præceptores , terni fere ante meridiem argumententur, totidem post meridiem , qui libet adversus omnes defendantes : & quidem , si nihil impediat , qui mane responderit primo loco , a prandio secundo respondeat .



RE-

REGULÆ
PROFESSORIS
CASUUM CONSCIENTIÆ.

1. **E** o suam omnem operam, atque Fialis.
industriam conferre studeat, ut peritos
Parochos, seu Sacramentorum Admini-
stratores instituat.

2. Unus Professorum biennio explicit Quæsiō quā
distributio.
Sacra menta omnia, & Censuras, & præ-
terea hominum status, atque officia: al-
ter biennio item Decalogum, in cuius se-
ptimo præcepto ager de Contractibus,
semper leviter attingendo, quæ minoris
momenti, aut non ita propria esse vi-
deantur, v. g. de Depositione, Degrada-
tione, Magia, & alia hujusmodi.

3. Etiamsi a Theologicis rebus, quæ A Theologi-
cis quædam
abstineadū.
vix ullam habent cum casibus necessariam
connexionem, penitus abstinere neces-
se sit: æquum tamen est interdum Theo-
logica quædam, a quibus Casuum doctri-
na pendet, brevissima definitione per-
stringere, ut quid character, & quotu-
plex sit; quid peccatum mortale, aut ve-
niale; quid consensus, & horum si-
milia.

h 3

4. Gi-

118 REG. PROFESSORIS

Quæstionum
ratio, & mo-
dus.

4. Citra scholasticum apparatus una-
quæque difficultas evolvatur per dubitatio-
nes, & conclusiones: in quibus confir-
mandis seligantur ad summum duæ, tres-
ve rationes, nec plus æquo auctoritates
coacerventur: unicuique autem generali
præcepto, seu regulæ subjiciantur, exem-
pli gratia, tres circiter peculiares Casus.

Probabilis o-
pinio opp. si-
gnifican.

5. Ita suas confirmet opiniones, ut si
qua alia fuerit probabilis, & bonis Aucto-
ribus munita, eam etiam probabilem es-
se significet.

Hebdomada-
ria disputatio-

6. Quolibet sabbato, prætermissa le-
ctione per duas horas, vel aliquanto mi-
nus, pro arbitrio Provincialis, & disci-
pulorum numero, de propositis conclu-
sionibus disputetur in schola coram Ma-
gistro: in ea vero disputatione interro-
gationibus potissimum agatur, ut vel
exigatur explanatio alicujus difficultatis;
vel novus Casus, mutata circumstantia
aliqua, proponatur; vel alicui conclusio-
ni opponatur Canon, seu Doctor ex pri-
mariis; seu nonnulla brevis argumenta-
tio, quo res plus habeat dignitatis; tem-
peratè tamen, & longè infra philosophi-
cam consuetudinem.

Domesticæ
collationis
forma.

7. Si ipse domesticæ Casuum collatio-
ni a Rectore ex Provincialis præscripto
præficiatur, hunc ordinem teneat. Pri-
mum

CASUUM CONSCIENTIÆ. 119

mum materiam aliquam , de qua disserendum sit , proponat , & interdum etiam aliquid pertinens ad usum , ut de modo interrogandi poenitentem , remedia , ac poenitentias imponendi , & horum similibus ; deinde ejus materiæ præcipua capita , ac fundamenta ipsem aperiat breviter , ut generalem quamdam notitiam , ac tamquam lucem in omnes illius tractationis partes præbeat ; tum de proposita materia tres , quatuorque Casus seligat , quos in collationum loco jubeat affigi , notato die , quo exutiendi sint .

8. De his Casibus propositis consulant Privatum studium. aliqui privato studio singuli singulos Autores a Præside distributos .

9. Postquam convenerint , primum utile esset a singulis , quid suus Doctor habeat , quam brevissime referri ; tum qui præest , interroget fere tres (quos satius est tempestive præmoneri , & vicissim variari), quid sentiant de primo Casu ; postea ex his , quæ dicta sunt ab illis , colligat ipse doctrinam tutiorem , & probabiliorem : eodem deinde ordine Casum secundum , & reliquos deinceps eadem ratione exutiat . Illis Gasibus sic explicatis , a Præside quam brevissime , & eo modo , qui servandus est in disputacionibus Gasuum , proponantur iisdem de

*Exponendæ,
& disputandæ
sententiaz.*

120 REG. PROFESSORIS &c.

rebus dubitationes ; respondentे uno ex præmonitis , & ipso tandem , quid sentiendum sit , ad extremum edocente .

Extraordina-
ria collatio-
num materia.

10. Si quid vero alicui occurrat extra ordinariam harum collationum materiam : deferatur , si nihil obstat , ad Præsidem , ut in proxime futura collatione agitetur .



RE-

REGULÆ

PROFESSORIS PHILOSOPHIÆ.

1. **Q**uoniam ^a artes , vel scientiæ ^{P. 4. c. 12.}
 naturales ingenia disponunt ad ^{§. 3. & 3.}
^{Cong. can. 9.} Theologiam , & ad perfectam cognitio- Finis .
 nem , & usum illius inserviunt , & per
 se ipsas ad eundem finem juvant : eas ,
 qua-diligentia par est , Præceptor in om-
 nibus sincere honorem , & gloriam Dei
 quærendo , ita tractet , ut auditores suos ,
 ac potissimum nostros ad Theologiam
 præparet , maximèque ad cognitionem
 excitet sui Creatoris .

2. In rebus alicujus momenti ^b ab Ari- ^{b P. 4. c. 14.}
 stotele non recedat , nisi quid incidat ^{§. 3. & 5.}
^{Cong. de. 55.} doctrina , quam Academiæ ubique pro- Sequendus A-
 bant , alienum ; multo magis si Orthodoxæ ristoteles , sed
 Fidei repugnet : adversus quam , si quæ quatenus .
 sunt illius , aliisque Philosophi argu-
 menta , strenue refellere studeat juxta
 Lateranense Concilium .

3. ^c Aristotelis Interpretēs male de christiana Religione meritos non sine ma-
 gno delectu , aut legat , aut in scholam proferat ; caveatque , ne erga illos affi- ^{c 3. Cong. ca-}
^{8. & 5. Cong.}
^{decr. 55.} Auctores malè
 de christiana
 Fide meriti .

4. Eam

a 5. Cong. de.
55.
Averrois.

4. a Eam ob rem nec Averrois (idem de ejusmodi aliis judicium) digressiones in separatum aliquem tractatum conferat; &, si quid boni ex ipso proferendum sit, sine laude proferat, &, si fieri potest, id eum aliunde sumpsisse demonstret.

Nulli sectæ
adhærendum.

5. Nulli sectæ, ut Averroistarum . Alexandræorum, & similium vel se, vel suos addicat : nec Averrois , aut Alexandri , aut ceterorum errata dissimulet : sed inde acrius deprimat eorum auctoritatem .

S. Thomas.

6. Contra vero de Sancto Thoma numquam non loquatur honorifice : libentibus illum animis, quoties oporteat, sequendo : aut reverenter, & gravate, si quando minus placeat, deserendo .

b P. 4. c. 15.
§. 2.

Philosophiæ cursus non minor trien- nius quam triennio prælegat, idque binis quotidie horis , antemeridiana una , altera pomeridiana , nisi aliter in aliqua Universitate constitutum sit .

Quando ab solvendus .

8. Ac proinde nusquam cursus absolvatur , antequam venerint , aut valde proximæ sint vacationes , quæ sub anni finem dari solent .

Quæ primo anno tradenda, vel omit- tenda.

9. §. 1. Explicit primo anno Logicam, ejus Summa primo circiter bimestri tradi- ta , non tam dictando , quam ex Toleto , seu Fonseca , quæ magis necessaria vi- debuntur, explicando .

§. 2. In

§. 2. In Prolegomenis Logicæ disputer tantum, an sit scientia, & de quo subje-
cto, & pauca quædam de secundis inten-
tionibus: plenam de Universalibus di-
putationem differat in Metaphysicam,
contentus hic mediocrem quamdam eorum
notitiam tradere.

§. 3. De Prædicamentis etiam facilio-
ra quædam proponat, quæ fere attingun-
tur ab Aristotele, cetera in postremum
rejiciat annum: de Analogia tamen, &
Relatione, quoniam frequentissime in di-
putationes cadunt, quantum satis est,
agat in Logica.

§. 4. Librum secundum Periherme-
nias, & ambos Priorum libros, præter
octo, vel novem prima capita primi,
compendio percurrat: exponat tamen pro-
prias illorum quæstiones: brevissime ve-
ro eam, quæ est de Contingentibus, in
qua nihil de libero arbitrio.

§. 5. Atque, ut secundus annus inte-
ger rebus physicis tribuatur; in fine pri-
mi anni plenior instituatur disputatio de
scientia, in eamque conjiciantur prolego-
mena Physicæ maxima ex parte, ut scien-
tiarum divisiones, abstractiones, specu-
lativum, practicum, subalternatio, di-
versus quoque procedendi modus in phy-
sicis, & mathematicis, de quo Aristote-
les

les lib. 2. Physicorum , demum quidquid de Definitione dicitur lib. 2. de anima .

§. 6. Ex Topicis vero , & Elenchis loci , & fallaciæ commodiorem in ordinem redactæ melius explicantur initio Logicæ in Summa .

Quæ secundo. 10. §. 1. Secundo anno explicit libros octo Physicorum , libros de Cœlo , & primum de Generatione . In octo libris Physicorum compendio tradatur textus libri sexti , & septimi , etiam primi ex ea parte , quæ est de antiquorum opinioribus . In octavo libro nihil disseratur de numero Intelligentiarum , nec de Libertate , nec de Infinitate Primi Motoris ; sed hæc in Metaphysicis disputentur , & quidem solum ex sententia Aristotelis .

§. 2. Textus secundi , tertii , quarti de Cœlo breviter perstringantur , magna etiam ex parte prætereantur . In his libris non tractentur , nisi paucæ de Elementis quæstiones ; de Cœlo autem dumtaxat de ejus substantia , & de influentiis : ceteræ Mathematicæ Professori relinquantur , vel conferantur in compendium .

§. 3. Meteorologica vero percurrantur æstivis mensibus ultima pomeridiana scholæ hora , idque sive ab ordinario , si possit , Philosophiæ Professore , sive ab extraordinario , nisi aliter fieri commodus videretur .

II. §. 1.

11. §. 1. Tertio anno explanabit librum secundum de Generatione, libros de Anima, & Metaphysicorum. In primo libro de Anima veterum placita Philosophorum summatim percurrat. In secundo, expositis sensoriis, non digrediatur in Anatomiam, & cetera, quæ Medicorum sunt.

§. 2. In Metaphysica quæstiones de Deo, & Intelligentiis, quæ omnino, aut magnopere pendent ex veritatibus Divina Fide traditis, prætereantur. Proœmium, ac septimi, & duodecimi libri textus magna ex parte diligenter explicetur: in ceteris libris seligantur ex unoquoque quidam præcipui textus, tamquam fundamenta quæstionum, quæ ad Metaphysicum pertinent.

12. Summopere conetur Aristotelicum textum bene interpretari, in eoque nihil minus operæ, quam in quæstionibus collocet. Auditoribus etiam persuadeat mutilam valde, ac mancam futuram Philosophiam eorum, quibus id studii in pretio non sit.

13. Quoties incidit in textus aliquos admodum celebres, & jactari sæpe solitos in disputationibus, eos accurate perpendat, illustrioribus aliquot interpretationibus inter se collatis, ut, quæ qui-

Textus Ari-
stotelis maxi-
mi faciendus

bus anteferenda sit , ex antecedentibus , & consequentibus possit intelligi , vel ex vi græci sermonis , vel ex aliorum locorum observatione , vel ex insigniorum Interpretum auctoritate , vel denique ex momentis rationum . Tum demum veniatur ad dubitatiunculas quasdam non nimium exquirendas quidem , sed , si cuius momenti sint , non omittendas .

Quæstionum 14. Magnum etiam quæstionum delectus , & ctum habeat : & eæ quidem , quæ non ex ipsa Aristotelis disputatione nascuntur , sed ex occasione cujuspiam axiomaticis , quod is obiter inter disputandum usurpat , si aliis in libris proprium locum habent , eo rejiciantur ; sin minus , continuo post textum ipsum , in quo se obtulerint , explicentur .

Quæstiones 15. Quæstiones vero , quæ per se ad textui interse- materiam , de qua disputat Aristoteles , rendæ . pertinent , ne tractentur ante explicatos textus omnes ad propositam rei summam pertinentes ; si quidem plures textus hi non sint , quam ut una , aut altera lectio- ne possint exponi . Sin autem excurrant longius , ut qui sunt de Principiis , de Causis , de Motu , in his , nec fusiores tractatus habeantur , nec totus Aristote- lis contextus quæstionibus anteponatur ; sed cum illis ita conjungatur , ut post ali-

aliquam textuum seriem quæstiones aliquæ, quæ ex illis existant, interserantur.

16. ^a Absolutis lectionibus, aliqui inter se audita recolant per semihoram, circiter deni, uno aliquo ex condiscipulis e Societate, si fieri potest, singulis decuriis præposito.

17. Disputationes menstruæ fiant, in quibus argumententur non pauciores, quam tres mane, totidem a prandio: primus quidem per horam, ceteri vero per ternos circiter quadrantes. Et mane quidem primo loco disputet Theologus aliquis (si Theologorum suppetit copia) contra metaphysicum, contra physicum metaphysicus, physicus contra logicum; sed a prandio metaphysicus cum metaphysico, physicus cum physico, logicus cum logico. Mane item metaphysicus, a prandio physicus unam, aut alteram ^b conclusionem confirmabit breviter, & philosophice.

18. Quo tempore Summam Logicæ præceptor tradit, nec ipse, nec ejus auditores ad has disputationes conveniunt. Immo prima, aut altera circiter hebdomada Logici nihil disputent, una fere rerum explanatione contenti: ex quo tempore poterunt in sua classe defendere theses aliquas die sabbati.

19. Ubi

^a P. 4. c. 13.

§. 3.

Repetitio in scholis.

^b P. 4. cap. 6.

§. 10.

Disputationes
solemnes.

19. Ubi non est, nisi unus Philosophiæ Magister, ter, aut quater in anno instituat solemniores aliquas disputationes festo, alioque feriato die; idque eo splendore, atque apparatu, invitatis etiam Religiosis, aliisque Doctoribus ad argumentandum, ut ex ea re studiis nostris non infructuosus aliquis fervor accedat.

Formæ ratio
in disputando.

20. Sic ab ipso Logicæ initio juvenes instituantur, nihil ut eos magis pudeat in disputando, quam a formæ ratione deflexisse: nihil ab illis severius exigat Præceptor, quam disputandi leges, ac statas vices. Itaque, qui respondet, repeatat primum totam argumentationem, nihil ad singulas propositiones respondendo; tum iterum propositiones, addatque. Nego, vel Concedo majorem, minorem, consequentiam; interdum etiam distinguit; raro autem vel declarationes, vel rationes, præsertim invitis, obtrudat.



RE-

REGULÆ

PROFESSORIS

PHILOSOPHIÆ MORALIS.

I

1. Intelligat sui instituti nequaquam **Officium** esse ad Theologicas quæstiones digredi ; sed progrediendo in textu breviter , docte , & graviter præcipua capita Scientiæ Moralis , quæ in decem libris Ethicorum ^a Aristotelis habentur , explicare .

2. Ubi ab ipsomet philosophici cursus Professore Ethica prælegi non solent , exponat , qui Ethica tradit , metaphysicis graviores hujus scientiæ quæstiones ; idque per tres quadrantes quotidie , aut semihoram .

3. Ethicæ repetitiones saltem decimo quinto quoque die habeantur , quo tempore Rector statuerit : etiamsi ob eam causam una esset metaphysica repetitio prætermittenda .

4. Cum metaphysicæ auditores , vel **Conclusiones** domi privatas , vel in schola menstruas habent disputationes ; propositionem aliquam Ethicam conclusionibus semper adjungant , adversus quam per quadrantem metaphysicus disputet , qui argumentatur.

^a P. 4. c. 14.
§. 3.

Tempus hujus
lectionis .

Repetitio .

REGULÆ

PROFESSORIS

MATHEMATICÆ.

PQui Auctores, 1. hysicæ auditoribus explicet in quo tempore, schola tribus circiter horæ quadrantibus quibus expli- Euclidis elementa : in quibus, postquam per duos menses aliquantis per versati fuerint, aliquid Geographiæ, vel Sphæ-
a P. 4. c. 12. C. ræ^a, vel eorum, quæ libenter audiri solent, adjungat : idque cum Euclide, vel eodem die, vel alternis diebus.

Problema. 2. Singulis, aut alternis saltem mensibus ab aliquo auditorum magno Philosophorum, Theologorumque conventu illustre problema mathematicum enodandum curet ; posteaque, si videbitur, argumentandum.

Repetitio. 3. Semel in mense, idque fere die sabbati, prælectionis loco præcipua quæque per eum mensem explicata publice repeatantur.

RE-

REGULÆ

PRÆFECTI STUDIORUM.

Præfecti munus est ^a generale ^{a P. 4. c. 17.} Rectoris instrumentum esse ad studia re- ^{§. 2.} Præfecti mu- cte ordinanda , scholasque nostras ita re- nus . gendas , ac moderandas pro facultate ab eo accepta , ut qui eas frequentant , quam- maxime in vitæ probitate , ac bonis arti- bus , doctrinaque proficiant ad Dei Glo- riam .

2. Sicubi forte Cancellarius est a Præ- ^{Quæ Præfecti ,} fecto distinctus , Provincialis erit videre , ^{qua Cancella-} rii regulæ . quænam ex his regulis , utrique commu- nes , vel alterutri propriæ esse debeant pro cujusque Academizæ consuetudine , & statutis .

3. Nihil immutet ex iis , quæ haben- ^{Præfectus non} tur in Ordine studiorum , neque dispen- ^{dispenset .} set ; sed , ubi opus est , referat ad Su- riorem .

4. Librum de Ratione studiorum fami- ^{Liber de Ra-} liarem habeat , & ab auditoribus , Pro- ^{tione studio-} fessoribusque omnibus regulas sedulo cu- rum . ret observandas ; præcipue vero eas , quæ de Doctrina Sancti Thomæ Theologis , & de delectu opinionum Philosophis præ- scribuntur ; in quo præsertim invigilet ,

cum Conclusiones defendendæ ; maxime vero cum imprimendæ erunt .

Professores
materias ab-
solvant .

5. Unicuique ex Professoribus tum Theologis , tum Philosophis , tum Gas- sistis , præsertim si quem paullo tardio- rem compererit , in memoriam revocet , ut progrediatur , ita ut singulis annis ma- terias sibi assignatas absolvat .

Disputationes quando mode- Professores sive Theologi , sive Philoso- randæ . phi conveniunt , Præfectus ^a præsit oportet , signumque det finiendi iis , qui dis- cap. 13. §. 3. sputant ; ac tempus sic distribuat , ut om- & c. 17. §. 2. nibus suus sit disputandi locus . Non pa- tietur difficultatem ullam , quæ in dispu- tationem veniat , ultro citroque sic agita- ri , ut non minus , quam antea incompre- hensa permaneat ; sed , postea quam de re quapiam fuerit concertatum , eam ab eo , qui præest , diligenter explicandam cu- ret . Neque enim argumenta solvet ipse , sed argumentantibus , & respondentibus potius moderabitur : idque majore cum dignitate præstabat , si non argumentan- do , (quamvis id aliquando deceat) sed interrogando faciet , ut difficultas magis explanetur .

De actibus
Theologicis .

7. Suo tempore in memoriam redigat Superiori , ut , auditis Praeceptoribus , statuat , quibusnam , sive totius Theolo- giae ,

giæ, sive partis alicujus Theses defendendæ sint: qui quidem actus ab his, quibus non est tribuendum recolendæ Theologiæ biennium, habendi sunt anno Theologici Studii quarto, aut (si æquo pauciores sint Theologi quarti anni) tertio; idque etiam, ubi Nostri domi Theologiam audiunt, externis invitatis, cum aliquo apparatu. Ad generales vero non necesse est, ut omnes admittantur, qui peculiares habuerunt; sed ii, qui ingenio, & facultate præstent, eligi poterunt: ii vero, qui habituri sunt biennium, biennio ipso actus suos celebrabunt, ut antea dictum fuit.

8. Ad peculiares autem actus, quos singuli singulos habebunt, materia ex quatuor Theologiæ partibus Præfectus cum Magistris distribuet: sed ita, ut non nimis frequenter, sed per intervalla quædam habeantur; ac duabus horis, & dimidiata minimum circumscribantur; nec nisi manè, vel a prandio tantum: & argumententur fere non pauciores, quam tres, quorum unus sit ut plurimum Doctor.

*De actibus
peculiaribus.*

9. Generales universam fere Theologiæ comprehendant, & antemeridianum videlicet, ac pomeridianum tempus occupent; vel certe ad quaternas, seu quinas horas producantur, ubi nonnisi

ma-

i 3

*De Generali-
bus:*

mane , vel a prandio disputari moris est .

Conclusiones imprimendæ. 10. Generalium horum actuum Conclusiones possunt , si videatur , esse communes nostris omnibus eodem anno defensuris , & publicis typis (si loci consuetudo ferat) excudi .

Certum conclusionum tempus . 11. Eorum , qui sunt hos actus habulti , unus in ultimam , si commode potest ; reservetur hebdomadam , qua studia finienda sunt ; alter in eam , qua scholæ rursus aperiendæ .

De actibus externorum . 12. Ad actus generales habendos aliqui quotannis invitentur externi , qui Theologiæ curriculum in nostro Gymnasio non exigua cum laude confecerint . Hujusmodi autem actus oportet esse ceteris solemniores , & quanto maximo nostrorum , externorum Doctorum , ac Principum etiam virorum conventu celebrari .

Actibus , qui præsideant . 13. Præsideant omnibus actibus Professores , vel alterni , vel simul ambo , ita , ut de suis uterque quæstionibus respondeat : præsidere etiam possunt alii Doctores nostri .

Conclusionum numerus . 14. In generalibus actibus conclusiones nec nimis longæ sint , nec plures ferre , quam quinquaginta ; pauciores , si publicus Academiæ mos aliter habeat . In peculiaribus vero actibus non plures , quam viginti ; quam duodecim , vel quin-de-

PRÆFECTI STUDIOR. 135

decim in menstruis disputationibus ;
quam octo , vel novem in hebdomadariis.

15. Responsurus conclusionem unam,
aut alteram breviter (antequam ad dispu-
tationem veniatur) paulo quidem orna-
tius , sed Theologico tamen more con-
firmet .

16. De menstruis , & hebdomadariis Disputationes
disputationibus servanda diligenter curet , menstruæ , &
quæ in Regulis Professorum Theologie ,
ac Philosophiæ præscribuntur .

17. Audiat aliquando Præceptores , Audiendi , &
minimum semel in mense ; interdum præceptores .
etiam commentarios legat a discipulis ex-
ceptos . Si quid animadversione dignum ,
vel ipse observaverit , vel audierit ab aliis ,
ubi id certo compererit , Præceptorem
perquam benigne , & comiter admoneat ;
remque totam ad Rectorem , si necesse
sit , deferat .

18. Idem servandum , cum in reco- Recognitio
gnoscendis conclusionibus aliquid incide-
ret , quod inter Præfectum , & Præce-
ptorem non conveniret ; neque enim , eo
inscente , Conclusionem ullam aut dele-
re , aut immutare debet : ipsa vero im-
mutatio fiet ceteris omnibus insciis , præ-
ter Rectorem .

19. Sub finem triennii , cursusque phi- De actibus
losophici disputationes habeantur de uni- philosophicis .

versa Philosophia : ad quas deligantur pauci , & egregie instructi , qui ejus loci dignitatem sustinere valeant ; hoc est , qui multo plus , quam mediocriter proferent .

Examen no-
strorum meta-
physicorum .

20. Hi seligendi sunt per Examinatores tres , aut etiam plures . Examinabunt autem semper Præfectus , & Præceptor proprius , quibus a Rectore addetur tertius ex reliquis Magistris , vel alias , qui recte id facere posse judicetur . Cum his tribus aderunt præterea saltem duo alii Professores a Rectore item eligendi , qui vicissim etiam mutari poterunt : vel si id non possit , alii valde idonei , qui cum tribus Examinatoribus suffragium scripto ferant ; ita , ut sint minimum quinque secreta suffragia : & ab omnibus rem omnino secretam servari oportet .

Alumnorum ,
& Convicto-
rum .

21. Alumnos , seu Convictores satis est examinari a suo Præfecto , & duobus Philosophiae Repetitoribus , aut , si ii defuerint , a doctioribus duobus Theologiæ auditoribus ex nostris , a Præfecto generali assignandis . Verum qui ab his judicati erunt idonei , non prius ad actum secesse comparent , quam sui Præceptoris , ac Præfecti generalis judicio sint probati .

Publicum sit .

22. Hoc examen (a quo , & severe quidem agendo , nullus fere excipiendus

e no-

e nostris ; & , si fieri potest , nullus etiam ex Alumnis , & Convictoribus) publicum erit , nisi quid obstet : videlicet si Nostrorum est , coram omnibus nostris Philosophiæ auditoribus ; sin Alumnorum , seu Convictorum , coram omnibus sui Collegii Philosophis ; sin exter- norum , (qui tamen , ut examen hoc sub- beant , cogendi non sunt) coram omnibus externis Philosophis saltem suæ Glassis .

23. Examinandi initium statim post ferias Paschatis fiat ; vel etiam ante , si multitudo cogat examinandorum , distri- butis diebus eo ordine , quem Rector , audito Præfecto , & Præceptore , existi- maverit commodissimum . Duret examen singulorum minimum una hora ; eatque per omnes primarias materias , quas Præ- fectus tempestive , ac secreto Examinato- ribus assignabit .

Examinis
tempus , &
forma .

24. Porro philosophici actus totum De tempore ,
scholarum tempus occupent minimum , & forma a-
vel mane , vel a prandio . Tres fere argu- ctuum Philo-
mententur , quorum unus sit ut pluri- sophorum .
mum aliquis ex nostris Magistris , sive
Theologiæ , sive Philosophiæ ; vel Do-
ctor aliquis Religiosus , aut externus .
Conclusionum autem numerus , ac ratio
non discrepent ab eo , quod de Theolo-
gicis generalibus statutum est regula no-
na ,

na , decima , undecima , & duodecima .

Quibus actibus , qui intersint .

25. Theologi non modo auditores , sed etiam Professores curet Præfectus , ut intersint actibus Theologicis , atque aideo Philosophicis ; & his Philosophi , & Professores quidem argumentando , urgendo alacriorem , ac solemniorem reddant disputationem ; adesse etiam omnes debebunt , cum Magisterium erit , vel Doctoratus in aliquem conferendus ; quo in genere quid Præfectum præstare oporteat , Rectoris erit præscribere .

Qui ad argumentandum mittendi .

26. Cum Nostri vocantur ad disputationum ab externis , vel ad publicas Academias , vel ad Religiosorum conventus ; ii potissimum mittendi erunt , qui biennium habent ad Theologiam recolendam .

Præscribenda studendi ratio .

27. Et Nostris , & Alumnis , & Externis per Magistros non modo rationem studendi , repetendi , disputandi præscribat ; sed etiam omne tempus ita distribuat , ut privati studii horas bene collocent .

Recognoscenda , quæ publice recitantur .

28. Nihil publice domi , forisque recida , tari patiatur ; vel ab iis , qui ad gradus promoventur , vel ab iis , qui actus tum generales , tum particulares habent ; vel a Rethoricis , quod non ipse tempestive recognoverit , & approbaverit .

*a P. 4.c.6.§.7.
Librorum delectus , & copia .*

29. ^a Curet , ne Scholastici libris , aut utilibus careant , aut abundant inutilibus .

Qua-

Quare mature Rectori suggesterat, ne librorum, quibus in dies utimur, aut proximum in annum usuri sunt tum nostri, tum externi, copia desideretur.

30. Theologiæ, ac Philosophiæ auditoribus non quoslibet, sed certos quosdam, Rectore consciente, ex Magistrorum consilio concedat libros: scilicet præter Summam S. Thomæ Theologis, & Aristotelem Philosophis, commentarium aliquem selectum, quem ^a privato studio a P. 4. c. 6. M. consulere possint. Tridentinum Concilium omnes Theologi habeant, & Bibliorum volumen, quorum lectio sit illis familiaris. An etiam aliquem ex Patribus habere debeant, cum Rectore consideret. Theologis præterea, ac Philosophis omnibus librum aliquem ad Humanitatis studia pertinentem distribuat; moneatque, ut certis quibusdam temporibus legere, ubi commodum sit, non omittant.



OR-

ORDINATIO PRO STUDIIS SUPERIORIBUS.

Ex Deputatione, quæ de illis habita est in Congregatione nona Generali.

A R. P. N. FRANCISCO PICCOLOMINEO

AD PROVINCIAS MISSA ANNO MDCLI.

I. Etsi summæ semper curæ Societati fuerit soliditas, & uniformitas doctrinæ, methodusque ordinata illam tradendi in scholis, eaque laude Professores nostri ut plurimum excelluerint, magno Ecclesiæ, & Reipublicæ Christianæ bono; nihilominus non defuerunt querellæ graves ex variis Provinciis de aliquibus Magistris, tam Philosophiæ, quam Theologiæ, tum in octava, tum in nona Congregatione Generali. Et primo quidem, quod inverterent ordinem præscriptum in Ratione Studiorum; Metaphysica, & Animastica tractantes in Logica; Theologica in Philosophia; Philosophica in Theologia; & in hac miscerent sœpe quæstiones assignatas uni anno materiis alterius, permagno incommodo auditorum. Secundo, quod, non raro sepositis utilioribus & solidioribus quæstionibus,

bus, toti essent in persequendis minutis vanissimarum subtilitatum, nulli prope usui in Ecclesia Dei postea futuris. Tertio quod nimiae libertati opinandi indulgentes sectarentur passim, aut etiam producerent sententias novas, vel certe obsoletas, antiquatasque revocarent e tenebris ad nostras scholas.

2. Hæc & his similia magno sensu, ubi Provinciarum aliquot nomine Conventui Generali postremo fuissent exposita, commota est non leviter Congregatio; timensque, ne malum ex paucorum culpa ortum latius serperet, statim omnibus viribus occurrentum censuit. Quare cum jussisset deputari de suo corpore quosdam Patres ex variis Assistentiis, in re litteraria, & docendi munere diu, multumque exercitatos, qui, quæ proponebantur circa studia in Societate, expenderent; injunxit iisdem, ut radices querelarum harum accurate inspicerent, & remedia opportuna suggererent. Quod cum illi exquisita plane diligentia præstitissent, Congregatio, auditis, approbatisque illorum judiciis, prout cerne-re est in Decretis 23. & 31. impressis, commisit mihi, ut remedia, quæ sugges-serant, executioni mandarem, & vigi-lantium Provincialium, ac Rectorum ad hoc ipsum excitarem.

3. Cen-

3. Censuerunt igitur memorati Patres, primis incommodis ex perturbato ordine docendi, & inutilibus quæstionibus, satis provisum esse, & iri, si observentur diligenter, quæ præscripta sunt in Ratione studiorum: & quidem quod ad Philosophiam attinet, si accurentur, quæ statuuntur in Regulis, tum Præfecti studiorum, tum Professoris Philosophiæ. Secuturum nempe inde, ut Logicus tractet materias illas, quas tradit porphyrius in sua Isagoge, & Aristoteles in Prædicamentis, in libris de Interpretatione, Priorum & Posteriorum, cum cautionibus in Ratione Studiorum expressis; ut Physicus explicet eas, quas Aristoteles in octo libris Physicorum, in libris de Cœlo, in Meteorologicis, & primo libro de Generatione; denique ut Metaphysicus eas, quas in secundo libro de Generatione, in libris de Anima, & Metaphysicorum disputat Aristoteles, cum similibus cautionibus. Attendat itaque ad hæc Præfector Studiorum, nec sinat istas quæstiones prætermitti, vel earum locum occupari ab aliis, quas Aristoteles non attingit, vel necessariam cum iis non habent connexionem, nec continentur sub objecto cuilibet parti Philosophiæ proposito.

4. At-

4. Atque ut expressius aliquid indicetur, & satisfiat postulato unius Provinciæ, quæ hæc optabat enucleatus declarari; Præfectus Studiorum non sinat omitti in Logica uberem de modo & regulis definiendi, dividendi, argumentandi tractationem; de conversione, & oppositione propositionum; de argumentatione, & syllogismo: ita, ut discipuli nostri plenam habeant notitiam de infallibilitate consequentiarum formalium. Curet etiam omnino, ut explicitur ea, quæ de perfecta demonstratione tradit Aristoteles in libris Posteriorum, tum de Scientia, prout est in Ratione Studiorum. E contrario, non permittat Professores immorari in disputatione de Ente Rationis, nisi paucissimis diebus, adeo ut tridui, vel quatridui circiter spatium non excedant. Non disputent etiam de Distinctione virtuali in Divinis, vel de præcisionibus objectivis Divinarum Perfectionum: sed supponant ex Theologia, quod de his quæstionibus sentendum est. Tractatum de signis mentalibus remittant ad libros de Anima; & potissimum illud: Quid sit verbum mentis, & quæ cognitio possit esse in seipsam reflexa, & seipsam repræsentare, vel adæquate, vel inadæquate. De relatio-

tionibus item Divinis, sine ulla discussione supponant ex Fide, vel ex Theologia, si quid necesse videbitur, dum agunt de prædicamento Relationis. In Prædicamento vero substantiæ, de Substantia, vel Ente Supernaturali nihil dicant. Dum tractant de futuris contingentibus, nullo modo ingrediantur disputationem de Scientia Media, nec de modo, quo Deus cognoscit futura, seu absoluta, seu conditionata; sed supponant, quod Fides, & Theologia docent. In fine denique Logicæ, dum tradunt tractatum de Scientia, nihil speciale dicant de Fide Divina; sed totam illam quæstionem remittant ad Theologos. Idemque dicendum de similibus a scopo Logicorum alienis.

5. In Physica secundo anno curet idem Præfectus, ut Aristotelicæ definitiones Principiorum, Causarum, Naturæ, Motus, Continui, Infiniti, & similes, accurate explicentur: ut, juxta ejusdem Aristotelis ordinem, de iisdem rebus ea disputentur, quorum scientia ad naturalem Philosophiam proprie spectat. In libris de Gœlo, naturam, & qualitates, & influxum cœlorum in sublunaria ne prætermittant. In primo de Generazione, ea, quæ tradit Aristoteles de Generatione, & Corruptione, de Alteratione,

ne, & Actione similis in simile, de Reactione, aliaque ejusmodi accurate discutiant. Gaveat autem, ne occasione agendi de Principiis, & Causis ingrediantur disputationem de Principiis, & Processionibus Divinis; multo vero magis abstinentum tum hic, tum alibi a disputatione de Actibus Liberis Dei. Nihil autem dicant de materia spirituali, aut de composite ex ea. Dum agunt de concursu Causæ Primæ, poterunt quidem disputatione de Prædeterminatione physica, sed per principia tantum naturalia; non examinando, sed supponendo principia Theologica. Ideo in materiam de Auxiliis, aut Gratia efficacitate excurrant. Nihil item ex professo hic agant de Potentia Obedientiali, aut de virtute principaliter creandi, num communicari possit alicui Creaturæ: nec de Æternitate Dei disceptent, ubi de Duratione creata agendum. In libris de Cœlo prætereant quæstiones, quæ de opere sex dierum ad Theologum, aut S. Scripturæ Interpretem spectant. In libris de Generatione, ad quæstionem de conversione Eucharistica, aut augmento intensivo Caritatis ne divertant.

6. Tertio anno idem Præfectus diligenter det operam, ut in libro secundo de Generatione Professores tractent de

k

na-

146 ORDIN. PRO STUDIIS

natura Elementorum , de primis qualitatibus , earumque seu descriptionibus , seu definitionibus ab Aristotele traditis . De motu etiam , & qualitatibus motricibus , de eorum mixtione , & rarefactione (nisi jam antea hoc egerint), & similibus . In libris vero de Anima disputatione de vi-
vente , & vita ; de Anima , ejusque potentiis , & operationibus ; speciebus ejusdem , vegetativa , sensitiva ; & accuratissime de rationali . In Metaphysica denique , de Ente , & proprietatibus Entis ; de na-
tura Substantiae , & Accidentis ; de Sub-
sistentia , aliisque similibus . De Deo quoque agere poterunt , quoad lumine naturali cognosci valet . Curet vero , ne ad ea tractanda digrediantur , quae Theo-
logici instituti sunt propria . Quare in libris de Anima , non ad materiam de specie Dei , sive impressa , sive expresa , aut de miraculosa mortuorum resuscitatione , nec in Metaphysica ad disputationem de Subsistentia increata , aliasque similes divertere sinantur .

7. In Theologia porro , ut resecentur quæstiones inutiles , & profuturæ ordinatius tradantur , observent diligenter Professores , quod dictum est de Philosophis , ut materias percurrent singulorum annorum proprias , hoc est tractatas a

D.Tho-

D. Thoma in ea parte, quæ cuique anno assignatur: id enim si fideliter præstirent, non multum temporis supererit ad quæstiones inutiles agitandas. Illud vero etiam enitantur omnes, ut quæstiones, quas tractant, connectant cum quæstionibus Sancti Thomæ, & auditoribus significant, quo quidquid pertineat; ut appareat ea, quæ disputant, esse velut commentarium textui S. Thomæ respondentem; atque hoc agere ipsos, non ut nova, & incognita prius discipulis proponant, sed ut elucident vetera; ut sit additio potius doctrinæ ad doctrinam, quam successio novæ in locum veteris jam sepultæ. Quod enim potest esse operæ pretium, aut quæ laus, Scholasticos habere novarum quidem propositionum scientes, sed antiquarum imperitos? Verum, ut hæc facilius assequamur, & quod præstitum est in Philosophicis, uberiorius, & distinctius præstetur in Theologicis, quæ sunt multo majoris momenti, subjicietur hic Index variarum quæstionum, juxta ordinem Summæ Angelici Doctoris, quas Magistri, omissis extraordinariis, & insolitis, tractare cum laude possunt, & maxima ex parte etiam debent.

EX PRIMA PARTE.

QUÆST. 2.

De existentia Dei .

3. vel 13. De distinctione Attributorum inter se , & ab essentia .

8. De existentia in spatiis .

12. De visione Dei per speciem creatam , oculos corporales , vires naturales : De lumine gloriæ . Melior intellectus amelius videat , ceteris paribus . An videri possint creaturæ ex vi visionis . An omnes . Quæ videantur . Per quid hæ magis , quam illæ .

14. De cognitione futurorum contingentium , conditionalium , &c. De Scientia Media ante omne decretum .

19. De actibus liberis .

22. 23. De Providentia ; de prædestinatione , electione , reprobatione ex meritis ; de actuum præfinitione .

27. Quæ Processio in Divinis sit generatio ; & cur una magis , quam alia : quot Processiones sint .

28. De distinctione Relationum ab essentia : & an illam includant , vel includantur . Quot sint in Divinis .

29. De Subsistentia absoluta . An datur in Deo .

32. De

32. De Notionibus. Quæ & quo
sint.

34. De Processione Verbi ex cognitio-
ne omnium Personarum, rerum possi-
bilium, futurarum.

40. 42. De constitutione, & distin-
ctione Personarum per Relationes: an
Relatio dicat perfectionem.

43. De missione Personarum.

50. De incorporeitate, numero An-
gelorum. An omnes specie differant.
An necessario.

51. De assumptione corporum.

52. An unus possit esse in pluribus
locis. An plures in uno. Per quid sint
in loco.

53. An possint in instanti moveri.
An necessario transeant per medium.

55. De speciebus intelligibilibus. An
concreatae, an acceptae a rebus. An uni-
versaliores in superioribus.

56. 57. An seipsos cognoscant. An
alios Angelos, & quomodo. An futura.
An cogitationes cordium.

58. An multa simul intelligent. An
discurrendo. An componendo.

62. An creati sint cum beatitudine.
An in gratia. An se ad illam disposue-
rint. An per unum actum meritorium
boni pervenerint ad beatitudinem.

k 3 63. Quod

150 ORDIN. PRO STUDIIS

63. Quod fuerit peccatum Angelorum. An in primo instanti creationis potuerint peccare. De mora inter creationem & lapsum. De obstinatione dæmonum. Unde proveniat.

64. Quomodo crucientur ab igne.

107. De locutione Angelorum. Quomodo fiat.

EX PRIMA SECUNDÆ.

QUÆST. 3.

D e Beatitudine. An sit operatio intellectus, an voluntatis.

4. Delectatio in Patria an sit immedia-te de Deo, an de visione.

5. Perpetuitas an sit de ratione Beati-tudinis. De appetitu innato ejusdem.

6. Quid voluntarium. Idemne cum li-bero. Eventus ex omissione quando vo-luntarii. De metu, concupiscentia, igno-rantia. An causent involuntarium.

7. De circumstantiis.

18. Quid sit actus humanus, quid bo-nitas, & honestas illius. Sumaturne ex objecto, circumstantiis, fine. Bonum, & malum an constituant speciem in mo-ralibus. De actu indifferente secundum speciem, & individuum. Quando circum-stantiæ dent speciem.

19. An

19. An idem actus interior fieri possit de bono malus, &c. De opinione probabili. An liceat sequi eam rejecta probabiliore, quando, quibus. De conscientia dubia, quid tunc agendum. An in eo casu melior sit conditio possidentis in omnibus materiis. De Conscientia erronea. An obliget. Electio an omnem bonitatem, & malitiam habeat a fine. Voluntas unius finis an accipiat bonitatem a voluntate imperante alterius finis.

20. De actu exteriori. An habeat propriam bonitatem.

71. An detur pura omissio. Actus causans omissionem quando peccatum. Sitne tunc commissionis, an omissionis. Omissio quando imputetur. De definitione peccati, *dictum*, *factum*, &c. Quid sit formale in peccato, ut malum est.

72. De distinctione specifica peccatorum ex objecto; virtutibus, quibus opponuntur, &c.

74. De delectatione morosa.

79. An Deus sit causa peccati. An prædeterminet ad actum illius. Quid sit.

81. De peccato originali, An traducatur ab Adam in posteros. Quid sit.

86. An peccatum mortale relinquat maculam. Quid illa sit.

87. An poena damni in omnibus damnatis sit æqualis. k 4 88. De

88. De peccato mortali, & veniali.
Quomodo distinguantur.

89. An peccatum veniale relinquat
maculam.

109. An sine gratia possimus cognoscere verum, facere bonum opus morale, Deum super omnia diligere, servare omnia præcepta, præparare nos ad gratiam, vincere tentationes. An justi egeant auxilio ad bene operandum, & vitandum peccatum, ad perseverandum. Quid in statu naturæ integræ. An in statu puræ naturæ fuisset necessarium gratiæ auxilium.

110. An Gratia distinguatur a virtutibus infusis. In quo subjecto sit.

111. De divisionibus Gratiæ in gratis datam, & gratum facientem: operantem, & cooperantem: prævenientem, & subsequentem: efficacem, & sufficientem. An hæ distinguantur tantum per effectus. An efficax prædeterminet. De concordia illius cum libertate.

113. An justificatio fiat per formam inhærentem. Sitne habitus. An actus sufficiat. An implicit simul esse cum peccato. An sine illa peccatum possit remitti.

114. An possimus nobis aliquid meriti a Deo. An ex justitia. An de condigno

gno vitam æternam. Quæ conditions requirantur. An quæcumque bona opera Justi sufficient. An ultima dispositio ad gratiam hoc habeat. An prima gratia cadat sub meritum, saltem de congruo; an finalis perseverantia.

EX SECUNDA SECUNDÆ.

QUÆST. I.

Quid sit objectum materiale Fidei, & quid formale. An veritas prima tantum. An etiam revelatio. Et hæc an communis, & publica; an etiam privata. An solum immediata; an etiam mediata; & quæ. An propositio Ecclesiæ huc pertineat. In quid tandem resolvatur Fides. An Fidei possit subesse falsum. An objectum Fidei possit esse visum in se, vel in attestante. An scitum. An debeat esse evidenter credibile.

2. An actus Fidei possit esse discursivus. An requirat actum voluntatis, a quo imperetur. An fuerit, vel sit necessarius necessitate medii; & quorum objectorum. An sit necessitate præcepti, & quarum rerum. An idem actus sit supernaturalis. An voluntas imperans. An iudicium antecedens credibilitatis.

3. De

3. De præcepto non negandi fidem, & illam confitendi ; & quando obliget. De usu vestium , ciborum , & aliorum, quæ sunt propria infidelium . An liceat adire templa hæreticorum , eorumque ritibus interesse .

4. Quid sit Fides . Antecedatne aliquando Caritatem & Gratiam . De certitudine Fidei comparative ad alias habitus .

5. An in Dæmonibus sit Fides . An in hæreticis errantibus in uno articulo .

10. 11. De speciebus infidelitatis . Quid sit Hæresis , & quæ ad illam requirantur . Quæ sit hæretica propositio , & de aliis propositionum censuris .

17. 18. Quid sit objectum formale & materiale Spei . An Spes sit in Beatis .

23. 24. An Caritas sit amicitia . Quomodo distinguitur amor naturalis , & supernaturalis Dei . An Caritas augeatur in habente ipsam . Per quos actus . An per solos intensiores . An per solos actus Garitatis . An per continuationem actus . De correptione fraterna , scandalo , bello , si , prout per tempus licuerit .

58. Quid sit Justitia , quid Jus . De Justitia legali , & particulari . Circa quam in materiam hæc versetur . An circa passiones , vel operationes . An medium illius sit medium rei . De actu justitiæ , qui est suum

suum cuique reddere . De Dominio . Qui-
bus , & in quæ competit . De modis il-
lud acquirendi . De usufructu , usu , &c.

65. Quid sit injuria . Et an quis possit
pati injuriam volens .

60. De judicio temerario . An , & quan-
do sit peccatum mortale .

61. De distinctione Justitiæ distributi-
væ , & commutativæ . De medio earum ,
materia , &c.

62. De Restitutione . Cujus virtutis sit
actus . De capitibus , ex quibus oritur
restituendi obligatio . Obligatio ex re ac-
cepta ad quid se extendat . Res bona fide
empta an possit reddi furi ad pretium re-
cuperandum . De inventis ; quomodo re-
stituenda . Ad quos fructus restituendos
teneatur bonæ fidei , vel dubiæ posses-
sor . An Dominus teneatur de damno da-
to a servis suis , vel animalibus , sine il-
lius culpa . Qualis culpa sufficiat , ut quis
teneatur restituere ex injusta acceptione ,
& damno dato extra officium , & contra-
ctum , vel in officio , & consilio dando ,
vel intercedente contractu depositi , com-
modati . De restitutione ex injusto impe-
dimento boni alieni : de restitutione in-
certorum . De cooperatoribus ad damnum .
An omnes teneantur in solidum . Quo
ordine . An acceptio ob turpem causam
obli-

156 ORDIN. PRO STUDIIS

obliget ad restitutionem. An res restituenda sit secundum summum pretium. Quando restituendum sit; ubi; quo ordine.

63. An, & quale peccatum sit acceptio personarum in distribuendis beneficiis, & officiis, minus dignis.

64. An liceat occidere hominem pro defensione suæ vitæ, honoris, bonorum. Qui facienda sit restitutio pro homicidio injusto, vel damno ex illo consecuto.

66. De quantitate requisita ad peccatum mortale furti. De furtis minutis, quæ fiunt ab eodem diversis personis, vel eidem a pluribus. De furtis domesticorum, uxoris, filiorum, famulorum, &c. An sit licita compensatio facta propria auctoritate pro eo, quod debetur.

74. Quæ detractio sit peccatum mortale. An audiens peccet.

EX TERTIA PARTE.

QUÆST. I.

An Christi opera fuerint infiniti varioris, & satisfecerint ex rigore justitiæ. An purus homo possit satisfacere pro peccato suo, vel alieno mortali. An pro veniam

niali. An Christus incarnatus fuisset, si Adam non peccasset.

2. De Unione. An sit facta in natura, vel persona. Quid illa sit. An Christus suam Incarnationem mereri potuerit. An Justi ante Christum, vel Incarnationem, vel accelerationem. An B. Virgo Maternitatem.

3. An plures personæ eamdem numero naturam possint assumere. An una persona plures naturas. An persona creata possit uniri hypostatice alteri naturæ.

4. An potuerit assumi a Verbo natura habens propriam personalitatem.

8. De scientia infusa. Quis habitus sit. An per illam videantur omnia possibilia. An omnia futura.

10. De impeccabilitate Christi; & unde illa sit.

18. De concordia impeccabilitatis cum libertate Christi.

23. An Christus, in quantum homo, possit dici Filius adoptivus.

25. De adoratione Christi, Crucis, Imaginum, &c.

60. Quid sit Sacramentum. An Sacra menta novæ legis constent rebus, & verbis determinatis. An mutentur validè, vel licetè.

62. An

158 ORDIN. PRO STUDIIS

62. An causent gratiam . An physice , an moraliter . An Gratia Sacramentalis addat ad Gratiam virtutum . An Sacra menta legis veteris Gratiam causarint.

63. De Charactere , quid sit . An de lebilis . Quæ Sacramento imprimant .

64. 66. De intentione Ministri & Suscipientis . De Martyrio . Quando con ferat Gratiam . An ex opere operato . Quam dispositionem requirat .

73. An Eucharistia sit Sacmentum . In quibus consistat . An sit unum , vel plura . An necessarium necessitate medi i .

74. Quæ sit materia Eucharistiæ . In qua quantitate . Quomodo debeat esse præsens . An aqua vertatur immediatè in Sanguinem .

75. An Christus sit in hoc Sacramen to realiter . Quid sit hæc præsentia . An maneat substantia panis , & vini . An annihiletur . An panis , & vinum conver tatur in Corpus Christi . An id colligatur ex verbis Consecrationis . In quo sita sit hæc Conversio . An reproducatur in illa Corpus Christi . An accidentia maneant .

76. An totus Christus sit sub utraque specie , & ejus partibus . Quæ sint ex vi verborum , quæ per concomitantiam . An Christus moveatur ad motum specierum ; & quomodo hoc fiat .

77. An

77. An maneant accidentia sine subjecto. An acquirant novum modum. An detur in illa actio Christi sustentans. Quomodo ex iis aliquid generetur.

78. De forma Sacramentali Eucharistiae. Quae verba sint essentialia. Quomodo intelligenda. An dicantur recitativè, an enunciativè.

79. An detur major gratia sumenti duas species.

82. An plures Sacerdotes eamdem Hostiam possint consecrare.

88. An in Missa sit Sacrificium. In qua actione consistat. An requirat duas species. An habeat valorem infinitum. Quem effectum habeat.

84. An Poenitentia sit Sacramentum. Quae materia: quae forma: quae verba sint necessaria. Quomodo intelligenda. An sit necessarium necessitate medii.

85. An Poenitentia sit virtus. Quod objectum habeat, quos actus. An sit virtus specialis.

86. An remissa culpa remittatur tota poena.

87. De remissione venialium, per quos actus fiat. An per Sacramentalia. An requiratur Gratiae infusio.

89. An merita reviviscant. An peccator semper resurgat in gratia æquali.

90. Quæ

90. Quæ sint partes Pœnitentiæ , & cujusmodi .

De Contritione . In quo formaliter sit sita . Quid sit Attritio . An dolor formalis sit necessarius ad Sacramentum Pœnitentiæ , & quis dolor . An requiratur Propositorum formale . An possit dari Sacramentum informe ex defectu doloris .

De Confessione . An circumstantiæ non mutantes speciem necessario sint explicandæ . Quomodo explicandus numerus peccatorum .

De Satisfactione . An & quomodo teneantur Pœnitentes implere pœnitentiam injunctam . An possit mutari . An habeat effectum ex opere operato .

De Ministro , Jurisdictione ordinaria , & delegata , Sigillo .

De Ordine , & Matrimonio , prout per tempus licebit .

9. Materias igitur supra positas , & singulis annis assignatas in Ratione Studiorum , tam Philosophi , quam Theologi suo tempore pertractent ; neque illas permisceant : ita tamen , ut externarum Academiarum & consuetudinum Regionum , in quibus degitur , quatenus necesse est , ratio habeatur . Nec ad transgrediendum ordinem istum , vel discutiendas subtilitates inutiles , suffragari de-

debet Nostris exemplum Auctorum aliquorum, qui sua scripta mandarunt typis, & vel materias permiscuerunt, vel in persequendis minutis immorati sunt. Quidquid enim de illis sit, ad docendum utiliter in scholis hæc ratio non est opportuna. Quocirca, exceptis illis quæstionibus, in quibus Aristoteles, vel Sanctus Thomas ejusce rei nobis exemplum dant, non occupentur Nostri facile in divinandis possibilitatibus, vel implicantiis rerum: sed intenti in ea, quæ disputant Auctores classici, abstineant a versando rerum possibilium thesauro; eo quod periculum sit, ne dum scrutantur veritates nobis incomptas, chimæras & umbras amplectantur.

10. Quod attinet ad tertium incommode supra tactum, de periculosa quorumdam Professorum licentia in rejiciendis sententiis jam receptis, & excogitandis opinionibus novis, atque a communi scholarum sensu alienis; censuerunt iidem PP. Deputati, nihil efficacius decerni posse, quam quod definitum est a Congregatione 5. Decr. 41. & 56., & prescribitur in Ratione Studiorum. Nominaliter vero caveant Professores Theologiae, ne C quod ipsis prohibetur in laudato Decreto 41. Congregationis quintæ,

I & præ-

162 ORDIN. PRO STUDIIS

& præterea Regula ipsorum quinta) receptas jam , quamvis congruentes tan-
tum rationes, quibus res Fidei probari so-
lent , & multo minus testimonia Sacræ
Scripturæ eodem spectantia , rejiciant ,
aut refellant , nec temere novas rationes
excogitent .

11. Ad horum autem omnium accura-
tam observationem , advigilet in primis
Præfectus Superiorum Scholarum : ideo-
que scripta , quæ in gymnasiis tradun-
tur , sibi subinde ostendi curet ; & , si
quid peccetur , Superiorem tempestive
admoneat . Theses de opinionibus inuti-
libus , seu a communi scholarum sensu
abhorrentibus , vel etiam suo loco non
traditis , publice proponi non sinat , nec
de iis Nostros , aut externos examinari .
Quin etiam , dum subibunt examen sive
Nostri , sive externi , tam in Philoso-
phia , quam in Theologia , habeat ipse
penes se catalogum quæstionum , seu
materiarum , quæ in qualibet facultate ,
& quolibet anno tradi deberent , & de
illis dumtaxat examen institui sinat , ut
constet , an Magistri tradiderint , quæ tra-
dere debuissent .

12. Verum , quia non raro Controver-
titur , quæ sit , aut non sit Doctrina no-
va , & communi sensui scholarum , seu
Do-

Doctorum contraria ; unde nascitur contentio inter Præfectum studiorum , & Magistrum : ad tollendum hoc impedimentum , visum est mihi de eorumdem PP. Deputatorum consilio statuere sequentia .

I. Contradicente Præfecto , cuius erit id cum debita cautela facere , & nesciis omnibus, præter Rectorem , juxta ipsius regulam 18., Magister stet Præfecti judicio , non proponendo , nec propugnando sententiam , cui ille contradicit , donec Superiores , ad quos , & non ad alios deferenda res est , aliud decernant .

II. Perstante Magistro in sua sententia , Rector inquirat judicium trium , vel quatuor bene doctorum Patrum , idque singillatim , & secreto : quorum si major pars putaverit , justam esse Præfecti contradictionem , efficiat Rector , ut Magister illius se judicio omnino submittat : & e converso , si illi doctrinam Magistri probaverint , nemo huic negotium faces sat . Ut vero minime suspectum sit judicium istorum Patrum , elegantur , qui minime propensi existimantur esse ad novitates , sed ad Præfectum , & Magistrum æqualiter affecti . Quod si Rector tales ad manum non habeat , ad Provincialem recurrat , ut eo , quo dictum est , modo ,

164 ORDIN. PRO STUDIIS

tales aliquot Patres consulat. Sin vero hoc non sufficeret, nec possent sententiæ ad concordiam revocari, Superiorum erit, in eos animadvertere, quorum culpa id acciderit. Ad eosdem etiam spectabit, ubi opus fuerit, novarum, & a communi sensu plane abhorrentium opinionum Doctores, si crebrius relabuntur, & nimium tenaces sint suæ sententiæ (prout sæpe commendatum est, & præscribitur a Congregatione 5.decr.41.) amovere a munere docendi, substituto altero, qui fuerit sententiarum probatarum amantior, & ad obsequendum in re, quam tantopere sibi cordi esse testatur Societas, propensior.

13. Sed ad occurrendum adhuc efficacius prædicto incommodo, optarunt multi, ut texeretur Elenchus earum sententiarum, quas præstat non doceri in nostris scholis. Verum, quia fieri omnino nequit, ut singillatim recenseantur omnes, subjiciemus hic saltem alias, tam Philosophicas, quam Theologicas, ex variis Provinciis huc transmissas, & plerasque a diversis Præpositis Generalibus pri- dem doceri vetitas in nostris gymnasiis, & nunc jussu postremæ Congregationis Generalis a PP. Deputatis denuo examinatas. Subjiciemus autem, non quod do-

doctrinam in iis contentam qualificare ullo modo animus sit, (id enim altioris subsellii est), sed quia, quæcumque tandem iis inesse possit probabilitas, judicamus ad uniformitatem, & soliditatem doctrinæ, toties in nostris Constitutionibus, & Congregationum Decretis commendatam, & ad fructum optatum e scholis nostris referendum, omnino expedire, ut Nostri Professores ab iis abstineant, quamvis non sit par omnium causa, neque omnes sint æqualiter nostris rationibus inopportunæ.

14. *Propositiones aliquot, quæ in Scholis Societatis non sunt docendæ.*

PHILOSOPHICÆ.

1. Sive in Syllogismis detur medium majus, aut minus extremum ex natura rei, sive non, ex mente Aristotelis illa constituuntur per situs locales, quos habebant, dum Aristoteles in tabella, aut charta pingebat terminos.

2. Genus potest immediate individuari a parte rei.

3. Relatio similitudinis, paternitatis, &c. non est formaliter in rebus, aut in suo fundamento; sed est aliquid ratio-

nis,

166 ORDIN. PRO STUDIIS

nis , aut mera intellectus comparatio .

4. Non datur proprie falsitas in materia impossibili ; ac propterea non sunt in ea propositiones immediate contradictoriæ : ut *Deus est* , *Deus non est* .

5. Non datur materia prima .

6. Materia non est causa , sed mera conditio .

7. Similiter forma , & finis non sunt veræ causæ rerum naturalium .

8. Materia prima potest naturaliter esse sine omni forma .

9. Materia ad productionem formarum activè concurrit .

10. Unio Materiæ , & formæ est vere natura .

11. Materia prima creatur ab agente naturali .

12. Potest dari creatura , quæ natura sua habeat virtutem principalem credandi .

13. Creatio non est productio rei ex nihilo , sed productio rei , quæ fit a solo Deo , sine consortio alterius causæ efficientis .

14. Potest creatura aliqua elevari ad seipsam prima vice producendam .

15. Idem potest esse causa suæ causæ in prima sui productione , in genere causæ efficientis .

16. Ef-

16. Effectus , recepta realitate , seu essentia a sua causa, potest virtute ipsius essentiæ productæ in priori naturæ a causa , producere sibi existentiam .

17. Potest aliquid substantiale , natura sua incorruptibile , atque independens a materia educi .

18. Elementa non componuntur ex materia , & forma ; sed ex atomis .

19. Mixta etiam corpora , excepto homine , non habent propriam formam substantialem ; sed pro varia atomorum mixtura , & dispositione exhibent illas species , quas videmus , auri , marmoris &c.

20. Possunt duæ formæ ultimæ , & non subordinatæ esse naturaliter in eadem materia .

21. Valde difficulter potest ratione probari sententia contraria sententiæ Durandi , quod Deus immediatè concurrit ad omnes effectus causarum secundarum ; neque loca Sacræ Scripturæ hoc convincent .

Non usurpanda est hæc propositio , nisi addendo , sententiam communem contra Durandum sufficienter probari apud intellectum bene dispositum , & abstinendo a refellendis receptis proba-

l 4 tio-

168 ORDIN. PRO STUDIIS
tionibus pro eadem communi sententia, juxta decr. 41. Congr. V.

22. Accidens naturaliter mutat subiectum inhæsionis.

23. Dubium est, an quantitas distinguitur a materia. Item an identificetur formis substantialibus quantitas, & impenetrabilitas.

In hoc dubio P. Claudius jussit affirmativam a nostris docendam; & contrariam vetuit quoque P. Mutius.

24. Quantitas identificatur realiter cum ubi, quo substantia materialis constituitur in loco impenetrabiliter.

25. Continuum successivum, & intensio qualitatum solis indivisibilibus constant.

26. Dantur puncta inflata, ex quibus continuum componatur.

Utraque hæc est contra Regulam, & Aristotelem, & contra ordinationem P. Mutii ad diversas Provincias missam.

27. Unum, & idem punctum formaliter, & virtualiter indivisibile, ratione velocitatis motus, potest esse in pluribus partibus spatii uno, & eodem momento, & sic ratione intensissimæ velocitatis occupare simul totum spatium, quod intercedit inter Romam, & Neapolim.

18. Po-

28. Potest dari creatura infinita in omni genete , excepta independentia , quæ unica restaret Deo propria : potest etiam dari intellectus infinitus , voluntas infinite perfecta , & consequenter indefectibilis .

29. Possibilis est creatura perfectissima , qua perfectior creari a Deo non possit ; item imperfectissima , qua nulla imperfectior a Deo possit creari .

30. Infinitum in multitudine , & magnitudine potest claudi inter duas unitates , vel duo puncta .

31. Potest assignari dies aliquis in æternitate , ultra quem nullus aliis futurus est : sicut , si mundus fuisset ab æterno , posset assignari primus dies , ante quem nullus aliis fuisset .

32. Datur numerus maximus finitus , supra quem Deus nihil potest addere .

33. In continuo intercipiuntur vacua parva , pauciora , vel plura , majora , vel minora , pro raritate , & densitate ejusdem .

34. Res etiam materialis potest absolvi ab omni respectu , sive loci , sive temporis , & formaliter , & fundamentaliter .

35. Terra movetur motu diurno ; planetæ , tamquam viventia , moventur ab in-

170 ORDIN. PRO STUDIIS

intrinseco. Firmamentum stat.

36. Motus Cœlorum est omnino ab intrinseco, & nullo modo ab Intelligen-
tiis. *Propositio adversatur Aristoteli.*

37. Elementa non transmutantur in-
vicem, sed unius particulæ in alio deli-
tescunt incorruptæ : quarum ingre-
sus rarefactionis, & condensationis est
ratio.

38. Probabilius dicitur fieri generatio
per novam conjunctionem corpusculo-
rum ; etiam secundum mentem Aristoteli.

39. Duæ tantum sunt qualitates pri-
mæ calor, & frigus : humor vero, &
siccitas non sunt qualitates.

40. Plures sunt primæ qualitates sen-
sibiles elementorum, quam quatuor.

41. Gravitas, & levitas non diffe-
runt specie ; sed tantum secundum ma-
gis, & minus.

42. Anima vegetativa poterit aliqua
nutrire, & augere ex nihilo.

43. Potest anima existens in uno lo-
co vivificare corpus existens actu in alio
loco.

44. Dantur in homine simul, & per-
manenter tres animæ, realiter inter se
distinctæ.

45. Vi-

45. Vita intellectualis creata nullo modo requirit actionem ullam physicam, atque ita intellectus non agit.

46. Bruta circa objecta particularia discurrent vero, & proprie dicto discursu.

47. Nulla datur in sensibus externis species intentionalis; sed ejus loco, verbi gratia, datur in oculo extramissio radiorum visualium.

48. Nullæ dantur species impressæ, ne intelligibiles quidem.

49. Immortalitas Animæ non satis colligitur ex operationibus intellectus.

50. Probabilius est, non repugnare potentiam materialem cognoscitivam rei spiritualis.

51. Potest esse substantia materialis, quæ, & virtute cognoscendi, & loco se movendi, & quia sit essentialiter completa, adæquet, immo excedat Animam rationalem.

52. Possibilis est creatura, quæ habeat actum intellectus identificatum: item possibilis est creatura, quæ sit ipsa species impressa rerum omnium possibilium.

53. Possibilis est Anima spiritualis non intellectiva.

54. Substantia materialis potest esse causa adæquata principalis alicujus Entis, & substantiæ spiritualis.

35. Et-

172 ORDIN. PRO STUDIIS

55. Etiamsi non esset in Deo libertas formaliter , posset adhuc talis perfectio communicata reperiri in creaturis .

56. Causa passiva vere influens , & producens formam , potest esse libera , etiamsi non influat efficienter .

57. Possibilis est potentia , quæ , quamvis sit naturaliter incapax operandi libere ; divinitus tamen elevata libere operetur .

58. Non apparet sufficiens repugnancia in eo , quod possibilis sit aliquis intellectus , qui & in objectis obscure propositis possit independenter ab actu voluntatis se determinare , vel ad assensum , vel ad dissensum , & consequenter qui sit liber .

59. Naturaliter potest voluntas amare aliquid objectum , nulla prævia cognitio ne in intellectu .

60. Voluptas , & dolor consistit formaliter in cognitione objecti .

61. Substantia spiritualis potest habere partes intensionis , & extensionis . Potest item de potentia absoluta esse aliqua , quæ habeat partes integrantes . Nec ex fide potest persuaderi , Animam non esse talem .

62. Potest forma substantialis , etiam spiritualis , esse corruptibilis .

63. Ma-

63. Manu tangi potest ens possibile,
etiam sub statu possibilitatis.

64. Potest dari actio in distans vir-
tute naturali.

65. Possunt fieri curationes vulne-
rum , vel morborum per medicamenta
applicata in distantia , seu per unguen-
tum , quod vocatur armarium .

THEOLOGICÆ.

1. **L**eges humanæ , etiam Ecclesiæ ,
non habent vim obligandi sub peccato
mortali .

2. Omnia peccata luxuriæ contra na-
turam sunt ejusdem speciei infimæ ; ideo-
que satis est , si bestialitatis , aut sodo-
miæ , aut mollitiei reus confiteatur se
peccasse contra naturam .

3. Non repugnat potentia materialis
adeo perfecta , ut elevata possit videre
Deum .

4. Non repugnat libertas , amicitia , &
inimicitia Dei potentiae alicui materiali .

5. Possibilis est , salva omnimoda li-
bertate , quæ naturaliter competit creatu-
ræ intellectuali , prædestinatio antece-
dens , & absoluta , qua prædestinato glo-
ria intendatur , ut corona , independenter
omnino a scientia etiam conditionata .

6. Tam

174 ORDIN. PRO STUDIIS

6. Tam intellectu , quam voluntate possumus secundum legem ordinariam uno , eodemque habitu , etiam infuso , versari circa rationes formales adæquate diversas , hoc est , sufficientes ad constitutionem unius per se virtutis .

7. Absolute loquendo , potest Christus peccando perdere unionem hypostaticam .

8. Verbum uniri potest diabolo : *sub his terminis non proferenda* .

9. Non potuerunt Patres inferre unitatem Suppositi in Christo ex his propositionibus ; *Christus est filius Dei , & filius hominis* ; immo nec ex Scriptura hoc inferre potuere .

10. Persona Verbi , qua persona Verbi , formaliter , plusquam denominative subjiciebatur , quando Christus Dominus pro nostra redemptione operabatur .

11. Natura Divina , etiam posito , quod non sit terminus subsistentialis , potest terminare naturam : & Angelus , qui non est forma , informare materiam .

12. Corpus Christi non habet quantitatem in Eucharistia .

13. In Eucharistia non remanent species reales accidentium , sed tantum intentionales .

14. Cum

14. Cum quantitas non distinguitur a substantia, agentia naturalia non agunt in Hostiam Consecratam, sed solus Deus: unde calefactio, & transportatio ipsius est a solo Deo.

15. Corpus Christi existens sub speciebus Eucharisticis concurrit active ad productionem alterius substantiæ, ex accidentibus corruptis.

16. Moribundus, etsi nullum signum det, aut dederit Contritionis, adeo ut Sacerdos nec sciat, nec prudenter putare possit præcessisse sensibilem aliquam Confessionem, absolvi potest.

17. Confessio venialium non eget ullo dolore ad remissionem.

18. Confessio facta sine ullo dolore valida est, etiam in mortalibus.

19. Dolor naturalis sufficit ad veram Confessionem, & Absolutionem Sacramentalem, cum effectu gratiæ consequendam.

20. Confessarii Societatis gaudent independenter a P. N. Generali omnibus facultatibus concessis Societati. Idque vi Privilegii Pauli III., quod a nemine Pontificum consequentium revocatum est.

21. Nonnulla peccata, quæ reservantur in Societate, ut machinatio in Superioris, seminatio discordiarum, & similia,

lia , licet attingant gravitatem peccati mortalium , non sunt reservata , nisi sequatur effectus .

22. Is , qui , præmisso examine , confessus est , & absolutus , non tenetur deinde confiteri peccatum illud , quod memorie non occurrerat , & post peractam Confessionem occurrit , & constat , numquam fuisse directe in Confessione expositum .

23. Is , qui a reservato peccato , pro tali cognito , ex necessitate aliqua indirecte est absolutus , non tenetur deinceps se Superiori sistere , nec per se , nec per alium : sed manet simpliciter absolutus , & sine ullo onere querendi directe a reservato absolutionem .

24. *Circa questionem de actibus liberis Dei hæc statuimus.* 1. Non doceatur a nostris sententia Cajetani . 2. Nec ulla alia , quæ cum sententia Cajetani coincidat , & modo loquendi tantum ab ea differat . 3. Propter eam causam non doceatur actum liberum Dei dicere aliquam rationem positivam , Deo intrinsecam , & in existendo contingentem .

25. *In materia de efficacia gratiæ servetur decretum P. Claudii conditum*
14. Decembris 1613.

His

His adjungimus sex alias propositiones; non quod credamus quempiam ex Nostris eas docuisse; sed quia oblata fuerunt Patribus Deputatis, praesenti Catalogo duximus inserendas.

SUNT AUTEM HÆ.

1. **D**eus est causa peccati.

2. Deus habet pro tempore actus amoris, & odii, quos non habebat in æternitate; neque illud magis repugnat Divinæ Immutabilitati, quam quod videamus potentiam ejus executivam habere jam exercitia, & actus, quos ante non habebat.

3. Quando Deus amat Petrum poenitentem, quem antea oderat peccatorem, vere mutatur secundum nostram dispositionem; & chimæra est credere, eum habere simul actus amoris, & odii.

4. Deus non determinat quidquam ab æternitate de hominum felicitate, vel damnatione; sed expectat eorum statum finalem, ut ad alterutrum se determinet.

5. Non est de fide, quod Deus sciat adhuc determinate, qui sint futuri beati, vel damnati, quia illud ab hominum libertate dependet. Negando autem Dei Præscientiam liberarum rerum, facilis

178 ORDIN. PRO STUDIIS

redditur Prædestinatio , quæ cum illa
Præscientia parit horrorem .

6. Nullo modo possibile est , Deum
scivisse , quod Adamus erat peccaturus ,
cum sortem nostram in manibus ejus po-
suit .


15. Porro supradictas propositiones
omnes , prout sæpe declaravimus , nulla
nos afficimus censura ; sed solum prohi-
bemus doceri in nostris Gymnasiis ad
majorem uniformitatem , & soliditatem
doctrinæ inter nos , & copiosiorem fru-
ctum in Auditoribus faciendum . Nec cui-
quam patrocinari debet , si quæ forte ex
illis reperiatur apud aliquos Auctores ,
vel in libris jam editis a Nostris , etiam
cum aliqua approbatione : nam optandum
fuerat , ut diligentiores fuissent , & se-
veriores plerique Revisores . Quod si ni-
hilominus ex iis aliquæ (quod rarum om-
nino erit) communiter jam receptæ es-
sent in aliqua Provincia , admoneat nos
mature P. Provincialis , ut dispiciamus ,
quid facto opus . Sicut & si quæ aliæ opi-
niones illic offensam pariant , quæ hoc
elencho non sunt comprehensæ : neque
enim existimet ullus permissam sibi esse
aliam quamcumque doctrinam , propterea
quod Catalogo isto non contineatur .
Cum enim infinitæ possint excogitari
sen-

sententiæ minus nobis accommodatæ ; paucas ex multis , & missas huc dumtaxat ex variis Provinciis, Elencho isti censuimus inferendas . Quare communicetur Cathalogus hic omnibus Nostris Professoribus Philosophiæ , & Theologiæ , nec non Præfectis Superiorum Facultatum , ut curent , ne hujusmodi sententiæ vel proponantur in thesibus , vel in disputationibus propugnentur , vel in scholis nostris doceantur . Denique communicetur etiam cum Revisoribus omnibus , ut si contingat insertas reperiri in libris , quos examinant , eos edi in lucem non permittant .

16. Ut autem hæc omnia executioni accuratius mandentur , Rectores in primis Collegiorum , in quibus Superiores traduntur Facultates , ponant ea inter præcipuas sui munericur . De scholis sæpe , ac diligenter inquirant , & singulis annis in renovatione Studiorum curent hæc omnibus in memoriam revocari . Provinciales deinde in visitationibus ejusmodi Collegiorum eadem examinent attente , vocato ad Consultationem Studiorum Præfecto , atque hujus sui officii rationem reddant Præposito Generali ; quem etiam moneri quotannis expediet de observatione , vel secus , tum a Con-

180 ORD. PRO STUDIIS SUPER.

sultoribus , tum a Præfecto Studiorum .
Et cum quædam Collegia in singulis fere
Provinciis sint , præ ceteris spectabilia ,
unde ab aliis petuntur exempla ; curent
omni ratione Provinciales , ut doctrina ,
& modus docendi , qui in iis tenebitur ,
eiusmodi sit , ut idoneam inde reliqui
omnes in eadem Provincia normam ha-
beant , quam sequantur : nominatim ve-
ro curandum id erit , prout optarunt Pa-
tres Deputati , in Collegio Romano , to-
tius Societatis facile primo .



RE.

REGULÆ

ACADEMIÆ THEOLOGORUM, ET PHILOSOPHORUM.

1. **H**ujus Academiæ exercitationes Quæ exercitatio-
quatuor fere generum esse solent ; Quo-
tidianæ prælectionum Repetitiones, Di-
sputationes, Prælectiones, seu proble-
mata, Solemniores Actus, quibus con-
clusiones publice defendantur.

2. Repetitiones per horam circiter sin-
gulis fient, quibus scholæ habentur, die-
bus, iis exceptis, qui menstrua dispu-
tatione impediuntur : Eæ vero fient ho-
ra, quæ commodissima videbitur, modo
in Quadragesima liberum Concionis tem-
pus, saltem bis in hebdomada, relinqu-
tur.

3. Repetent seorsim singulæ classes, Repetitionum
una Theologiæ, & tres Philosophiæ, si forma.
totidem sint Præceptores, uno, aut alte-
ro Academicorum auditæ recolente, uno
etiam, aut altero argumentantibus. Ac
Theologiæ quidem repetitionibus præerit
ipse Præfектus Academiæ, aut ejus So-
cius, aut certe aliis ex provectionibus
quarti fere anni Theologis a Rectore Col-
legii constitutus ; Philosophiæ vero repe-

m 3 titio-

titionibus in singulis classibus aliquis item praeerit ex nostris fere Theologus, quem idem Rector designaverit.

**Disputationio-
num forma.**

4. Disputationes erunt aut semel, ubi pauci sunt Academicci, aut, ubi sunt multi, bis in hebdomada, scilicet die vacationis, aut etiam dominico. Ac die quidem dominico a prandio per horam unus ut plurimum ex Philosophis defendet duabus argumentantibus; die vero vacationis per duas horas duo, tresque defendant, unus Theologus, alii Philosophi, totidem similiter, aut pluribus argumentantibus.

Conclusiones.

5. Theologus si solus defendat, conclusiones semper aliquas philosophicas proponet; metaphysicus physicas, & logicas; physicus etiam logicas. Argumentabunt contra Theologos Theologi, contra Philosophos primo loco semper aliquis ex classe proxime superiore, secundo unus ex condiscipulis.

**Disputationi-
bus, quis præ-
sideat.**

6. Disputationibus tam Philosophicis, quam Theologicis, si intersit proprius defendantis Magister, ipsius erit praesidere: sin minus, praesidebit Praefectus Academiæ, aut ejus socius.

Praelectiones.

7. Praelectiones etiam interdum haberi poterunt, quibus quæstionem aliquam suo marte perfectam, vel ingeniosum pro-

problema , expositis in utramque partem, confirmatisque rationibus , aliquis Academicorum ex cathedra erudite pertractet , uno, aut altero argumentante . Hujusmodi autem prælectiones necesse erit Præfecto Academiæ , priusquam habeantur , ostendi , ac probari .

8. Solemiores Actus ipse Academiæ Actus.
Rector , nisi quid obstet , aut aliis a Præfecto delectus interdum habere poterit , Natalis videlicet , Paschatis , Pentecostes , aut alio opportuno tempore : quibus actibus certam aliquam Theologiae , aut Philosophiae materiam aliquibus conclusionibus comprehensam defendet , Magistro præsidente .

9. Hi actus ut cum aliquo apparatu Actuum celebritas.
fiant , curandum : adhibeatur autem a defendantे præfatio aliqua , & epilogus , quæ prius sint , ut cetera , quæ publice recitantur , a generali studiorum Præfecto recognita , & approbata : Externi etiam ad argumentandum , aliique poterunt ad audiendum , quo disputatio celebrior sit , invitari .

10. Uno circiter ante studiorum reno- Introductio.
vationem mense , si Rectori videatur , per quindecim minimum dies iis , qui Philosophiam audituri sunt , introductio , vel Summa ab aliquo ex nostris , quem

Rector, vel forte ex Academicis, quem
Præfector statuerit, explicitur.

**Conclusiones
recognoscendæ.**

II. Conclusiones omnes tam sole-
niorum actuum, quam etiam hebdoma-
dariæ, priusquam defendantur, aut affi-
gantur, erunt & a Præfecto Academiæ,
& a proprio defendantis Magistro reco-
gnoscendæ.



RE-

REGULÆ

PRÆFECTI ACADEMIÆ THEOLOGORUM, ET PHILOSOPHORUM.

P

1. Præter communia, quæ de Præfecto in universum dicta sunt in regulis Academiæ; illud etiam animadvertat, ut in quotidianis repetitionibus eadem repetendi, & argumentandi, eadem disputandi forma, modusque servetur, quem nostri in domesticis repetitionibus tenent: in actibus vero, & aliis conclusionibus defendendis consueta ratio teneatur.

2. Visitet proinde sæpe repetitiones nunc has, nunc illas, videatque, ut diligenter, ac modeste fiant, & ut repetitores recte suo officio fungantur, quos etiam, ut oportuerit, diriget.

3. Non erit abs re eos exerceri sæpius, quam alios, qui proxime sunt cursum Philosophiæ, vel Theologiæ defensuri, vel aliquem Academiæ actum habituri: quos etiam ad hunc finem, ut instructiores sint, monebit, & diriget.

4. Cum socio, si a Rectore dabitur, ita poterit curam, laboremque partiri, ut ei, nisi quid obstet, Theologiæ repetitio-

Exercitatio-
num forma.

Qui magis
exercendi.

De socio.

tiones committat, & cum eo, si videbitur, alternis, diebus præsertim vacatio-
nis, disputationibus præsideat, cetera-
que per eum ad quotidianas Conclusio-
nes, & extraordinarios actus spectantia,
pro ut necesse judicaverit, exequatur.



RE-

REGULÆ

ACADEMIAE.

1. Academiæ nomine intelligimus coetum studiosorum ex omnibus scholasticis delectum, qui aliquo ex Nostris Præfecto conveniunt, ut peculiares quasdam habeant exercitationes ad studia pertinentes.

2. Hoc ex numero omnes censemur, qui sunt ex Congregatione Beatæ Virginis, eo ipso, quod in illam recipiuntur, & Religiosi, si qui nostras scholas frequentant. Ceterum, ubi mos tulerit, & Rectori videatur; alii etiam admitti poterunt, qui ex Congregatione, atque adeo qui ex Nostris Scholasticis non sint.

3. Academicos christiana virtute, ac pietate, diligentia in studiis, & scholasticis legibus servandis ceteris omnibus discipulis praestare, & exemplo esse oportet.

4. Collegii Rector Moderatorem, vel ex ipsis Magistris, vel ex aliis Nostris idoneum aliquem unicuique Academiæ praeficiet.

5. In unam Academiam Theologi, & Philosophi fere convenire poterunt; in altera-

alteram Rethores , & Humanistæ ; in tertiam omnes Grammatici , si nec nimis multi sint , nec ita doctrina inæquales , ut eædem exercitationes omnibus fructuosa esse non possint ; alioquin singulis suas Academias habere liceat .

Assiduitas , & exercitatio . 6. Assiduitate Academicorum , & exercitationum fervore Academiæ fructus maxime continetur . Quare si qui sæpius absent , aut exercitationes per vices obire recusarent ; præsertim vero , qui propter immodestiam perturbationi aliis , aut officioni essent , dimitendi erunt .

Magistratus . 7. Magistratus , qui in unaquaque Academia tertio , quartove quoque mense pluribus Academicorum , secretisque suffragiis eligentur , hi ferme erunt : Academiæ Rector , duo Consiliarii , & unus Secretarius , quibus alii etiam addi poterunt , muneraque distribui pro Academicorum frequentia , loci consuetudine , & Rectoris Collegii judicio .

Rector . 8. Rector in Academia Theologorum plerumque sit Theologus : quod si interdum ex Philosophis eligendus videretur , sit saltem Metaphysicus . In Academia item Rethorum , & Grammaticorum , quando ex diversis classibus constant , vel plerumque eligatur ex classe superiore , vel alternis , ut Collegii Rector censue-

suerit. Is autem eligendus, qui virtute, ingenio, & doctrina præstet, cuius erit Academiam promovere, præire ceteris virtute, ac diligentia, & actum aliquem ex præcipuis Academiæ vel initio, vel in fine Rectoratus habere. Poterit autem Rector Academiæ Theologorum interdum, si sit Theologus, absente Magistro, Philosophos defendantes dirigere, & argumentantium argumenta resumere, & urgere.

9. Consiliarii erunt Rectori loco, & Consiliarii honore proximi, ejusque absentis vices primus Consiliarius tenebit, priore etiam absente secundus; eaque munera obibunt, quæ Moderator Academiæ per se, aut per Rectorem imponet.

10. Secretarius libros omnes Academiæ Secretarius diligenter servabit. Nomina Academicorum eo ordine, quo in Academiam recipiuntur, in libro scribet, in quem etiam seorsim nomina Magistratum, cum eliguntur, & omnia Academiæ acta, non tacitis Academicorum, qui aliquid præstiterint, nominibus, referet; Rhetorum etiam orationes, poemata, & carmina, quæ affiguntur, a Moderatore selecta. Idem tempestive eos, ut se comparent, admonebit, quos a Moderatore cognoverit Academiæ exercitationes obituros, nisi

190 REGULÆ ACADEMIÆ.

si in Academia Theologorum necesse videatur id fieri per bidellum. In fine cùjusque Academiæ publice pronunciabit, quænam exercitationes, & a quibus habendæ sint. Publice theses, & in Rethorica etiam problemata, vel ænigmata dissolvenda mature proponet.

Consultationes.

11. Ter, aut quater in anno, videlicet post creationem Rectoris, consultationes, vel omnium Academicorum, vel saltem Magistratum simul cum Moderatore habebuntur ad Academiam promovendam, eaque tollenda, quæ ejus progressum impedire videantur.

Regularum lectio.

12. Vel in his consultationibus, vel ante creationem Rectoris, Academiæ regulæ legantur, quæ vel in tabella scriptæ sint, vel in libro Academiæ; in quo etiam omnia deinceps Academicorum nomina scribenda erunt.



RE-

REGULÆ

PRÆFECTI ACADEMIÆ.

1. **A**d pietatem Academicos, non solum Ad pietatem ad studia promoveat; quod virtutum exemplo, & privatis, cum tulerit occasio, colloquiis præstare poterit. promovendi.

2. Academiæ regulas diligenter servari curet, in primisque Academicorum quotidiani exercitationibus assiduitatem, ac diligentiam exigat. Regularum observatio.

3. Efficiat, ut omnes Academicici variis exercitationum generibus, quantum fieri potest, per vices exerceantur. Exercitatio.

4. Nec receptas consuetudines tollat, nec novas introducat sine facultate Rectoris, nec quidquam faciat, quod alicujus momenti sit, quod non cum ipso communicet, & quæ præscripta fuerint, diligenter exequatur. Nil sine Superiori innovandum.

5. Horas Academiæ, repetitionum scilicet, disputationum, & similiū ita dispenset, ut horas Congregationis non impedian, quo Academicī commode possint utrisque exercitationibus interesse: quam etiam ob rem nullus erit sine magna causa Congregationis tempore privatis colloquiis detinendus. Academie tempus.

FOR-

FORMULA VOTORUM SIMPLICIUM

QUÆ FINITA BIENNALI PROBATIONE
EMITTUNTUR.

Omnipotens sempiternæ Deus, Ego
N., licet undecumque Divino tuo conspe-
ctu indignissimus, fretus tamen Pietate,
ac Misericordia tua Infinita, & impulsus
tibi serviendi desiderio, voveo coram Sa-
cratissima Virgine Maria, & Curia tua
coelesti universa, Divinæ Majestati tuæ
Paupertatem, Castitatem, & Obedien-
tiam perpetuam in Societate Jesu: &
promitto eamdem Societatem me ingres-
surum, ut vitam in ea perpetuo degam;
omnia intelligendo juxta ipsius Societatis
Constitutiones. A tua ergo immensa bo-
nitate & clementia per Jesu Christi San-
guinem peto suppliciter, ut hoc holocau-
stum in odorem suavitatis admittere di-
gneris; & ut largitus es ad hoc desideran-
dum, & offerendum, sic etiam ad explen-
dum gratiam uberem largiaris. Romæ,
vel alibi, tali loco, die, mense, & anno.

INDEX

REGULARUM, ALIARUMQUE RERUM,
QUÆ IN HOC LIBRO CONTINENTUR.

Juxta ordinem, quo collocatæ reperiuntur.

R egulæ Scholasticorum Nostræ Societatis.	Pag. 1
Institutio eorum, qui per biennium privato studio Theologiam repetunt.	6
Regulæ Communes Professoribus Classium Inferiorum.	10
Regulæ Professoris Rethoricae.	27
Regulæ Professoris Humanitatis.	38
Regulæ Professoris Supremæ Classis Grammaticæ.	46
Regulæ Professoris Mediæ Classis Grammaticæ.	52
Regulæ Professoris Infimæ Classis Grammaticæ.	57
Regulæ Externorum Auditorum Societatis.	63
Regulæ Adjutoris Magistri, sive Bidelli.	66
Regulæ Praefecti Studiorum Inferiorum.	68
Scribendi ad Examen Leges.	85
Leges Præriorum.	87
Regulæ Academiæ Rethorum, & Humanistarum.	92
Regulæ Academiæ Grammaticæ.	95
Regulæ Communes omnibus Professoribus Superiorum Facultatum.	97
Regulæ Professoris Sacrae Scripturæ.	104

n

Re-

194

<i>Regulæ Professoris Linguæ Hæbreæ.</i>	109
<i>Regulæ Professoris Theologiæ Scholasticæ.</i>	110
<i>Regulæ Professoris Casuum Conscientiæ.</i>	117
<i>Regulæ Professoris Philosophiæ.</i>	121
<i>Regulæ Professoris Philosophiæ Moralis.</i>	129
<i>Regulæ Professoris Mathematicæ.</i>	130
<i>Regulæ Præfecti Studiorum.</i>	131
<i>Ordinatio pro Studiis Superioribus ex deputatione, quæ de illis habita est in Congregatione IX. Gene- rali a R. P. N. Francisco Piccolomineo ad Provin- cias missa anno MDCLVI.</i>	140
<i>Regulæ Academiæ Theologorum, & Philosophorum.</i>	181
<i>Regulæ Præfecti Academiæ Theologorum, & Philoso- phorum.</i>	185
<i>Regulæ Academiæ.</i>	187
<i>Regulæ Præfecti Academiæ.</i>	191
<i>Formula Votorum Simplicium, quæ finita biennali Pro- batione emittuntur.</i>	192

F I N I S.

RE IMPRIMATVR,

Si videbitur Rmō Patri Sacri Palatii Apo-
stolici Magistro .

*Benedictus Fenaja Congr. Missionis
Archiep. Philipp. Vicesgerens .*

RE IMPRIMATVR.

Fr. Thomas Vincentius Pani Ordinis Prædi-
catorum S. P. A. Magister .

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100